


KUNA NI MUUNA FA

YAKONA KUTUKISA LISELI

 Ni itumezi muzwale. (Mutuhele a opele.) Halu inamiseni litho zaluna cwale. Ndata luna Ya kwa Lihlimu, lu itumela ku Wena kakusasana cwana ka bunde bwa Hao ni sishemo, ka kulufa lithonolo la ku kopanela mo hape, lizazi la siemba se situna sa Kuyakuile, ku to lapela yena ya Lateha, yena Mulena Jesu Kreste. Lu itumela ku Wena kakuli Na tile mwa lifasi ku—ku to lu lamulela kwa—kwa bupilo bwa sibi, ni ka ku lufa sifumu se situna se lu nani ka kuluka kwa Hae. Mi sina luna, kakusasana cwana, luteni mo kuba lindumeleti za Hae, kuli—kuli lu ikabele Sinkwa sa Bupilo bo kwa kopano ye libelezi ye, mi cwale Moya o Kenile a susumeze Linzwi kaufela ni ku libeya mwa lipilu za sicaba, kuya ka mo lu tokwezi. Lwa kupa ka Libizo la Jesu. Amen.

Ha muine.

² Luli ni talima taba ye, kuba lithonolo lelituna, hape kakusasana cwana, ka kuyema fapila mina. Mu lu swalele haluna sibaka sesituna mo ne lu lukela kubela, kuli lukwanise sicaba kaufela. Tabernakele ya luna ha ki yetuna. Mi lu itumezi hahulu fa kuba mo, mwa nako ya mazazi a pumulo a, kuzwa—kuzwa kwa ndu ya luna mwa . . . kwa Tucson. Mane kamba ki zende kamba ki ze tata, kono ne lu tabezi fa kuba mwa mukopano woo.

Cwale, Ni bata ku zibahalisa busihu bwa kacenu kuli ku kaba ni sebelezo ya foliso busihu boo, kamba litapelo za bakuli. Mi Ni bulelezi Billy zeo cwale. Ki hali, “Kihande, ki sikamañi se mu ka eza?”

³ Se nili, “Kihande, mwendi kihande ufe makadi busihu boo, mwendi ka sikisi seti, ili kuli sicaba si sike saba . . .”

Mi, mwabona, ku titihani hahulu mwahali mo, lwa kona kuziba mo lu kaba kenyeza mwahali, alimuñwi ka alimuñwi, kuli mukone ku bizwa ka nombolo yeli fa kadi ya mina, mi ni kuli kusike kwaba siimpiti ni hanyinyani. Lwa kona ku ba biza fela, alimuñwi ka alimuñwi, kuli ba zamaye mwa mukoloko halunze lu ba lapelela.

⁴ Kacwalo, mina, haiba mwa kula, kamba balatiwa ba mina haiba ki bakuli, mi hamu tokwa ku batisa, mutahe ka sikisi seti, nto yeswana sina cwalo, sebene kiloko, mi mutonga kadi ya tapelo. Ukaba fa munyako, kamba mwa ka fela makadi kaufela, hamunze mukena mwahali.

⁵ Mi, cwale, ye ikona kuba nako ya mafelelezo ye Ni ka kuta, fa nako nyana, kakuli Nina ni musebezi omutuna luli cwale. Fa, mi mane isali mwa United States kufitela maliha ataha aa, kwa mafelelezo. Kacwalo, luna, mwendi lu ka kuta kasamulaho nyana wa mbumbi ye.

Haiba Mulena wa lata, Ni tabela kuli, haiba lukona kuba ni—ni sibaka ona kwanu haiba si kona kuba ni ze fukisa moya. Neni ka buza Billy. Ni ka tabela kuambola ka Litolombita Zesupa zani, ni be ni seb- . . . ni mukopano kwanu ka Litolombita Zesupa, haiba—haiba Mulena a lata. Kakuli, zani, ona—ona Masika a Likeleke Zesupa, ni Maswayo Asupa, mi cwale ni Litolombita Zesupa. Mi mwendi lube ni nako mwendi ka kweli ya Mbuwana ko batu babanga ni pumulo ya bona, lwa bafa nako kuli ba tahe.

⁶ Mi Ni tabile kubona Muzwale Shepherd mo kakusasana cwana, u zwile mwa sipatela. Ne niilo mu bona zazi leliñwi. Mi Kezeli Shepherd, Ne ni si ka ku lizeza maabani. Tolo yani yo no ni lumezi neli yende, lulu luli. Wa bona, sina mo ne iinezi, Kreste mwa—fa si . . . mwa—mwa mbyumbyulu, inza pahami pelesa yesweu ye, kono inze itamilwe, mwa bona. Kono, niteni, isika ku siya kale, lubasi lwa henu kaufela ba ibona. Sani, toloko ya tolo, ki kuli lubasi lwa henu ba boni muzamao wa Hae wa mazazi a maungulo a u si ka fela kale, kamo Ne kuinezi. Kacwalo, kikuli, sani neli sa moya hahulu, mi neli mbuyoti yetuna hahulu ku wena, lubasi lwa henu. Lubasi lwani ne lu fitile mwa nyandiso yeñwi cwalo, kuli ba tahe fo ba inzi kacenu.

⁷ Mi cwale luna ni nto yeñwi, nto yeñwi kwa neku le li tomolisa pilu, kakusasana wo. Kuzwa ha Ni kopanezi kwanu. . . Alimuñwi wa balikani ba luna babande, mi—mi ni baba tahanga kwa tabernakele ye, lubasi lwa ba ha Coats; bao, luna kaufela lu lata. Ba zwelela kwa upa, mi, kamba ki kwa Chicago, sibaka sani. Ni Kezeli Billie Habib, mi—mi ni kezala hae, Armstrong, ni basizana kaufela. Bona . . . Ni sepa kuli neli ba Nazarene sapili, mi ba tile ku Mulena, mi ki balikani ba luna babande hahulu.

Mi Muzwale ni Kezeli Coats, bo ndata bona ni boma bona, nebali mwa musipili wa kuya kwa hae zazi leliñwi, ku zwelela kwa Wiko, mi yomuñwi ato wa ka kutelela fa mukwakwa mi—mi a bulaya Kezeli Coats, ona fo. Mi—mi hane ba ni bizelize teñi, mwa—mwa Tucson, mi Na utwa ka zona, Ne ni ikinezi kwani ka nako yani ni kakwakwati ka maswiti ka na ni ezelize, na niinzi fa—fa tafule. Mi hamu zibi kuli ne li ni utwisize cwani zeo. Kono Ni—Ni sepa kuli, ni itumela ku Mulena kakusasana cwana, na sa lukeli ku nyanda. Na ya asupala, mi na sa lukeli ku nyanda. Mi uile kwa Hae ku yo ba ni Mulimu.

⁸ Neni sweli fela ku nahana, ni kuambola kwa basizana ba hae bababeli, ona cwale fa, mwa muzuzu mwani. Muzwale Coats uteni mo kakusasana cwana; yena u lobehile makupo. Mi Na mu

lizeza hanali mwa sipatela ili kona ko ne ba mu sweli, kwani mwa Missouri, mi makupo a hae na lobehile ni lika zeñwi, kono yena luli nana ni bundume bwa luli, Mukreste wa niti; ka kuziba kuli musala hae yomunyinyani ha si ka shwa kale, wa pila kuyakuile, ni Kreste, mi kukaba nako ya ku kopana.

⁹ Jobo naize, cwana nako yeñwi, “Oh, kabe U ka ni pata mwa libita, mi u ni buluke mwa sibaka sa kwa mukunda, kufitela buhali bwa Hao bu fita.”

¹⁰ Kana mukile mwa lemuha Mulimu, mwa lika zebupilwe, kuli u eza lika ze swana? Inge mezi afumaneha mwa likota mwani, a fumaneha mwa matali; mi nako ya maliha isika fita kale, buhali bo bu suluhelanga fa lifasi. . . Mwabona, ka nako yani lifasi ne li sina maliha. Mi mwa Mileniamu hakuna kuba maliha ni hanyinyani, mwa bona. Kacwalo ki buhali fa lifasi. Mi cwale sani hane si ezahalile. . . Mwabona, buhali busika taha kale, Mulimu mwa sishemo sa Hae uluma mununo wani ku shetumuka mwa . . . tasi a mubu, kukena mwa mibisi ya kota, mi u bulukiwa ona mwani kufita buhali bwa maliha kaufela bu fela, ni ku u zusa hape, mwabona, mwa nako ya litabula.

“Oh, kabe Uka ni pata mwa libita, ni ku ni beya mwa sibaka sa mwa mukunda, kufitela buhali bwa Hao bu fela.” Seo kona Sa ezelize kezela luna. Sani kona sa Ezezanga Bakreste kaufela.

¹¹ Muzwale Coats, Mulimu aku fuyole. Ni tabile hahulu ka kuziba cwalo, kuli Liswayo la Mulimu li swala hande mwa nako ya butata. Na ziba sa sweli kufita ku sona, kakuli Ne ni fitile mwa lika ze swana, lilimo za kwa mulaho. Kono Ni . . . Alimuñwi ka alimuñwi lukaba ni kusila nuka yetuna ye; mi, Na, mi ikaba nako yaka, leliñwi la mazazi aa; mi ni nako ya mina, leliñwi la mazazi aa. Kono sina Davida hana bulezi kuli, “Hanina kusaba bumawe ni bo bukana; kakuli Wena una ni na. Mulamu wa Hao ni lusata lwa Hao za ni katulusa.”

¹² Cwale ka kuba ni kupuzo ya Kezeli Coats, kezela luna yomunde ya ile ku yoba ni Mulimu. Ni . . . Kakuba kupuzo nyana ya hae, kakusasana cwana, Ni bata kuli kopano i yeme cwale fa nako nyana.

Halu inamiseni litho zaluna mi lu nahane ka alimuñwi yo nako yeñwi, mwa mazazi nyana a fitile, na zamaile mwa—mwa tabernakele mo, mwahali ni fande mwahala luna, yana itumelisa ni luna mwa mazoho, ki Mukreste ya latiwa, sa inzi cwale mwa sibaka sani sana ni bonisize Mulena ha ki kale hahulu, ali musali yomunyinyani hape, u libelezi lubasi lwa hae lo lu sa taha.

¹³ Ndata luna Ya kwa Lihalimu, lu itumela ku Wena ka mihupulo ya Kezeli Coats. Ha ki kezeli kwa bunde, ya latiwa! Mi cwale nako ya tahanga fo luna ni kupila siemba sa luna mwa bupilo, se si filwe ku luna, lu swanela kusila nuka. Lwa itumela ku Wena bakeñisa kuli na si ka ba ni ku nyanda. Ne ku sa lukeli kuli kube sesi maswe ku yena, za na lukela ku nyanda ka zona.

Uile fela hande ku yo kena mwa mazoho a Mulimu, fa nako nyana fela.

¹⁴ Muuna hae, bana ba hae, bateni mo kakusasana cwana, Mulena, ba kutezi hape mwa libaka za misebezi ya bona. Awa lwa itumela ku Wena bakeñisa tumelo tuna yani! “Tumelo ya Ndata luna i sa pila ni cwale, niha kuba musima, malimi a mulilo, ni lilumo.” Lwa itumela ku Wena ka lika zeo kaufela.

¹⁵ Pumulisa moyo wa hae omunde, Mulena. Nali kezela luna. Maswabi, mioko ya wa mwa lipilu za luna, bakeñisa kusaba teni kwa hae, kono tabo ye zwelela mwa mioko yani, ilu zibisa ka sepiso ya Linzwi la Hao kuli wa pila mwa bupilo bo busina lifu bo busike ku shwa. Mi hakuna kuba kozi ya fa mukwakwa kwani kwaile cwale, konji fela ku libelela bani baba sa taha mwa mulaho ku yo kopana ni yena.

¹⁶ Fuyola Muzwale Coats, mi ufuyole ni basizana bani ni lubasi lwa hae, Mulena, ni balatiwa bani, ni bao kaufela baba mu lata. Mi zazi leliñwi, Ndate, lu sepa ku yo kopana ni yena kwani mwa sibaka sesituna sa Mwabuse, ko kusina matuku, maswabi, kamba lifu. Kufitela nako yani, lu buluke kaufela luna mwa buiketo ni mwa bunde, lu nze lu Ku sebeleza, ni kuina lu libelezi lizazi lani. Ka Libizo la Jesu Krete lwa kupa. Amen.

¹⁷ Mi cwale Moya o Kenile omutuna o ambolanga ni luna mo mwa tabernakele ye, mwa kupatulula Linzwi la Hae, cwale A pumulise moyo wa hae o sepahala mwa kozo kufitela lu yo kopana ni yena.

¹⁸ Cwale kwa cisa mwahali mo kakusasana cwana, kakuli ki mibili, mwa ziba, ki kucisa kwa mubili wa mutu.

¹⁹ Cwale, lu tabela kufa lizibiso cwale. Fokuñwi lisebezezo zaluna kwanu, libanga ze telele, za—za kakusasana, libaka ze libelanga cwalo kikuli. . . Ha ki nto yende luli kubanga ni sebezezo yetelele cwalo, kakuli, hola, hola ni licika, kamba mane fokuñwi liholo zepeli. Kono se Ni eza, Ni sweli kutepiña kwa mulaho kwanu, mwabona, mi tepu ye iya mwa lifasi kaufela. Mi sani kona se Ni. . . lu kopanela mo, nako yetelele cwalo, mwa kakusasana, ki—ki kakuli Ni telanga ku to pangana matepu aa. Seo ki ku. . . Na. . . ki ba. . . Mwabona, mwakona kubona mwa sibaka mwani, ma—ma matepu asweli ku—ku pangwiwa. Cwale. . . Mi ana ni kuya kwande mwa libaka kaufela za lifasi.

²⁰ Cwale, cwanoñu, haiba Mulena alata, nako yetaha ye, Ni sa zwa fela mo. . . Ni ka ya, haiba Mulena alata, kamuso kakusasana, fokuñwi, ni kutela kwa Arizona, kakuli Ni na ni mukopano o taha. Mi kipeto ki kuyo punya cwalo kuya kwa Mboela. Mi ni mina sicaba sa kwa mboela ku kalela mwa Georgia, ni Mississippi, ni Texas, ni Alabama, lu taha ona kafoo, kuyo punya cwalo ni kwa Florida, ona fa cwale.

²¹ Ha lu zwa mo lu ya kwa Phoenix, kona lu ka ya kwa California, ni kukutela kwa Dallas, mi—mi mwendi lu kayo

punya ni mwa San Antonio, Ni sepa ki kona, ni kukutela mwa Alabama, ni Florida, ni mwahali mwani. Konakuli lu ka mi bona sicaba mwa libaka zeo, haiba Mulena alata, ona fa kapili.

²² Mi kipeto mu zwelepili ku lu lapelela, mi lu ka mi zibisa kuli ki lili, haiba luka . . . Mulena ha ka si beya fa lipilu zaluna cwale kuli lube ni—ni mazazi nyana kwanu, ona mbumbi yetaha ye.

²³ Ne nina ni mukoloko wa mikopano ye namile. Mi buñata bwa mina mwa New York mwa ziba fo ne itezi pono, yene bulezi kuli mikopano yani mwa naha ya ma Scandinavian . . . Mwa hupula mikoloko yani kwani? Mi cwale, ha Ne nili mwa New York, pono ya taha, kuli kaufela yona mikopano yani neika kansuliwa, ka libaka leliñwi. Mi Na hupula Ne ni bulelezi babañwi ba mina mo, cwale hane luli mwa New York. Sani neli sona sene si ezahalile ona cwalo, kakuli kaufela bona neba bata lizazi leli swana mi ne lu palezwi ku fumana muyaho o cwalo.

Kacwalo, he, sani sa kona ku siya siemba nyana kwani mwa kweli ya Mbuwana. Ha ikona kuba tato ya Mulena, Ne ni sweli ku nahana, kuli mwendi ni to kutela Litolombita zani kwanu, nako isika fela kale. Mwabona? Kacwalo lu ziba kuli lika kaufela li sebeza fela hande. Kacwalo sani ne sili fa pilu yaka, kuli sibe kuya ka Mwa batela kuli lueze.

²⁴ Cwale Ni bona kuli musweli kucinca lipula ni yomuñwi, mane—mane ni kwande mwa miyaho, ni zeñwi cwalo. Lu lakaza kuli kambe luna ni sibaka sa kuina kulo kafoo.

Mi cwale haluna ni Litolombita zani, zani kikuli . . . lu bata kunga sibaka sa sikolo sesituna sa kuezeza lipapali ze tiisa mibili. Ni sepa kuli ku kwana lipula ze mianda ye mashumi a ketalizoho ni ye ketalizoho, mi kipeto lukaba ni kolo, hape, mañi ni mañi ukaba ni sipula, ni kuina fafasi ni ku teezeza ka kuiketa halunze lu—halunze lu kutaza.

²⁵ Kamba, se, ona Litolombita, zona luli, luli ki zende. Ne ni sweli kotalima fateni zazi leliñwi. Mwabona, fa Liswayo la Busilezi, Litolombita Zesupa kaufela ne li lilezi fa Liswayo la Busilezi lani, mwabona, Swayo ya Busupa isika kwalula kale za Kutaha kwa Kreste.

²⁶ Mi, busihu bo, Nina ni Liñusa leli butokwa hahulu le Ni bata kubulela lu sikaba kale ni—ni—ni sebelezo ya ku foliswa. Mi haiba muteni mo, mi muka ina ni luna, kihande, luka lika, haiba ku konahala kuli lu kalise ka ku itahanela nyana, kakuli kukaba ni mukoloko wa litapelo. Hanina ku kutaza nako yetelele, kono kuna ni sesiñwi se Ni batile kuli ni bulele kwa keleke, fa nako nyana, mi ni ku beya mwa—mwa—mwa—mwa . . . buino bwa lika mo li zamaela ka nako ye, mi ni fo lu yemi, mi ni ka kuziba hande kwaka kuya ka Mañolo.

²⁷ Cwale, Ni bata kuli muapule kakusasana cwana nina, haiba mubata kuñola kamba kuba ni palo ya fo lu sweli kubala,

Buka ki Isaya. Mi Ni lakaza kubala mwa Isaya, kauhanyo ya 42 ya Isaya.

²⁸ Lu tabile hahulu kakusasana cwana, hape, ka kuba ni Muzwale Dauch yainzi ni luna mo. Hamu sweli ku apula. . . Mwa ziba, ne ba hupula kuli na si ke kupila, ona mo mwa Shreveport zazi leliñwi. Mi yena kaniti una ni tumelo. Eeni, sha, a zwa mwateni; Mulena wa mu fuyola ka ku zwelapili cwalo, eehe. Mwabona, Muzwale Dauch una ni myaha ye nainte wani ya kupepwa, mi na katazwa ki pilu ku palelwa ku sebeza hande; ni kukula pilu, fa halimwa zona. Mi yena dokota luli abulela niki neba sika bona kuli neku kaba ni mukwa hape kuli apile. Muzwale Dauch wa pila, mi dokota yena u shwile. Mwabona? Kakuli, yena. . . Mwabona, Muzwale Dauch uinzi mo.

²⁹ Mi cwale, mu—mu muuna wa lilimo ze nainte wani za kupepwa, ni pilu ye palelwa ku sebeza ni kukula pilu cwalo. Mi fani, hane Ni ya kulo kwani, Na mubona inza taha mwa nzila inza zamaya; Na mubona mwa keleke. Mi Naya ku yo mubulela, mwa tende ya okisijini nali, “Ka Libizo la Mulena, Na swala lizoho la hao mwa. . . Ni ka kubona mwa keleke hape, ni ku swala lizoho la hao mwa mukwakwa.”

Yona sebelezo yetatama luli, ki yo nali teni, ali kuinela kwa mulaho wa keleke kwanu. Mi Na ya kwa Louisville, kone lu ilo cela kwa Blue Boar kwani, ku yo ca, mi hane Ni tuluka fela mwa mota yaka, na kala kukena mwa nzila, ki yo Muzwale Dauch ataha inza zamaya mwa mukwakwa. Ki yani fani, ka kuiketa luli. Mi cwale Mulena u mu fuyozi!

³⁰ Cwale luka ambola ka za foliso, busihu boo, ni lika zeñwi, mi nina ni lika za butokwa luli za ku mi bulelela busihu boo.

³¹ Kono cwale, ili kuli Ni nge matepu cwale, mi muitukise ku atukisa, Ni bata ku kalisa kubala mwa Isaya kauhanyo ya 42, mi timana ki ya 1 kuisa fa 7. Ni Mateu kauhanyo ya 4, ka kukala, Na lumela, timana ya 15 ni 16.

³² Cwale, mwa—mwa kauhanyo ya 42 ya—ya Isaya, lu ka bala.

Amubone mutanga ka, ye Ni yemela; muketwa waka, ku yo moya wa ka u katelwa; Ni beile moya waka ku yena: uka tisa katulo ku Bamacaba.

Ha na kulila, kamba ku huwa, kamba nihaiba ku utwahalisa linzwi la hae mwa linzila.

Hana kuloba lutaka ka butuku, mi hana kutima mulilo otumbukile fa bwanda: uka tisa likatulo kuya ka niti.

Hana ku palelwa kamba ku zwafa, kufitela a feza. . . kutoma likatulo mwa lifasi: mi lioli li ka libelela litaelo za hae.

Ki sona sa bulela. . . MULENA, ya bupile mahalimu, ni ku a namulula; yena ya yalile lifasi, ni ze zwile ku lona;

yena ya fa bupilo kwa batu baba yahile ku lona, ni moya ku baba zamaya mwateni:

Na MULENA ni ku bizize ka kuluka, mi Ni ka swala lizoho la hao, mi ni ka ku babalela, ni kufe bulikani bwa sicaba, kuba liseli kwa Macaba;

Kuli ni tutubule meto a libofu, ni ku lukulula baba mwa litolongo, ni babali mwa lififi kuli bazwe mwa ndu ya tolongo.

- ³³ Cwale mwa Evangeli ya Mateu, kauhanyo ya 4, Ni bata kubala ku talelezwa kwa sipolofita sani sene si filwe ki Isaya. Mwa kauhanyo ya 4 ya Mateu, Ni—Ni ka kala kubala. Haiba ku konahala, halu kaleleni fa timana ya 12 kufita kukala ka ya 15.

Cwale Jesu ha utwa kuli Joani na kenyizwe mwa tolongo, aya kwa Galilea;

. . . asiya Nazareta, ataha ku to pila mwa Karpenauma, ili munzi oli fa likamba la liwate, mwa milulwani ya Zabuloni ni Nefetalimi:

Kuli ku talelezwe sene si bulezwi ki Isaya mupolofita, hali,

Amubone, naha ya Zabuloni, ni naha ya Nefetalimi, kwa nzila yefita kwa liwate, mwabuse bwa Jordani, Galilea wa Bamacaba;

Sicaba . . . se ne sili mwa lififi sa bona liseli lelituna; mi ku babane bali mwa libaka za muluti wa lifu liseli la monyeha.

Mi kuzwa ka nako yani Jesu akala ku kutaza, ni kubulela kuli, Mubake: kakuli mubuso wa lihalimu u fakaufi.

- ³⁴ Mi Mulena aekeze limbuyoti za Hae kwa palo ya Linzwi la Hae! Mi cwale, palo nyana ye ipitezi yene Ni utwile yomuñwi inza bulela ka yona, kono Ni bata kunga ye kuba toho ya taba: *Kuna Ni Muuna Fa Yakona Kutukisa Liseli*. Mi cwale luka bulela fa tuto ya liseli.

- ³⁵ Ye i latelela lituto zetalu zene lu sweli fela kubulela ka zona.

Iliñwi ya zona, kwa Tucson, kamba kwa Phoenix, kuli ki kabakalañi Jesu hana tile ka nzila ya Betelehema. Kuli, Na lukela kuba cwalo, kakuli ki Yena Betelehema. Betelehema! *B-e-t-h* ki “ndu”; *e-l*, “Mulimu”; *e-h-e-m* ki “sinkwa,” sinkwa. “Ndu ya Sinkwa sa Mulimu.” Mi Mukreste ufi kaufela ya pepilwe ku Kreste u pepezwi mwa Betelehema, ili yona ndu ya sinkwa sa Mulimu.

- ³⁶ Mi, mwahali mwani, mufuta wa Davida, yana li muyambaeli ka nako yani hana lelekilwe kuzwa mwahala sicaba sa hae. Na hanilwe. Mi Betelehema na potolohilwe, mi Mafilisita neba tingulukile Betelehema ni lilwaniso. Mi Davida, muyambaeli,

mufuta wa keleke kacenu, ya Kreste. Mwabona, Kreste ki Muyambaeli kwa keleke ya Hae Tota kacenu. Bana ni... *Muyambaeli* ki mutu “ya hanilwe.” Mi David na hanilwe, ibo nali mulena ya tozizwe; kono mupolofita na mu mutozize.

³⁷ Mi ka yona nako ye, kakuba mu—mu muyambaeli kwa sicaba sa hae, na ngile Bamacaba babañata. Alimuñwi wa bona na bulaile baana baba mianda ye ketalizoho ka zetaalu, zazi leliñwi, ka muwayo, kamba mukwale. Mi yomuñwi atulela mwa musima mi a bulaya tau, ka lizazi la mbundu. Mi—mi ne ba sweli ku yanga litoze za miloho, zeli manawa kamba lituhu, kamba nto yeñwi, mi—mi kaufela bona ba matela kwahule, mi ayema ni ku bulaya baana kufitela lizoho la hae li katala. Mi ba bulaya ni mizwale ya lingangalume za Goliati zani.

Muuna ya sepahala, yana swalelezi ku Davida, kakuli neba ziba kuli na taha mwa mata. Neba zibile, hakuna taba ka sana bulala mutu. Mulimu na beile tozo ku Davida, mi neba zibile cwalo. Nebali Bamacaba. Hakuna taba kamba neba mu lelekile cwani, niteñi neba zibile kuli na taha mwa mata. Mi zazi leliñwi kwani . . .

³⁸ Ha ki mufuta wa kacenu ni wo, wa—wa Kreste, wa Muyambaeli! Mu li, “Kreste, kuba Muyambaeli?” Kuya ka Bibebe, kuli lube . . . Mulimu ulu ngile ka busepahali hande ku lufitisa mwa Masika a Likeleke Zesupa ani. Lusika lwa keleke ya Laodesia, Kreste nali Muyambaeli kwande a keleke ya Hae, na hanilwe, inza lika kukutela mwateni hape. Mwabona? Yena ki Muyambaeli, kwa keleke ya Hae Tota. Mi libaka La bezi Muyambaeli, kakuli ki Yena Linzwi, mi habana ku lumeleza Linzwi kukena. Ba amuhezi lituto za litumelo, bakeñisa linzwi.

³⁹ Mi lu fumana, cwana, kuli yona kangisano ye, baana baba sepahala bani bukaufi—bukaufi ni Davida, neli Bamacaba.

⁴⁰ Haiba mulemuha Betelehema mone i kalezi. Hani lati kukena mwa tuto yani, kono ka mo Betelehema . . . Kaniti, Rahaba, wa lihule, mwana hae wa mushimani ki yena yana kalisize munzi wa Betelehema. Neli sibaka mone kulimiwa buloto, mi ni mezi amañata amande mwateni. Mi ki ha kalisa muleneñi nyana wani. Mi neli munzi o munyinyani ka kufitisisa mwahala minzi kaufela, kakuli mupolofita naize, “Kuzwa . . . Betelehema wa Judea, hanili u yomunyinyani mwahala malena ba minzi kaufela ya Jerusalema . . . kamba Judea? Kono ku wena ku ka zwa Muzamaisi yaka lisa sicaba sa Ka.” Kuzwa mwa kandiyana.

⁴¹ Davida, mi hana ketilwe kuya kwani. Yomutuna, mizwale yeminde, fani mupolofita Samuele hana iile, ku yo mu toza, kaufela bona neba yemi fani. Baana, babatuna baba sepahala, ne ku bonahala inge, kutalima, malena bene ba bonahala hande. Kono yena luli yana hanilwe nali yena, Davida, yana nani oli yene selilwe ku yena. Muleneñi o hanilwe neli ona o Kreste . . .

Ki lika ze hanilwe kona za shimbanga Kreste, mwabona, bona baba hanilwe.

⁴² Mi lufumana cwalo, kasamulaho Obedi hana sa tile. Mi kasamulaho kwa taha Boazi. Mi se kutaha yomuñwi wa Bamacaba mwateni, yana tahile ka Ruti. Mi ku yena kwa taha Jese. Mi kuzwa ku Jese kwa taha Davida. Mi sicelo sa lifolofolo kwa matuko a lilundu sani sa tisa Mulena wa malena, Jesu Kreste, yena Mwana Davida, yena Mwana hae wa moyo.

⁴³ Cwale he, nali yena, Davida kasibili ka kupepelwa mwa muleneñi wo, nana ni kutaha mwa sibaka nyana se. Mi ne si bizwa Betelehem, ye talusa kuli, “ki—ki ndu ya sinkwa sa Mulimu.” Mi Yena ki yena Ndu ya Sinkwa sa Mulimu.

⁴⁴ Davida, na lobezi fa lilundu lani zazi lani, mi ha talima fafasi a bona Mafilisita banze ba potolohile cwalo, na sepa ne kucisa mi nana ni linyolwa. Ki hali, “Oh, kambe ne Ni kaba fela ni kunwa mwa lisima lani, nako iliñwi fela!” Kiñi, mihupulo ya hae ye nyinyani ya ba taelo ku yena, bani bene ba mulata.

⁴⁵ Kona mo kuinezi kacenu, yona mihupulo ye nyinyani ya Jesu, kamba kucwani cwale ka Linzwi la Hae, i lukela kuba taelo ku Bamacaba baba Mu lata. Kakuli lu ziba kuli Wa taha mwa mata, hakuna kamba U hanilwe cwani. Lihalimu ni lifasi li ka fela, kono Se sika siyala si nze si busa foo mahalimu kaufela ni lifasi ha se li icongile. Mi lwa ziba kuli Wa taha mwa mata, hakam hakuna se si ka li paleliswa ku ezahala. [Muzwale Branham unata fa Bibehe ya hae—Mu.] Yo ki Kreste, ki sinulo ya Hae, mi se si ka ezahala ona cwalo mo li bulelezi fela Linzwi kuli ku cwalo, kakuli Yena ki Linzwi. Mi ni litaelo zenyinyani za Hae kwani, hakuna taba kamba ki yenyinyani cwani, haiba ki “ku kolobezwa sinca,” kamba kaufela seo sili sona, luka si eza, niteñi. Ki taelo ya Hae.

⁴⁶ Mi mihupulo ye nyinyani ya Davida neli taelo ku Bamacaba bani, kakuli, nebali, mufuta wa Keleke ya Bamacaba kacenu. Baana baba sepahala! Mwabona, baana bani bene ba yemi bukaufi ni Davida nebali Bamacaba, kono, neli baana baba sepahala. Ne ba sa sabi. Ne ba sa zibi kuli sabo ki sikamañi.

⁴⁷ Muuna alimuñwi a comola mukwale ni ku bulaya baana baba mianda ye ketalizoho ka ye milalu, ni bani babañwi kaufela bene bali bukaufi ni yena. Ki muuna ya cwani yani! Alimuñwi wa bona, ki . . .

Muuna yomuñwi. Neku nani mulwani wa Muegepita yana taha inza mata, ni muwayo o mutelele. Nana ni fela kota mwa lizoho la hae. Anopa kota ni ku zusa muwayo mwa lizoho la hae; a mu amuha muwayo mi a mu bulaya, yena kasibili. Mwabona?

⁴⁸ Alimuñwi wa mangangalume bani nana ni minwana ya mainci a fotini mwa butelele, ona cwalo. Cwale, mainci a fotini, munwana wa mina ulikana fela ni lizoho la mina, le li putilwe; ha mu li putulula, likaba lizoho la mainci a twenti eiti. Mi ka

muwayo! A tulela mwani mi a mu bulaya. Mwabona? Kiñi? Nali muuna ya sephala, wa Bamacaba amu talima yana tozizwe mi na bona kuli utaha mwa mata.

⁴⁹ Kana mu lemuhile, bona kakuba baba sephala hahulu ku Davida, mi Davida kwa mafelelezo ato taha mwa puso, aba eza babusisi ba mileneñi nji? Kana Jesu na si ka sepisa nto yeswana? Ki nto yeswana, ku ba eza babusisi.

⁵⁰ Mi, mwahali mwani, kanti takazo ya Davida neli kuba ni mezi abata. Na nani fela mezi akale, a cisa ana inelezi mwani, ana sweli kunwa. Kono na sweli fela ku nahana za mezi abata a kafani kwa Betelehema, yona ndu ya sinkwa sa Mulimu. Mi ali, “Kambe Ne ni ka i nwela fela mwa lisima lani!” Mi baana bani ba comola mikwale ya bona ni kulwana limaili ze lishumi ni ze ketalizoho za Mafilisita, isiñi kuli na ba lumile kueza cwalo, kono kakuli neba ziba kuli na abata. Mi ba lemaka Mafilisita bani, nzila kaufela kuya kwa lisima. Bababeli hane basweli kulwana cwalo, yomuñwi ananula mu—hemele ya hae ya mezi; mi ba lwana nzila kaufela ha ba kuta, nzila kaufela ha ba kuta, mi ba atambeka Davida. Mu bulele ka za busepahali!

⁵¹ Davida, yena muuna wa bumulimu yani, naize, “Mulimu ha lati kuli Ni nwe kwa balikani baba beile bupilo bwa bona mwa ñalelwa.” Mi afa nubu ya sino; sa a sululela fafasi, ku Mulena. “Amu afe ku Mulena. Ki Yena ya swanela sani, isiñi na.” Ba beya . . .

⁵² Ona mufuta luli wa Krete yena Kasibili, ka Bupilo Bobusafeli bwa Hae Tota mwahala Hae; lona Licwe leli natilwe, yana sululezi Bupilo bwa Hae fafasi, kakuba nubu ya sibi ku luna, kuli Linzwi le lipile.

⁵³ Oh, Bamacaba, sina ha Ni bulezi, ki mañi ya ka comola mukwale wani hamoho nina? Ubata mezi amande, kakusasana cwana, isiñi lituto za tumelo ya kekeke ye ze inelezi ni lika ze lu sweli kulyangana ka zona. Ubata tumelo ya niti mwa Linzwi la Hae, baba ka lumela Linzwi kaufela la Teni. Haluyeni kwa lisima mi lu yo tisa mezi a kunwa, a batelwa; milapelo ye si ka toma fa lituto za litumelo za kopano. Kono Moya wa milapelo ya niti, ni Krete mwahala luna, kupila Bupilo bwa Hae ka Mwa latela kupila, mwahala luna, ze—ze sina lituto za litumelo ni lika zeñwi ze shutana. Kifo cwale halu Mubeye fela—fela ona cwalo.

⁵⁴ Cwale, ze tatama neli ka mo Mulimu mwa na talimanezi ni sicaba kuya ka pono, mwa mazazi a—a Josefa. Kana mu lemuhile? Tolo ki siemba sa bubeli. Ki nzila ya bubeli yeo Mulimu a belekisa. Batu babañwi bakona kuba ni litolo, ze sina taluso. Mwakona kuca hahulu kusinduka mane konji mulole ni biunduma. Mi tolo ki nzila ya bubeli. Mwabona? Kono kiñi Mulimu hana ka sileleza Mwana Hae Tota ka nzila ya bubeli? Na bonahalile ku Josefa. Buino bwa Mwana Hae Tota, Na lumile ka nzila ya bubeli. Kana mukile mwa nahana fateni? Kakuli,

nekusina mupolofita mwa naha. Nana ni ku sebeza kufitela mwa litolo. Mi nesi tolo yene lukela ku tolokiwa. Lingeloi la Mulena lali, “Josefa, si sabi ku ikungela Maria musala hao, kakuli sa itwezi ki sa Moya o Kenile.”

⁵⁵ Neli nto yeipitezi kuli sani si ezahale. Josefa kakuli nali muuna ya lukile, na . . . Neli se si ipitezi hahulu. Mulimu ki wa buipiteli. Mi ze ipitezi li tata hahulu ku li utwisisa. Kona hakuli tata hahulu ku utwisisa Niti kacenu; kakuli I ipitezi hahulu. Musali kuli abe ni mbututu kusina muuna, sani neli se si ipitezi hahulu.

Kono haiba wa sepahala mi uya lukile, Mulimu usakona ku iponahaza ku wena mwa tolo. Si bonisa kuli sika kaufela so nani, kamba ki munahano wa hao, kamba ukona kuliza muloli, ku opela, ku paka, kamba kaufela so kona kueza, haiba buino bwa hao kaufela bu beilwe ku Mulimu, Mulimu wa hao wakona ku itusisa zona haiba uka Mu lumeleza kueza cwalo.

⁵⁶ Mi, busihu bo bu tatama ona kwanu, Muzwale Neville na kutalize ka za “ku picuka,” kuli mane—mane muuna yani mwa na picukezi. Mi Na hupula kuli neli mufuta wo komokisa.

Mi kakusasana wo Moya o Kenile u bonahalile ku nifa kutalima fa tuto ya liseli, yona yetatama luli. Ku zwelapili ona cwalo, kwa simuluho, kamo bupilo bwa Krete ne bu kalezi mwa sicelo, lu sweli kukena ku zona hape mwa palo ya luna. Mi na sa li zibi; Ne ni sa li zibi; mi ki se fa kulo fo kuswana luli. Mwabona, kukala cwalo, nto yetatama kona Kwa kenyeza bulumiwa bwa Hae. Mi busihu bo luna ni sesiñwi se si ka zamaelela hande ni sani, kuli lu zwelepili ona cwalo, busihu bo, Mulena ha lata.

⁵⁷ Cwale, Liseli lelituna! “Bamacaba bene ba inzi mwa libaka za muluti wa lifu, Liseli lelituna la monyeha mwahala bona. Mwa Zabuloni, ni Nefetalimi, kwa . . . musindi wa Galilea wa Bamacaba, Liseli lelituna, ba bona Liseli lelituna.”

⁵⁸ Cwale liseli, liseli la nako yapili, lu li fumana mwa Bibebe, li fumanwa mwa Genese 1:3. Ne li, Linzwi la Mulimu le li bulezwi kona lene li ezize liseli. Mulimu ali, “A kube liseli,” Genese 1:3, mi kwaba liseli.

⁵⁹ Cwale muhupule, cwale, liseli litaha ka Linzwi la Mulimu le li bulezwi. Mi liseli kona bupaki, kamba sika Sa bulezi, kona liseli. Mi liseli ha lilaita, li bonisa seo. Mulimu ali, “Ha kube liseli.” Ne kusika ba kale liseli, mi Yena ali, “Ha kube liseli,” mi kwaba liseli. Bwani kona bupaki. Liseli ki bupaki bwa Linzwi la Hae leli bulezwi. Ki nto yeswana ni kacenu, ki ponahazo ya Linzwi la Hae leli bulezwi.

⁶⁰ Cwale ha mubona Linzwi la Hae hanze li iponahaza, kamba, ka manzwi amañwi, hali zibahazwa, ku pakiwa, sani ko—kona Liseli la Linzwi la Hae le li bulezwi. Mi, haku sina liseli, hakuna se si kona kupila haku sina liseli. Hakuna bupilo fa lifasi kacenu kono kaufela li na ni kutaha ka—ka liseli la lizazi, mwa

bupilo bwa limela, ni zeñwi cwalo. Mi hakuna Bupilo Bobusafeli kwanda Mwana Mulimu. Mwabona? Yena ki yena Liseli.

⁶¹ Cwale lufumana kuli, Na lumela, hanze lubala cwale, mi liseli le. . . “Lifasi ne lisina sibupeho.”

⁶² Cwale, batu babañwi ba kanananga kacenu mwa likolo za luna, ni zeñwi cwalo, ka za kuli lifasi lina ni lilimo zeñata hahulu ma milioni amañata cwalo, mi balika ku nyaza Bibeledi ni kubulela kuli I fosahalile. Fela ha bakoni, haba si ka bala fateni Bibeledi. Ku felile. Kakuli, Bibeledi hailu buleleli kuli lifasi lina ni lilimo zekai. Bibeledi ibulezi kuli, “Kwa simuluho Mulimu na ezize lihalimu ni lifasi.” Kipeto! Ki lili, neli cwani, za kuli, halu zibi zeo. Cwale, yani kona yapili. Mi, kona mafelelezo, ao kona mafelelezo a mubamba wani.

⁶³ “Kwa simuluho Mulimu na bupile lihalimu ni lifasi.” Hakulata neli lilimo ze likana ma milioni a mianda, kamba bilioni, kamba seo kaufela neli sona. Ni mwa Na li ezelize, zeo ki za lukela kuziba Yena, mwabona, ha ki na.

Kono lifasi, kihande, “Lifasi ne li sina sibupeho, mi nelili fela; mi mezi nali fahalimu a—a lifasi. Mi Mulimu,” ali, “na zamaya fahalimwa buliba.” Mi ali, “Ha kube liseli.”

⁶⁴ Cwale, Ni lumela kuli lizazi, ni zeñwi cwalo, ne liliteni ni kale, Na lumela, ni kweli. Hanze i zwelapili cwalo, Genese 3, kuli ili toloke. . . Kono Na lumela, neli sikamañi sene sili fa, kuli lifasi, ne lu ka itusisa lona, mi kacwalo. . . Mi la shenya; neku na ni mbundu ni puka lifasi kaufela, ku lieza bunsu. Mi Mulimu ali, “Ha kube liseli,” mi lififi la fela, mi kwaba lihalimu leli sina malu.

⁶⁵ Mi Ni lumela kuli yani kona nzila ya Mulimu ya kueza lika ka yona. Yena. . . mwa Bibeledi, timana yetatama ili, timana ya bu 4 ili, “Mi A kauhanya liseli kwa lififi. Mi liseli A li biza ‘musihali,’ ni lififi A libiza ‘busihu.’” Mi Linzwi la Mulimu kamita la kauhanyanga Liseli kwa lififi. Mwabona? Ki Linzwi kona le li kauhanya, mwabona, Liseli kuzwa kwa lififi.

⁶⁶ Mulimu u sa eza lika ze swana, mi ki Ha itukisa kueza sika kaufela. Sina ha Na itukisize ku itusisa naleli ya kale ye, kamba neli sikamañi kaufela, linzwi le, Nana ni ku kauhanya liseli kwa lififi. Mi Ha itukisa ku shenya, kuli aitusise si—si sikwata sa batu, Una ni ku kauhanya Liseli kwa lififi. Mi Ha itukisa ku itusisa mutu, Uka kauhanya Liseli kwa lififi. Mwabona?

⁶⁷ Liseli litaha ka Mulimu. Mi ni. . . Muhupule, liseli li tahile ka Linzwi la Hae leli bulezwi. Linzwi la Mulimu lali, “Ha kube liseli,” hane kusina liseli, mi A luma liseli kuli likauhanye lififi kwa liseli.

⁶⁸ Linzwi la taelo le ne li apuzi lihalimu kuli lizazi likone kubenya. Mi Linzwi la Hae kacenu kona le li apula lihalimu kaufela la ku sa lumela.

69 Ne ni sweli kubulela, ne—ne, Na sepa, lipuzo ni likalabo ze kwana linako ze lishumi ni ilinwi Ni si ka fita kale kwa katala kakusasana cwana, mwahali mwani. Neli maswe hahulu . . .

70 Zazi lelinwi mulikana ka yomunyinyani, Jim Poole, mushimani wa hae yomunyinyani, neba hupula kuli nana ni butu bwa pilu, ba mu matiseza kwa sipatela. Neli butata bwa ku fipelwa mwa sifuba, ba nepela mucaha wateni . . . Na palezwi . . . Pilu ya hae yenyinyani ne i sa nati, ni kubuyela, mi—mi ahuwa mi na palelwa kubuyela, mi mucaha wateni a bonahala inge kuli wa shwa, ha ba to mu fitisa kwanu. Mi Ne ni itukisa kuya kwa sipatela; ba mu tisa kwanu. Ki ha ni swala lizoho la hae leli nyinyani; Se nili, “Ki sikamañi se si tize ze, mizulusi ne isweli mwana. Mi, mizulusi, litomapa ne li tasselize mwana. Mu mutalime. Mwa mazazi a likani Ni bata ku mubona hape. Ukaba ni mizulusi ka buñata.” Mi ki yo fa utezi mizulusi, mwa bona. Mwabona?

71 Cwale, sikamañi? Mulimu u kauhanyanga lififi kwa liseli, kamba liseli kuzwa kwa lififi. Mi U kauhanya lifu kwa Bupilo, mi U ezanga cwalo ka Linzwi la Hae. Linzwi la Hae kona le li tisa lika zeo.

72 Cwale, liseli! Kihande, cwale, peu neili kale fa lifasi. Ni lumela kuli Mulimu na cezi kale peu. Mi haibile fela lizazi ne likona kufita kwa peu yani, ya kala kuhula. Mi leo kona libaka hane lingile fela mazazi fa kutisa lika ze kaufela, kakuli peu neili kale mwa mubu. Sene i tokwa fela neli liseli.

73 Mi yeo kona nzila yana ni Mulimu kacenu. Peu ya Hae iteni kale fa, Linzwi la Hae. Taba fela ye I tokwa ki Liseli ku Yona. Mi Yena ki yena Liseli lani, kakuli Yena ki yena Linzwi. Linzwi ni Liseli ki nto yeswana. Bupilo bo bu mwahali mwani ki Linzwi, mwabona, kona Bupilo. Kokwani ya bupilo i fumaneha mwahala peu, mi peu . . . bupilo kona bo bu zwa ni kutisa bupilo mwa peu yateni. Yeo kona nzila yeo Kreste, mwa Linzwi, a ezeza Linzwi kueza se Li lukela kueza. Ku swana fela ni bupilo mwa peu ya buloto, kamba seo kaufela sili sona; si panga buloto kueza se si lukela ku ezahala, kakuli ki bupilo bo buli mwahala yona. Kaufela ki bupilo!

74 Kacwalo, Bupilo ki ka Linzwi la Mulimu leli i ponahalize. Bupilo butaha fela ka Linzwi la Mulimu leli i ponahalize. Haibile fela bu fumaneha mwa Buka, sina cwalo, za kona kutisa lipuzo. Kono cwale ha li bonahala, konakuli mwakona kubona lika ze bulezwi ki Bona, ha li iponahaza, mi lani kona Liseli fa—fa Linzwi. Mwabona? Sani kona se si tisa . . . Linzwi libulezi ona cwalo, mi, cwale, ha li fita fa ku ezahala, bwani ki Bupilo mwa Liseli, Liseli leli tisa Bupilo. Liseli litisa Bupilo.

75 Hamu cala buloto cwalo, buka . . . mi mu bu beye mwa mukokolombwa, mu apese fahalimu, mi habuna—habuna kutisa sika kaufela, kakuli habukoni. Hakuna liseli mwateni. Kono

liseli li sa monyeha fela fateni, kona kuli bu ka tisa bupilo haiba ki peu yekona kumela.

Yani kona nto yeswana yeli ni mwa Linzwi. Mwabona, Linzwi ki Mulimu, mi cwale Bupilo ha bu nata ku Lona, la Bu tisa. . . Liseli la monyeha ku Lona, li tisa Linzwi kwa bupilo hape. Lusika lufi kaufela lubile ona cwalo. Oh, lwa itumela kwa lika zetuna ze, kuli mane Linzwi li bonahalize Liseli la Linzwi leli bulezwi. Mwabona?

Mulimu ali, “A kube liseli.”

⁷⁶ Cwale, kucwani kambe Na bulezi fela mi kutokwe kutaha liseli? Konakuli halu zibi kamba ki niti kamba nee. Halu zibi kamba U lukile. Halu zibi kamba ki Yena Mulimu kamba nee, kakuli Na si bulezi fela, “Ha kube sa kuli,” mi si tokwa kubateni. Mwabona?

Konakuli Mulimu ha bulela mi lwa sibona ha si ba cwalo, konakuli ki lani Liseli le li monyeha, ki Niti ya Linzwi. Mwabona? Lani kona Liseli ni Bupilo.

⁷⁷ Bupilo kaufela bwa nama bu tahile ka Linzwi la Hae leli bulezwi. Mi lizazi ki Linzwi la Hae le libulezwi. Na bulezi kuli Na bupile liseli lelituna mwa mbyumbyulu, kuli libe la musihali, mi liseli nyana kuba la busihu. Mwabona? Mi bupilo bwa nama kaufela buna ni kutaha ka Linzwi la Mulimu leli bulezwi. Palisa haikoni kuhula kusina liseli la Linzwi la Mulimu le li bulezwi ku monyeha ku yona, kakuli lizazi ili, l-i-z-a-z-i, ki Linzwi le libulezwi la Mulimu, ha Na bulezi kuli, “Ha kube liseli.” Mwabona? Ki bupilo bwa Mulimu bo bu bulezwi. Mi hakuna taba kamba batu baka lika cwani ku—ku bulela *se, sani*, kamba *sesiñwi*, li sa siyala ze swana. Muna ni kuba ni lizazi lani, kacwalo bupilo, bwa nama, bukona fela kutaha ka Linzwi la Mulimu le li bulezwi.

⁷⁸ Mi Bupilo bwa moya, Bupilo Bobusafeli, bu kona fela kutaha ka Linzwi leli bulezwi la Mulimu la Bupilo. Bupilo neli M-wa-a-n-a ka nako ye. Ku Yena kuna ni Liseli, mi ku Yena hakuna lififi; mi ki Yena Liseli la Mulimu le li bulezwi. Kana ki niti yeo? [Kopano ili, “Amen.”—Mu.] Linzwi la Mulimu leli bulezwi, kakuli, “Kwa simuluhu ne kuna ni Linzwi, mi Linzwi nali ku Mulimu, mi Linzwi neli Mulimu.” Mi Lona kamita ki Mulimu. Mwabona?

Mi si lwala Liseli la Mulimu ku nata fa Linzwi, kuli Li pile. *Ki se* fa sa Na bulezi [Muzwale Branham unata Biblele ya hae—Mu.], cwale Liseli ha li benye! Amen! Liseli ha li benye, mi Liseli li ka tisa Linzwi kaufela mwa sibaka sa Lona se si lukile, mwa nako yateni. Amen! Oh! Mwa bona, ha ikwana nako yateni!

⁷⁹ Fokuñwi peu yani ikona kuina mwa mubu, isa ezi sika, mwahala nako ya—ya maliha kaufela, inge peu, buloto bwa nako ya maliha bo bu cezwi mwa mubu. Kono cwale lizazi lani ha

li taha fela hande, oh, buna ni kupila. Mwabona? Mi habukoni kupila ha kusina lizazi.

Mi Mulimu uezize lisepero kwa lusika kaufela ni zazi ni zazi. Mi cwale Liseli ha li taha hande, ni ku monyehela ku lona, ika tisa ona cwalo fela se li bulezi Linzwi, kakuli ki Yena Liseli ni Bupilo.

⁸⁰ Linzwi la Mulimu litahanga fela ka Bibebe. Bibebe ya Mulimu kona—kona mufuta o pulintilwe wa Mwana Mulimu, kakuli Bibebe ibulezi kuli Kona sinulo ya Jesu Krete. Ki Mulimu yasweli ku ipatulula liyena ku Krete, mi Krete ki Linzwi. Mi si lwala Liseli la Mulimu kuli li monyehela fa Linzwi lani, kuli Li pakiwe, kupaka kuli Mulimu u sa bulela Bupilo, Bupilo Bobusafeli. Ubulela liseli la nama, kutisa bupilo. Bupilo butaha fela ka Liseli, Linzwi leli bonahalile, kamba kuezwa nama. Fo lisepero kaufela ha litaha, mwa Bibebe, liba ze iponahaza, kona fani Jesu Krete, yena Linzwi, hana ezizwe nama mwahala luna. Mulimu kamita u sebezanga kufitela ku mutu. Mutu ki siituziso sa Mulimu.

⁸¹ Cwale, haiba ku ka futumala nyana mwahali mo, mwakona kuhoha mahaulo fafasi, kamba kaufela se mubata kuezwa, kutima mufutumala. Mwendu mulibeleli wa fa munyako wakona kutima mufutumala ku ukutisa mwatasi. Ni bona babañata ba futumalelwa. Mi kwa cisa kuyema fa, hape, kacwalo—kacwalo muhupule seo. Ni tabezi kuli kwa cisa mwa sibaka sa kubata, kakuli Ni—Ni tabela ku futumala. Ni... Mufutumala kamita utisa liseli, bupilo, bu lwala mulilo.

⁸² Mulemuhe cwale, “aezwa nama.” Mi Linzwi haliba nama, La iponahaza. Inge, kunga Linzwi ni ku Li beya mwa sibaka se si lukile fa sibaka, Li ka tisa zeo. Haili—haili peu ika tisa za mufuta wa yona. Mi ni Linzwi, le li tiswa mwa pilu ya mufuta omunde, li ka iponahaza lona Liñi. Li ka tisa liseli. Li ka monyehela fateni. Ku lukile.

⁸³ Hakuna za nama, hakuna za nama kamba za moya, ze kona kupila kusina Liseli la Mulimu. Bupilo kanti bu kona fela kutaha ka Liseli. Hakuna za nama kamba za moya ze kona kupila kusina Liseli la Mulimu. Munahane ka seo. Ku lukile. Kono cwale Ha lu lumela Liseli, mwabona, mi ni kuezwa lika zeñwi ze kaufela, mi kipeto lwa Li hana; cwale sani ki siemba se si utwisa makeke, ki fo Liseli ha li hanilwe haiba li lomezwi ku luna.

⁸⁴ Cwale kana mwakona ku nahana mutu kacenu yana ka bulela kuli, “Na hana fela kubulela kuli kuna ni sika sa kuli lizazi. Hani lumeli kuli kuna ni lizazi”? Mi kipeto u matela mwa ndu ya mwa mubu, ni—ni kukwala likwalo kaufela, mi kipeto uina mwa lififi, ni kubulela kuli, “Hakuna sika sa kuli lizazi. Hakuna sika sa kuli liseli.” Ne mu ka ziba, ona foo, kuli kuna ni se si fosahalile mwa booko bwa mutu yoo. Mwabona? Kuna ni se si fosahalile, ha matela mwa ndu ya mwa ye unsufezi mi u hana

ku amuhela bunde bwa liseli le li filwe ki Mulimu. Kuna ni se si fosahalile ku yena. Ha lati mumonyehelo wa lona o futumala. Ha lati buiketo bo lifa. Ha lati liseli la lona, kuli azamaye mwateni. Na ka itakaleza kuina mwa lififi. Ku bonisa kuli, mwa booko, kuna ni se si fosahalile, mwa sibupeho, sa muuna yoo.

⁸⁵ Mi Ni bulela cwana ka lilato kaufela ni likute. Kona kuli kuna ni se si fosahalile mwa moya wa muuna ya ka mata ni kukutela mwa kopano ya habo ya lituto za litumelo mi u hana kubona Liseli la Bibehe ha li monyeha fapila hae luli. Kuna ni se si fosahalile ku yena. Mwabona, u kutela mwa lituto za litumelo za hae ni mikwa yemiñwi, mi u kwala sikwalo ni kubulela kuli, “Hakuna nto ye swana sina Zeo. Mazazi a limakazo a felile. Hakuna taba yecwalo kuli foliso ya Bumulumu, hakuna lika ze cwalo zeo. Zeo neli za ba apositola.” Muuna yo ki sipulumuki sa moya. Mwabona? Kuna ni se si fosahalile ku yena. U—u—u hohezi masila a fa mahaulo mwatasi ni kuhana Moya o Kenile kutaha ku yena. Haiba wakona. . .

“Ha muina ku Na, ni Manzwi a Ka aina ku mina, konakuli, Liseli ha li benyeza fa Linzwi le, mukupe se mulakaza.” Mwabona? Mwabona?

⁸⁶ Kuna ni se si fosahalile, ha na ka hana lika ze filwe ki Mulimu zona za lufile Mulimu kuli lupile ka zona, Linzwi la Hae. “Ba balukile ba ka pila ka tumelo.”

“Mi mutu hana kupila ka buhobe fela, kono ka Linzwi kaufela,” isiñi siembra sa Linzwi, “Linzwi kaufela le li zwelela mwa mulomo wa Mulimu.” Mi cwale mutu ha na ka hana fela Sani, kuna ni se si fosahalile ni yena mutu yoo; kuna ni se si fosahalile ni zibo ya hae, hana ka ipapata kuli ulata Mulimu kanti hape ahane Mulimu. Kuna ni se si fosahalile ni mutu yoo. Lwa ziba cwalo, kusina nihaiba ku kakanya. Wa Li hana, u matela mwa sibaka se, mi uli, “Cwale Ni bata fela. . . Hakuna se ni bata kuziba ka Sona. U sike wa ni bulelela sika ka zona lika Ze. Na, Na hani lumeli zeñwi za Zona. Mina, hakuna taba ka ze mubulela!”

⁸⁷ Mutangana cwana naize, haki kale hahulu. Ne ni mi bulelezi ka zona. Na ize, “Hanina taba haiba uka tisa bo kansa baba mashumi aketalizoho, ni kutisa madokota baba mashumi aketalizoho ku to paka ka bona, Ha ni lumeli. Hanina taba haiba uka zusa bafu, ona fapila ka, Ne ni si ke na lumela.” Mwabona, kuna ni se si fosahalile ku mutu yoo. Kuna—kuna—kuna ni kaniti. Mi—mi, ibo, muuna yani neli mukutazi, mwabona, mwabona, na lukela kuba mukutazi.

Kono bakeñisa fela kuli kopano yani ha i lumeli mwa—mwa mata a Mulimu, haba lumeli zeo (za Linzwi) Ne li talusa fela ze ne Li bulezi, muuna ha matela mwa ndu unsufezi ye, situlo sa kale, sa masila, ndu ye unsufezi ya kopano, ni kuhana mufutumala ni mamonyi afa Bupilo bwa Moya o Kenile, Jesu Kreste, yena ya

swana maabani, kacenu, ni kuyakuile. Konakuli kuna ni se si fosahalile ni mutu yoo. Mwabona?

Na ka itakaleza kupila mwa buino bwani, bwa lififi, ni zeñwi cwalo, kufita kupila mwa Liseli la Mulimu ni la Bibe le li bulezi, kuli, “Jesu Krete ki ya swana maabani, kacenu, ni kuyakuile. Misebezi ye Ni eza muka ieza ni mina. Mane yemituna kufita ye muka ieza, kakuli Ni ya Ku Ndate.” Kuna ni se si fosahalile ni mutu yoo. Kusina nihaiba kubuza, ni hanyinyani, kuna ni se si fosahalile.

⁸⁸ Mi ku wena muuna ya teezeza ku se, mwahala lifasi, kaufela ko uinzi. Kuna ni se si fosahalile kwa kutwisiso ya hao, ha ubulela kuli ulata Mulimu kono inge uhana Linzwi la Hae. Kuna ni sesiñwi. U sweli kuhana sika sa luli. . . Ki kabakaleo lika halikoni, keleke i mwa buino bwa zona, mi lika halikoni ku ezahala kuya ka Mulimu mwa li sepielize, libaka kikuli ha ulati nihaiba ku amuhela Linzwi kamba ku zamaya mwa Liseli. Bibe le bulezi kuli, “Halu zamayeñi mwa Liseli, sina Yena hali mwa Liseli, mi ni Mali a Jesu Krete, Mwana Mulimu, a lu kenisa kwa sibi kaufela.” Sibi ki “ku sa lumela.”

⁸⁹ Konakuli haiba lu zamaya mwa Liseli la file Mulimu la hola, konakuli Mulimu unga Linzwi lani leli filwe mwa hola mi kipeto wa Li paka.

Inge fela mwa Na ezelize mwa Genese 1:3, hana ize, “Ha kube liseli,” mi liseli la taha. Linzwi la Hae la hasana, mi liseli la Li latelela, mi la felisa mbundu. Mi lififi la ya kwa sibaka silisiñwi, mi liseli la benya ni kwa neku leliñwi.

⁹⁰ Cwalo kona Mulimu mwa ezeza kacenu. U lumela Linzwi la Hae la hola ye, mi Moya o Kenile utaha ku to eza Linzwi lani kuba le lipila. Mi lififi li zwelapili kuya kwa lituto za litumelo za bona ni likopano, kono Liseli la benya kakuli ki Linzwi la Mulimu le li pakiwa kuli Linzwi la Hae ki la niti. Cwale, hakuna sika sa buhata ka sona, sani luli ki sa Mañolo. Ku lukile.

⁹¹ Cwale, lu fumana kuli ba—ba baana baba butali, baana baba butali ba Kale, neba latelezi sibyana sana file Mulimu. Neba latelezi Linzwi la Mulimu, kuya kwa Liseli, kakuli neli Linzwi lene li tisize Bupilo. Cwale mu li, “Neba latelezi cwani?” Kihande, nebali cwalo, ka mufuta wateni, wa bulauli, lwa utwisisa.

⁹² Mi cwale lu fumana kuli Balami, mupolofita, mwani mwa Numere 24:17, Balami nali mufuta wa mulauli ni yena. Nali mupolofita, kaniti, mi na polofitile fa ni kubulela kuli Naleli ika pazula ku Jakobo.

Mi cwale baana baba butali ba hane ba boni Linzwi la Mulimu hane libulezi kuli Naleli ika pazula ku Jakobo, neba latelezi sisupo nyana sana file Mulimu sani kuya kwa makalelo a Liseli la Kuyakuile.

Ki mo baka bela ni baana baba butali kacenu, baba si ka fougazwa ka lituto za litumelo, ba ka latelela Linzwi leli bulezwi le li filwe ki Mulimu, Linzwi leli bulezwi kufitela ba bona ku talelezwa kwa Mata a Mulimu ku nze ku iponahaza mwa hola ye. Bao, ba li bona, mi ba ziba kuli liteni mwa Mañolo mo. Mulimu na li sepisize mwa lizazi le.

⁹³ Hakuna taba kamba ki lipatisiso zekai, kamba ki lika zekai zeñwi, zene ba bulelezwi baana baba butali, “Kiñi, mu lyangani!” Ba zamaya lilimo zepeli. Ba fita mwa linaha zeñata, mi neba ka bulelela kuli, “Mu ya kai?”

⁹⁴ “Oh, lu boni Naleli ya Hae kwa Upa, mi lutile ku to Mu kubamela.”

Mi hane ba ilo fita mwa Jerusalema, kona kwa nkambe yetuna ya likopano, neba sina kalabo. Ba ya kafa ni kafa mwa mikwakwa, inge ba huweleza, “Kana Ukai, ya pepilwe Mulena wa Majuda?” Ne kusina sene ba ziba ka zona.

Kacwalo, ba biza Linzwi, kuli ba batisise. Neba latelezi, ba ziba kuli Naleli yani neiba etelela kwa Liseli la Kuyakuile. “Luise kwa Liseli la Hao le li petehile.” Mi Linzwi kona le li lu isa kwa Liseli, mi Liseli kona le lieza Linzwi ku bonahala. Mulemuhe, neba baana baba butali.

⁹⁵ Mi baana baba butali kacenu, kusina ni- . . . “Butali bwa lifasi le ki butanya ku Mulimu.” Ba sayansi ba mina kaufela, ni mina sicaba baba itingile mwa likolo zeñwi, kamba nto yeñwi cwalo, baba mi bulelela mwa ku pumakela katowati; halikoni ku mifa Bupilo. Hakuna se si kona ku mifa Bupilo kwanda Linzwi leli bulezwi la Mulimu. Kona fela ko ku kona kutaha Bupilo bwani, ki ka kufitela mwa Linzwi la Hae leli bulezwi.

⁹⁶ Mi zeo ki zende, za kuziba mwa ku pumakela katowati. Ni tabela kuli kambe basike ba i fumana. Kono haiba haka. . . Bana ni kueza cwalo, kakuli lifasi le la nyendaela kacenu. . . Nelina ni ku ezahala, ku punya misima yemituna mwa mubu, kutuhela kuli sileze se si cisa sani si zwe mwa mubu ni ku to ancafaza lifasi le hape, ili kueza lifasi le linca; fo ku ka zamaya baba lukile fa mufuse wa baba maswe, ko sibi si ka libalwa. Lika kaufela lina ni mukwa wa ku incaafa zona liñi. Mi mutu, yana filwe kupila fa lifasi le, ka butali bwa hae fela, ka kuca kwa kota ya butali kufita Kota ya Bupilo, uka sinye lifasi la na mu file Mulimu kuli apile ku lona. Kono bani baba sali kwa Kota ya Bupilo, baka taha kwa lihalimu le linca ni lifasi le linca, ko kusina matuku ni lifu. Liseli! Liseli, Mulena, lu lumele Liseli.

⁹⁷ Neli Mangeloi a Mulimu ana bonisize liseli fa lilundu, ili ku etelela balisana kwa Liseli la Kuyakuile. Mwabona, li tahanga fela ka Liseli. Bupilo bu kona fela kutaha ka Liseli. Balisana, neba bata kuziba. Mwa ziba, mi mulena ha pepwa, babanga ni ku opela, ni ku zwelapili ko kutuna, haiba mulena u pepilwe. Cwale, Na pepilwe ka kunutu luli, mi a pepelwa mwa sikungu,

ili mwa—mwa sicelo mone kucela likomu ni limbongolo, kono niteñi Nali yena Mulena. Mi ni—ni Mangeloi ataha fafasi ku to opela lipina kwa balisana, mwa Liseli.

Mangeloi, ona kasibili, neli liseli lene libonisa ka Linzwi la Mulimu. Neba na ni Linzwi la Mulimu, mi aba bulelela, “Kacenu, mwa muleneñi wa Davida, mwa Betelehema, ku pepilwe Kreste Mupulusi.” Mangeloi nana ni Linzwi, mi Linzwi la taha ka Liseli, ku to zamaisa. Mi ba latelela Linzwi la Mangeloi, kuya kwa Liseli la Kuyakuile. Ba yo fumana Mbututu mwateni, inza apesizwe mwa masila a bu mbututu, sina mo ne A bulelezi. Kakuli, mwa bona, Bupilo butaha fela ka Liseli.

⁹⁸ Mulemuhe, Nali yena Linzwi leli ezizwe Liseli, kamba leli bile Liseli. Linzwi mwa lusika lwani, Nali yena Liseli la Linzwi la lusika lwani, kakuli baplofita ba kale neba bulezi ka Yena, mi ki yo fa Ataha mi a to paka kuli Nali yena Liseli la Linzwi la Mulimu leli bulezwi. Mwabona? Baplofita kaufela neba—neba ize, neba talelezwe ku Yena, mwabona, baplofita kwa mulaho kwani ni Linzwi.

Sina Mulimu mwa na inezi kwa simuluhu, fani ha Naize, “Haku be liseli,” mi liseli la taha.

Cwale muplofita naize, “Mwalyanjo uka itwala, apepe Mwana mushimani. Baka biza Libizo la Hae kuli Imanuele, kakuli Ikaba Mulimu ni luna.” Cwale, neba li bulezi, Linzwi ne liile; kono Yena nali Liseli. Ki sikamañi sa Nali sona? Nali mu talelela. Haleluya! Nali yena mutalelela wa Linzwi lani. Nali yena ponahalo ya Linzwi lani.

⁹⁹ Kona mo ku inezi ni kacenu, Linzwi la Mulimu li talelelizwe ka hola yateni! Leo kona Liseli. Ki Mulimu ya nza iponahaza Iliyena. Nali yena Liseli la lifasi.

¹⁰⁰ Mi cwale baplofita, hane ba susumelizwe ka Moya o Kenile, bali, “Ku luna Mwana u pepilwe, ku luna lu—lu filwe wa Mushimani, kamba Mwana u filwe; mi Libizo la Hae uka bizwa ‘Muelezi, Mulena wa Kozo, Mulimu Yamata, Ndate wa Kamita,’” ki yeo fo cwale. Ki sikamañi sa Nali sona? Neli Liseli lene li talelelize Linzwi lani, amen, Liseli kona lene li talelelize Linzwi lani.

¹⁰¹ Mwa Mateu, ku Muhalalehi Mateu kauhanyo ya 28, lu fumana cwalo. Cwale Jesu hana zusizwe kwa bafu, Nali Liseli hape la Linzwi le li bulezwi la Davida, lene li bulezi kuli, “Hanina ku siya moyo wa Hae mwa lihele; kamba nihaiba kuli Ni tuhelele Ya Kenile wa Ka kubona kubola.” Lifu nelili mwa lififi. Kono A loba maswayo a lifu, mi a kena ku lona, ni kuzwa mwateni hape. Nali yena Liseli, nali Linzwi leli pakilwe, kuli baba shwile ba kone kupila kasamulaho wa kushwa. Nali yena.

¹⁰² Ka Lizazi la Pentekota, lani neli Liseli lene li bonahalile Moya o Kenile ha utaha.

Isaya naize, mwa kauhanyo ya 28 ya Isaya, Isaya naize kuli, ka, “Mulao ulukela kuba fahalimwa mulao; mubamba ulukela kuba fahalimwa mubamba; fa hanyinyani, ni fani hanyinyani.” “Mu kumalele zende.” “Kakuli ka milomo ya sikukuma ni ka malimi asili Ni ka bulela kwa sicaba se. Mi ye kona pumulo, ye kona Sabata ye Ni ka fa kwa . . . Mi ze kaufela habana ku li utwa; ba keluhile, ba sisinyize litho za bona.”

Mi cwale ka Lizazi la Pentekota, fani Moya o Kenile ha u wela sicaba sani, mi baeza sina baana ni basali baba kozwi, kutantalika mwatasa mata a Moya o Kenile. Mi ba zwa kwatani ni ku sisinya litho za bona, ni kuli, “Batu ba ba kozwi, ba kusi veine yenca,” ni zeñwi cwalo. Lani luli neli Liseli, ki Linzwi lene li polofitilwe, lene li bonahalile.

¹⁰³ Kona mo kuinezi mwa lusika kaufela, ki Linzwi leli bonahalile, leli tahile kwa Bupilo, kona Liseli la lusika lwa teni, kwani Linzwi ne li i ponahalize. Inge fela mone kuinezi mwa Genese 1, fani Mulimu hana ize, “Haku be liseli,” mi kwaba liseli. Fani Mulimu hana ize ku kaba Mwana; mi kwaba Mwana.

¹⁰⁴ Mi Mulimu hana bulezi kuli, mwa Joele 2:28, “Ku ka ezahala mwa mazazi a mafelelezo, kuli Ni ka sulula kwa Moya wa Ka fa libuphiwa kaufela; bana ba mina ba bashimani ni basizana baka polofita; fa batanga ba Ka ba basizana ni mutanga wa mushimani Ni ka sulula kwa Moya wa Ka; mitangana ya mina i ka bona lipono; baana bahulu ba mina ba ka bona litolo.” Ni lika ze kaufela za Na sepisize, ha Li kaba, Moya o Kenile no wile, noli Liseli fahalimwa Linzwi. Fani Linzwi ha li iponahaza, kona fo ne Li bezi Liseli.

Ki yena Liseli. Ki Yena Liseli le lu lukela ku latelela. Ki yena fela Liseli anosi. Mangeloi na fumani Liseli, mi a Li latelela kutaha ku Yena.

¹⁰⁵ Cwale, mwa masika kaufela, Mulimu u lukisize Linzwi la Hae ka butuna luli mwa lusika lufi ni lufi. Mulimu kamita u lumanga mutu yo Linzwi lani likona kukena ku yena ni ku mu bonisa Liseli la Lona. Sani, masika kaufela, a ezanga nto yeswana, kamita ku ezahalanga ona cwalo.

¹⁰⁶ Nali yena mutalelela, sina ha Ni bulezi, mwahala lika kaufela za Bumulimu, mata a kenile a bapolofita. Nebali balimu ba banyinyani. Fani Linzwi la Mulena hane litile ku mutu, Jesu naize, Yena kasibili, kuli mutu yani nali mulimu yomunyinyani. Mwa ziba cwalo. Mi ali, “Haiba mulao wa mina uli, ni bashemi ba mina kwa ikale kwani, sina hane ba bizwa cwalo, bao Linzwi la Mulimu neli tile ku bona, neba ba bizize kuli ‘balimu,’ kana mukona ku Ni nyaza cwani, ka kubulela, ha Ni bulezi kuli, ‘Ni Mwana Mulimu?’” Mwabona?

Mi, yena Mulimu Kasibili ya swana, Yana bulezi Linzwi ka bapolofita, Nali yena ponahalo ya Linzwi le li bulezwi lani. Mi haiba mupolofita na bizwa kuli mulimu yomunyinyani, kakuli

nali ponahalo ya Linzwi la mupolofita yomuñwi, cwale mukona ku Mu nyaza kanti Yena nali lika ze swana? Nali Yena Mwana Mulimu, sina Ha kana abizwa kuli Mwana Mulimu.

¹⁰⁷ Nali yena Mesia yana sepisizwe kale kafoo yo lifasi ne li libelela. Nali yena sepiyo ya Mesia yene i bonahalile.

¹⁰⁸ Ha mu Mu talime fani ha Na yemi kwani. Na ize, “Ha Ni sa ezi misebezi Ya Ndate, konakuli mu Ni nyaze.” Mwabona? “Kono haiba ha mu Ni lumeli, mulumele misebezi ye Ni eza. Kona ye paka Yo nili Yena. Kona ye mi bulelela yo nili Yena.”

Mwa bona, yona hola bubofu bwani, ye unsufezi mo lupila, neba si ka I bona. Neba sakoni fela ku li utwisisa. “Kana Ukona kuba Sani? Kana Ukona kuba cwani Mwana Mulimu, kanti Na pepezwi mwa Betelehemu mwani?” Kambe neba ka ziba fela, Linzwi li bulezi kuli Ku ka ezahala ona ka nzila yeo. “Kiñi, ndata He, Josefa, ki mubeti. Bo mahe, kiñi, mane ku lomezwi mwahala bana ba hesu kuli Na pepezwi mwa bucwani.” Mwabona? Kono niteñi Linzwi la Mulimu li bulezi ona cwalo.

¹⁰⁹ Mi ali, “Mubale Mañolo, kakuli ku Ona muhupula kuli muna ni Bupilo Bobusafeli, mi ki Ona luli A paka Yo nili Yena. Ki Ona a Ni paka, ona Mañolo a Kenile aa.” Konakuli Nali sikamañi? Liseli la Mulimu. Ki kabakaleo ha Na ize, “Kina Liseli la lifasi.”

¹¹⁰ Isiñi fela kuli Na ize, “Ki na Liseli,” kono Na ize, “Mina mu Liseli.” Haiba Linzwi la Hae li ku mina, linze li i paka ili Lona, konakuli mu Liseli la lifasi. Mulemuhe, lu fumana kuli, Liseli la lusika lufi ni lufi kaufela ne li i ponahalize fela ka kuswana.

¹¹¹ Konakuli Ni bata kubuza puzo, sina . . . nako ya luna isika fela kale. Kiñi, kiñi cwale hane ba . . . li hanile? Neba kona kueza cwani, mi mane . . . Yona Bibeleyabona luli, yene basweli kubala, ne i bonahalile fapila bona. Cwale mubale ka tokomelo luli cwale.

¹¹² Cwale muhupule, Ni bulela kwa sicaba saka ka nako ye, mwa bona. Isiñi fela mianda yemine kamba ye ketalizoho kwanu, kono Ni—Ni amnbola kwa likitikiti.

¹¹³ Muyeme fa muzuzu fela. Mutime silimba sa mina ni kubuza puzo. Kiñi cwale muuna wa bulapeli, muuna yomunde . . . Kiñi Josefa ha na ka buza? Mwabona? Kiñi cwale Jo- . . . ? Kakuli na si ka bata mwa Mañolo.

Kiñi cwale baprisita hane ba buzize? Libaka lene ba si ka bela . . . neba zibile. Nikodema na i bulezi hande. Na ize, “Muluti, lu ziba kuli Wena u muluti ya zwa ku Mulimu. Hakuna mutu ya kona kueza Zo eza Mulimu ha si yo ni yena. Lwa ziba zeo.” Kono neli sikamañi? Lizo za bona ne li ba paleliswa kueza cwalo.

¹¹⁴ Cwale kiñi hane bali cwalo, kana neba hanile Mesia? Ki ku- . . . Kiñi hane ba hanile Liseli? Ki le Linzwi lene ba zibile kuli ne litaha ku to ezahala, kono cwale Linzwi hane li i ponahalize ili ku bonisa kuli Linzwi la Mulimu ne li talelelizwe, mubapanye

seo ni kacenu. Mulimu? Ona kwani, si ñozwi mwa Linzwi, kuli sani sika ezahala, konakuli kiñi kanti batu bani hane ba li hanile; ona baluti bani? Kakuli neba pila mwa mbengenge ya liseli lisili. Kona cwalo. Neba pila mwa mbengenge.

Zeo kona lika ze ba eza kacenu. Ba pila . . .

Libaka le ba li hanezi kakuli ba pila mwa mbengenge ya liseli lisili. Mwabona? Cwale, neba pila mwa mbengenge ya za na bulezi Mushe, mone ba bulelela. Neba pila mwa mbengenge ya se (lusika lusili) lone lu se lu felile kale.

Mi lani kona libaka kacenu kuli Liñusa le, kuli, “Jesu Kreste ki ya swana,” ha li hanilwe, kakuli sicaba si pila mwa limbengenge za masika asili. Ki libaka le li swana, ba ka Li hana. Cwale lu lemuhile.

¹¹⁵ Mi Webster ubulela, kuli, “Mbengenge ya mbundu ki mufuta wa liseli la buhata. Mbengenge ya mbundu ki mufuta wa liseli la buhata; ki sika kaufela se si bonahalisa mbengenge ya mbundu.”

Inge—inge mukamo o nanuha fa mukwakwa. Hamuya mwa mukwakwa, buñata bwa mina mwa zamaisa limota, mi ha mu talimezi kwa pata. Hamuka bona lizazi fa mubu, li bonisa liseli, mi liswana sina mukamo o nanuha, ku bonahala inge kuli kuna ni mezi fa mukwakwa. Kono, hamu yo fita fateni, hakuna sika fani. Ki mukamo fela o nanuha, wa buhata, mbengenge ya mbundu ya liseli la niti.

Seo kona sa sweli kueza diabulosi kacenu, u bonisa batu mukamo o nanuha, ili Katengo ka Likeleke, sikwata sa likopano, ze ka fetuha kuba za buhata. Kakuli, taba ki kuli kuna ni Liseli lelituna leli benya. Lona Liseli la niti lani la benya, mukamo o nanuha haukoni ku bonahala. Liseli la Niti la benya. Mi sani kikuli . . . Ba pila mwa mbengenge ya lusika lusili, nto yeñwi, kakuli li monyeha fateni fela ni kuikela.

Cwale, mbengenge, ona mukamo o nanuha wo ki wa buhata. Ki mbengenge ya mbundu ya lizazi.

¹¹⁶ Mi yani kona nzila, neba ezize nto ye swana, ki mbengenge ya mbundu ya buhata yezwa kwa Liseli la niti.

¹¹⁷ Cwale, ne ku pakilwe kuli Nali yena liseli la Niti. Nali yena Liseli. Kiñi hane ba si ka ziba kuli Nali yena Liseli? Kana ne mu ka ziba cwani neli Liseli? Kakuli Linzwi lene li sepisizwe ne li bonahalile ka Yena, kacwalo Nali yena Liseli la Linzwi le li bulezwi lani. Amen! Oh, sani ne si ka ni eza kuba, mupentekota wa Baptist, kuhuwa. Mulemuhe, munahane fateni!

¹¹⁸ Mbengenge ya mbundu, mwabona, kupila mwa mbengenge! Kono cwale Linzwi la niti ha li pila, lani kona Liseli, sa na bulezi Mulimu.

Cwale, kucwani kambe Mulimu naize, cwana kwa simuluho, “Ha ku be liseli,” huh, kihande, mi kwaba sesiñwi sene si bonahalile, mwabona, mukamo o nanuha fela? Mwabona, neku

sike kwaba cwalo, niteñi, sana bulezi Mulimu. Batili, ne kusike kwaba cwalo. Kucwani kambe Mulimu na kali, “Ha ku be liseli,” mi se kutaha mbundu yeñata? Mwabona, ne ku sike kwaba liseli. Kono, libaka lene litezi liseli, neli Linzwi la Hae lene li bonahalile.

Mi kacenu, fo Mulimu ha bulezi kuli lika ze cwalo lika ezahala ka nako ye, mi muka libona ha li ezahala, (ki sikamañi?) ki Liseli la Linzwi la Mulimu. Ki Linzwi leli ezizwe Liseli, leli iponahaza lona Liñi.

119 Cwale, ba bulela kuli, “Kana Wena ubulela kuli ki luna bo mañi? Kiñi,” mi ali, “Mu lika ku. . . Lu ziba kuli U lyangani. Kiñi, Wena u Musamaria; Wena munahano wa Hao u fosahalile. Kihande, Uka lika ku. . . Ki mañi ya kona kubulela. . . Lu ziba kuli No pepezwi mwa sibi. Ha lu zibi ko U zwelela. Haluna piho hande ya Zo pakiwa ka zona mwahala likwata za luna. Kiñi, U lyangani. Una ni diabulosi.” Mwabona? Ali, “Kiñi, U lyangani mwa munahano wa Hao.” Kono Nali yena luli mwa mukwa kaufela, lona Liseli la niti la Mulimu, le libenya.

Mi mbengenge ne i kwahezi, meto a bona kwande. “Luna ni Mushe kuba muzamaisi wa luna!”

120 Ki hali, “Kambe mu lumezi ku Mushe, ne mu ka Ni ziba.”

121 Mi haiba ne mu ka lumela Jesu ni Bibe, nemuka ziba hola ye yona ye mupila ku yona. Mu li, “Kihande, lu Bakreste. Lu. . .” Kambe mu cwalo, nemuka ziba likezo za Kreste za lizazi le. Mwabona, nemuka li ziba.

122 Jesu naize, “Bapolofita bani kaufela neba bulezi ka Na. Mi haiba mu lumela bapolofita bani, kupalañi, ne mu ka Ni ziba. Misebezi ya ka ya i paka. Kakuli, sene ibulezi Ni ka eza, Na si eza. Mi ki mañi ya kona ku Ni nyaza ka ku sa lumela?”

123 Kono niteñi neba si ka li bona. Kiñi? Meto a bona na sililwe, ni mbundu; mwabona, mbundu ya sika si sili sene ba ngile kuli kona Linzwi le li bulezwi. Cwale munahane ka zona. Munahane ka zona. Neba ipapata kuli neba lumela Linzwi lani. Kono lizo za bona ne li fetuzi lipata za bona kuzwa kwa Linzwi la niti, kuya kwa mbundu, kabakaleo ne ba saboni sika sa luli.

Kona mo ku inezi kacenu. Kona mo ku bezi mwa lusika kaufela. Mwabona, li—li Linzwi la niti la monyeha, kono bona babile hahulu mwa sizo, kuli, ha bakoni kubona Linzwi. Ba sweli ku talimela fa mbundu, mi ki libofu. Mbundu ika mi fofuza. Kuna ni kusikama kwa zona. Ika mi fofuza. Mi, ika, mi. . .

124 Jesu naize, “Mu libofu, mu zamaisa libofu.” Neba lukela ku libona, kubona Yo nali Yena. Kono neba si ka bona, kakuli neba pila mwa mbundu yatani.

125 Cwale, mbundu, sina ha Ni bulezi, ki liseli la buhata, ki mukamo o nanuha, mubonelo wa buhata ka Liseli la niti.

Mubonelo wa buhata; ki nto yeñwi ye—ye lukela ku bonahala Cwalo, kono ha ki Yona.

¹²⁶ Cwale nzila fela inosi yene ba ka ziba shutano yateni, kakuli zona lika luli za na pakile Jesu neli bonisize Yo nali Yena, kuli Nali yena Liseli. Neba hupula kuli nebali mwa Liseli. Kono cwale haiba mukona kuyema fa muzuzu nyana ne mu kulemuha ya inzi mwa Liseli, kanti.

¹²⁷ Cwale, kacenu! Haiba mafosisa a cwalo na ezizwe ka baana ba keleke ba lizazi lani, nto ye cwalo ne i ezahalile, bana bahesu, kikuli ha muboni kuli seli nako ya kuli lu yeme ni kulemuha sesili Liseli? Lu si ke lwa eza mafosisa a cwalo. Kono musweli kueza ona cwalo. Mu ezize kale zeo, mwabona, kono ne mu sa li zibi, kwa swana sina mone ba inezi ka nako yani. Cwale ha muyeme fa muzuzu fela mi mu batisise seo Linzwi libulela kacenu.

¹²⁸ Kambe neba ka yema ni ku nahana kuli, “Ki yo Wa taleleza, kuya ka swanelo, ona cwalo mo ne li bulelezi Linzwi kuli kona Mwa ka ezeza.”

Mi A ba swabisa, sina ha Ni mi swabisa! Mwabona? Mwabona? Ni mi swabisa kuli mutalime mwa Linzwi, mubale Mañolo, mubone haiba ye haki yona hola. Mwabona? “Mubale Mañolo, kakuli ku Ona munahana kuli muna ni Bupilo Bobusafeli, mi ki Ona Apaka ka za Ka.” Ki Ona A paka musebezi wo kacenu. Misebezi yona kasibili i paka kuli ku ezahalile, mi Mañolo abulela kuli li ka ezahala, kona mo liinezi Liseli la hola. Linzwi la Mulimu libulezi ona cwalo.

¹²⁹ Lizo za mina ni lika zeñwi kona se ibulezi Bibebe, sina bani bene ba sisinyize litho za bona ni kuikela. “Litafule kaufela litezi fela mataza,” ki Bibebe ye bulezi cwalo. Mi kwani kona kone ba inzi. Neba si ka li lumela. Neba sisinyize litho za bona. Mi, mitangana sakata, kana mwa lemuha zeo? Mi, bana bahesu, kana mwa lemuha cwana, kuli, ha musweli kuhana sika sa luli sona seo Mulimu asweli ku paka fapila mina, kuli musweli kueza sika sesi swana, mukutela kwa mataza a sizo sa mina?

¹³⁰ “Sina nja ye ya kwa mataza a yona.” Haiba ne li mu utwisa bumaswe ka nako yapili, si ka mu utwisa ka nako ya bubeli. Haiba nji keleke ya Katolika, ha ku kopana ne ipangile kopano yapili, ne ku tisize butuku kwa keleke; kona mo ba ka bela ni ba Lutheran, Methodist, ni baba siyezi babona kaufela, Baptist, Presbyterian, ni Mapentekota. “Nja i kutela kwa mataza a yona, mi ni kulube i kutela mwa sileze sa yona.” Mwabona? Lu ka fita ku zeo fa mizuzu nyana, haiba Mulena alata.

¹³¹ Mbundu, ku zamaya mwa mbundu, mwabona, ki mukamo o nanuha, ki mubonelo wa buhata wa Liseli la niti. Na pakile kuli Na li yena Liseli.

Kakuli, Yena, kakuba mwa . . . kafoo mwa bunyinyani, oh, mawi, ma milioni ba Mu lwanisa! Nekusina buñata bwa sicaba ba bakona kueza baba silezi, alimuñwi mwa batu baba nainte,

fa lifasi, ba bakile ba ziba kuli A kile apila faa. Isiñi, Na sepa, alimuñwi—alimuñwi wa batu baba mwanda ba Majuda, kamba nihaiba alimuñwi mwahala baba mashumi aketalizoho wa bona, kamba baba mashumi amane a bona, Ni bulele, mwendi ba banyinyani kufita foo, ba naha ya Hae Tota, ya na zibile kuli Na liteni fani. Mi ni bona bene ba zibile kuli Na liteni kwani, neba Mu talima kuba sika sa buhata cwalo, kakuli kopano neiba bulelezi kuli sani kona sa Nali sona. Mwabona?

Kono niteni Nali yena Liseli lene li bulezwi kukala mwa Genese, kwa simuluho, mi aba kupa kuli ba bale mwa Mañolo mi ba fumane haiba Na sa pili mwa nako yani; haiba Yena, misebezi ya Na ezize, na si ka taleleza sene si sepisizwe ka nako yani. Amen. Oh!

¹³² Ha ki taba kwa ku sabisa ni koo, muzwale! Lu pila mwa nako yende.

¹³³ Na pakile kuba ya lukile. Nali yena Liseli luli lene ba ipapata kuli neba lapela. Neba ipapata kuli neba lapela Liseli lani.

Mi kona mo kuinezi kacenu. Ba ipapata kuli basweli kulapela Sani. Mapentekota ba ipapata zona. Ba ipapata kuli ba cwalo, mi ki libofu hahulu ha ba liboni. Kiñi? Ba onga onga, mi, kono ki mbundu mwa lifateho za bona. Mwabona? Sizo ki sika se ba i pangela fela batu hamoho, mi bali, “Lu ka eza *se ni se* cwana, *ni se ni sani*.” Cwale luka taha kwa libaka le si na ni ku ezahala, haiba Mulena wa lata.

¹³⁴ Mulemuhe, misebezi ya Hae neli Linzwi lelipila lona Kasibili. Sa Na ezize neli Linzwi le lipila lona Kasibili, ka ku bonisa kuli Nali yena Liseli lene li sepisizwe kuzwa kwa makalelo a lifasi. Nali yena Liseli lani. Liseli la Hae fa Linzwi le li sepisizwe la lusika ne li I pilisize ona cwalo luli kuya ka mo ne i bulelezi sepiso kuli I ka eza, kono neba nani Lona le li futukile mane ba palelwa ku Li bona. Mwabona? Kono Yena nali Liseli la lusika lwani.

¹³⁵ Nali yena Liseli lene ba ipapata kuli ne ba lapela. Neba hupula kuli neba lapela yena Mulimu luli wa ze bupilwe. Neba pila ni kulapela mbengenge ya mbundu, mi Jesu ali, “Mu Ni lapela mwa mbango, neba luta sicaba Lituto za batu, mi isiñi Linzwi.” Ki yena Linzwi, mi Nali yena Linzwi le li bonahalile. Neba swanela ku ziba sani.

¹³⁶ Ni sepa kuli seo sa utwahala, kai ni kai sa utwahala, mwabona, lani ki Linzwi le li i ponahalize. “Oh,” muli, “oh, luna ni Linzwi.” Kiñi, ki Linzwi, mañi ni mañi u lwala Bibebe, yeo alata. Kono, haiba Linzwi li pakilwe, la bonahala!

Kiñi, bali, “Kihande, lwa lumela!”

¹³⁷ Eeni, sha, neba lumela, mwahala musipili kaufela. Ni Satani ki mwa ezezanga. Bafarisi bani, ki mañi yana ka ba nyaza, ka

kusa lumela? Kono neba sa lumeli Linzwi la hola yateni. Neba sweli kulapela mbengenge ya mbundu ya sika si sili fela.

Ki nto yeswana ye ba eza ni kacenu. Mwabona? Ba buluka litaba za Luther... lizo, kamba—kamba lizo za Wesley, ni babañwi ba bona, sizo sa Mapentekota. Kono kucwani ka za hola?

Bafarisi neba buluka lizo za bona. Kono mwa mulaho wa lizo za bona neku nani Linzwi la Mulimu la niti lene li benya, mi, hane Li eza cwalo, Ne li fougaza meto a bona. Neba palelwa ku Li bona kakuli neba talimezi sika si sili.

Kona mo kuinezi kacenu! Mi Mulimu aeze kuli seo si nwele luli, kufitela si utwahala kwa sicaba se si na ni kulumela. Se li manzibwana kufita mo mu hupulela.

¹³⁸ Mwana ka, Billy Paul, wa bulelanga ha lobezi, kono habangi ni litolo hañata. Nabile ni yeñwi busihu bobuñwi yene mu sabisize. Ali na lola kuli na inzi mwa keleke, mi—mi neba. . . Ne ni si ka kena kale.

Ali, hane Ni keni, mulilo no sweli kutuka mwa meto, mi se Nili, “Nako i kwanile cwale. Ku felile.”

Mi mañi ni mañi akala kuhuwa, “Ha ni koni! Bana baka!”

¹³⁹ Mi mane neba musala ka ali, “Ha ni koni kukupa Sarah kuli akupe mbuyoti fa tafule,” ni zeñwi cwalo. Mi se Nili. . .

Mi ali, “Ni lukela ku yonga Loyce ni—ni mbututu.”

¹⁴⁰ Se nili, “Loyce hakoni kutaha cwale. Mbututu ki yomunyinyani hahulu kuli azibe. Billy, hola i fitile. Lu lukela kuya.” Se nili, “Seli mwahala busihu cwale. Li si ka pazula kale, Jesu ukaba fa. Haiba ha ku cwalo, konakuli Ni paki ya buhata ya Jesu Kreste.”

Mi yomuñwi abulela, ali, “Hakuna mutu ya ziba muzuzu kamba hola.”

¹⁴¹ “Ha ni si ka bulela muzuzu kamba hola. Ni iize, ‘Ikaba nako ya mwahala cwale ni musihali tuna.’” Mi se Nili, “Halu—halu yeñi.” . . .? . . . Se nili, “Kono se luli mwa nako yateni cwale. Halu yeñi.”

Mi lwa kena mwa mota, ni ku funduka, mi lwa kala ku pahama lilundu. Mi hane lu pahami, kwa bonahala inge kuli liseli ne litaha mwa mbyumbyulu, kono ne ku unsufezi fa lifasi. Ali se Ni zamaiseza kwatuko a mukwakwa, ni kuswala mazoho aka sina cwana, mulilo inge u sa tuka mwa meto. Mi ki hali kuti se Nili, “Mulena, Ni ezize se ka taelo ya Hao. Ni ezize se bakeñisa fela kuli U ni bulelezi kuezza ka nzila ye. Ni ezize lika ze kuya ka So ni bulelezi.”

Mi se Ni supa kwa lilundu lelituna la mubu ono bundekilwe; mi ni—ni Liseli, kusina mazoho, la puma Licwe fa lilundu, le lina ni bukiti bo butuna tuna, mi ki Leo la taha. Se nili, “Amu sikulule

litoho za mina; musike mwa talima. Li ka fela mwa mizuzu fela ye likani.” Ali, mi kwa taha kukuza ko kutuna ko ku kenile kai ni kai, ona fani Licwe le hane lisweli kutaha mwa sibaka.

¹⁴² Nako se i felile kufita mo lu nahanela. Fani, mwabona, zani luli ki za Mañolo, mwa bona, “Licwe, kusina mazoho, la sehiwa kwa lilundu.”

Mi kacwalo leliñwi la mazazi aa kukaba ona cwalo, hamuka huwa kubata sika. Nali ku bona, “Mubile kale ni nako yeo. Mulimu ubile inza mi lemusa hañata ñata, nako ni nako. Eehe.” Se nili, “Niha ne ikaba mwana ka wa kuipepela, kamba ki mañi kaufela, hola i fitile ki ye. Nikona fela kubulela Sa ni bulelezi kuli ni bulele, mi si kaba teni,” mi kwaba cwalo.

Mi—mi cwale, hañi hañi fela [Muzwale Branham ukambela mazoho a hae hañwi—Mu.], ki Yo ataha, “Licwe le li sehilwe kwa lilundu, kusina mazoho.” Daniele na boni sani, mwa ziba, kwa mulaho lilimo zeñata kafoo. Billy hakuna sa na ziba ka zona, kono neli—neli tolo yene lumilwe ku yena kuzwa ku Mulena.

¹⁴³ Cwale, mwabona, ba ipapata kulapela yena Mulimu ya swana yene ba bona bukuba yani. Mi nto yeswana i kutezi hape kacenu, ka libaka le liswana, kupila mwa mbengenge ya mbundu kufita kupila mwa Liseli. Maseli amatuna a monyehile. Ku lukile.

¹⁴⁴ Mutalime buino bwa lififi le luli ku lona kacenu! Mutalime se si ezahala kacenu! Mutalimele lipulao, kutundanisa basali, lindwa! Kiñi, litilo ezahala. Ni sepa neli Billy Graham ya na bulezi, mwa mukopano wa hae wa mafelelezo kuli, “Mwa lilimo ze lishumi kuzwa cwale, mutu kaufela ya pila mwa California uka ba ni tobolo ya ku isileleza ka yona. Hamukoni ku beya mulao o hanisa zeo.” Batu se ba bile fela lipulumuki; ba kunupa, ba bulaya, ba tundanisa basali, lika kaufela, mwabona. Lika ke li lyangana fela, mwabona, mwa mikwakwa. Mwabona, ki—ki lizazi le lupila ku lona, lizazi la butanya bwa Sodoma. Mwabona?

Kono kuna ni Liseli le li benya! Kambe neba ka talimela fela, kambe neba ka bona, ba talime mwa Linzwi ni kubona se si lukela kuba sona mwa hola ye, neba ka ziba se si lika ku ezahala.

¹⁴⁵ Cwale, ba ipapata kuli ba lapela ona Liseli lani, kona mo ne ba ipapatezi ni nako yani kuli ne ba lapela Liseli lani, kono ne ba sweli kulapela mwa mbengenge ya mbundu ya liseli lisili kufita sika sa niti. Mwabona? Nali yena Liseli.

¹⁴⁶ Lituto za litumelo ni lizo, mwa buino bwa zona, ne li ba kelusize kwa Liseli la niti la Linzwi le li sepisizwe. Lona Linzwi lana pakile Mulimu, ka Jesu, yena Liseli la lifasi, la taha ku to eza Linzwi lani kuba le li pila ona cwalo fela kuya ka nako ya Hae, ona cwalo kuya ka mazazi ateni. “Uka bulaiwa mwahala libiki ze mashumi asupa, yeo ki niti, yeli lilimo zetalu ni licika za sipolofita sa Hae. Mesia uka taha, yena Nabi, mi uka polofita,

mi ka mazazi amalalu ni licika la se, kona Aka bulaiwa kuzwa ku ba bapila, mi ato swalela.” Mi yeo ki niti. Na kutalize lilimo zetalu ni licika. Mi za bona . . .

¹⁴⁷ Mi ni yona Lisamu yana bulezi Davida kuli, “Mulimu wa Ka, Mulimu wa Ka, U Ni tuhelezi ñi?” Lisamu 22, “Masapo a Ka kaufela, a Ni talimezi. Ba ni sisinyeza litho. Ba Ni fitelela.” Lilimo ze mianda ye ketalizoho ka yemilalu ni ze mashumi aketalizoho, kwa mulaho, fani Davida hana opezi pina yani mwa Moya, mi ya talimwa kuli neli sipolofita, mi ni kufiwa. Neba sweli ku opela lipina zani mwa tempele fani Sitabelo se si swana hane si nyendaela fa sifapahano, ni mazoho a Hae, inza tabilwe. “Mi ba tabile mazoho a Ka ni mautu a Ka.” Mwabona? Mwabona fani? Mi, kiñi? Neba pila mwa mbengenge ya mbundu. Neba si ka bona Liseli.

¹⁴⁸ Kana mwakona ku nahana kuli mutu wa ngana na ka eza cwalo? Nina ha Ni sepi kuli mutu ya i ketile wakona ku matela mwatasi a ndu ye unsufezi ni kukena mwa lififi, ni ku i kwala minyako hamoho, mi uli, “Ni hana kubona kuli kuna ni liseli.” Ki kulyangana.

Mi za moya wa hae ne li zwile mwateni, kusili, mi mutu habona kuli Bibele i sepsize se, ni kubona ha li pila fapila hae ni ku iponahaza, kono yena kipeto ali kupala mwa lituto za litumelo zani ni lika zeñwi kwande kwani ni ku Li hana. Wani kwateni ki muzamao wa mutakafululele wa moya. Yeo luli ki niti.

¹⁴⁹ Ki yo Nali fa cwale. “Nali—Nali yena Liseli la lifasi, mi lifasi ne li zibile . . . Na tile ku beli ba Hae Tota; Ba Hae neba si ka Mu ziba. A tile mwa lifasi, mi lifasi ne li ezizwe ki Yena, kono lifasi ha li si ka Mu ziba.” Mwabona? “Kono buñata bwa baba Mu zibile, bona bao Uba file mata a kuba bana ba Mulimu, ili bona baba lumezi ku Yena.”

¹⁵⁰ Muhupule, halukoni kupila ka liseli la maabani. Liseli la maabani liile. Ha lisaliyo. Lona, liseli la maabani, ki kupuzo fela. Liseli la lizazi la maabani ki kupuzo fela, kamba, ki za kale. Halukoni kupila mwa liseli la maabani, ni hanyinyani. Ni lika ze swana, ni ha ikaba lizazi le li swana, lizazi le li swana, kono zazi ni zazi litisa mata a lona mwa butuna nyana, ku to buzwise peu kutaha kwa kutulo. Mwabona?

¹⁵¹ Lizazi ha litaha kacenu, likaba le li cisa nyana. Zazi ni zazi cwale likana liba le li tiile nyana kwa kucisa, kucisa nyana, mi mane mafelelezo buloto, bo buli mwani, buka—buka ya inze bu amuhela bupilo. Kasamulaho wa nako, bu—bu bupilo bu ka zwa, kona lika cisa nyana, kucisa nyana. Liatamanyi, Lungu, Kandao, Mbuwana, Sikulu, fo shangwe seli mwa kutulo cwale, mwa bona. Ki lizazi leli swana le li monyeha kacenu, mwa—mwa Sope kamba Ñulule, lona le li kolobisa kuezwa puka ni ku i omisa kuya kwa peu yani, ku i tiseza mezi; ki lizazi le li swana,

kono buloto bwani ne busike bwa pila ni hanyinyani mwa liseli la lizazi lani ka kweli ya Mbuwana. Mwabona, halikoni kuba cwalo. Mwabona, lizazi litaha ka kucisa nyana ka zazi ni zazi, mi ni peu i lukela kuba ye se hulile cwale kuli i amuhele liseli la lizazi.

¹⁵² Sani kona sesili butata kacenu. Bubeke bo ne bu cezwi mwa linako za bashemi ba makalelo, kwa mulaho kwani ku—ku Luther ni Wesley ni babañwi, ne i kokile; haikoni ku amuhela Mwana. Mwana wakona ku i bulaya. Ne i hanile kuhula. Mwabona? Ne i pumilwe, ne i kambusize yona iñi kwa lutaka, cwalo, mi ya taha *kwanu* ya to ikeza kanto ka kanyinyani. Ya to ba sikapi, kasumulaho, mi neisina Bupilo mwahala yona. Peu i lukela kuhula ni kuba ye tiile, Mwana hanza tiya zazi ni zazi.

¹⁵³ Cwale halu talimeleñi fa muzuzu fela. Lu ka talima masika a likeleke. Kuna ni masika a likeleke zesupa. Mi sina masika a likeleke ani, yeñwi ni yeñwi, mutalime mwa Na bulelezi ku ona sa na ka eza, mone ika hulela peu ni kutaha ku shetumukela mwa hola ya mafefezezo ye, yona hola ya maungulo ye lupila ku yona. Kacwalo likeleke lina ni kueza nto yeswana, mwabona, ki likeleke.

¹⁵⁴ Cwale mutalime, Luther na cezi peu, mi Luther nali peu yana i cezi. Ku lukile. Kona mwana bezi ni Wesley; mi, hape, ki mo ne ba bezi ni Mapentekota; ki mo ne ba inezi ni ba Baptist, ba Nazarene. Kono, mwa bona, cwale Luther na si ke kukuta ku yo pila mwa liseli la kopano yapili, Katolika. Batili, sha; na sali liseli lisili. Yani neli Mulimu ya na buzwise nto yeñwi. Cwale ba sikai fela kona bene ba zwile mwani, mona mwa ancafazo ya ba Lutheran.

¹⁵⁵ Mi kasumulaho kwa taha ancafazo ya ba Wesley, mi cwale, mwahali mwani, kiñi, neba sike kukutela kwa mulaho ni kueza za ba Lutheran. Mwabona?

Mi cwale kasumulaho kwa taha Mapentekota. Mi cwale Mapentekota ba ikongakonga ni kueza nto yeswana, banga sikapi. Mulemuhe.

¹⁵⁶ Kono peu yona i zwelapili ona cwalo. Cwale lu mwa lusika lusili. Kiñi haba sike ha I amuhela? Kiñi ha ba sa boni kuli peu i hulile? *Kile* Linzwi le li sepiselizwe lizazi le. [Muzwale Branham unata Bibeke ya hae—Mu.] Kiñi ha ba sa Li boni? Kakuli ba pila mwa mbengenge ya mbundu ya ba Lutheran, mbengenge ya mbundu ya ba Wesleyan, mbengenge ya mbundu ya ba Baptist, mbengenge ya mbundu ya Mapentekota. Ba pila mwa mbengenge ya liseli lisili. Lani kona libaka ha ba sa koni ku amuhela Liseli la Linzwi ka kutala kuba le li pakilwe ni ku sepi swa ki Mulimu. Ona Maswayo Asupa ani, kone ku patuluzwi kunutu kaufela, neika kuta ni kubulela libaka leo likunutu ze hane li ezahala cwana; kono, niteñi, sani ha si taha mwateni, ba ya kwahule ni Sona kufita sapili. Habana buinyazo.

¹⁵⁷ Mulimu u li ezize mwa Moya, kufitela mwa sinulo. U—U li pakile hande ka swanelo, ka sayansi ni lika zeñwi kaufela, yeo ki Niti, yani ki Niti. Kono niteni ba pila mwa mbengenge ya mbundu ya Mapentekota, “Na ni wa Assemblies! Na ni wa Oneness! Na ni wa Church of God! Na ni wa se!” Mwabona, ba pila mwa mbengenge ya mbundu ya lusika lwa mashumi amane, lilimo ze mashumi aketalizoho. Bapila mwa mbengenge ya mbundu ya Lutheran. Bapila ku Wesley, bapila ku Baptist, ku Presbyterian, kamba ku wa Nazarene yomuñwi, mbengenge ya mbundu ya lusika loluñwi lone lu tatami ni ku to eza lika ze swana, se ba hana ni ku latela Liseli kwande hane Li sweli ku monyeha.

¹⁵⁸ Mi mupila mwa mbundu ya mukamo o nanuha. Ni bulela seo ka likute, mwabona, kono muna . . . ha ki ku mi utwisa bumaswe, kono ki ku mi nyangumuna. Mupila mwa mbundu ya mukamo o nanuha.

Kucwani haiba Jesu, naize “Kupalañi, mu libofu, mi mu etelela libofu zeñwi”? Neba sike . . . Na likile ku ba bulelela; kono ne ba si ka li eza. Ali, “Mu ba siye ona cwalo. Haiba sibofu si etelela sibofu sesiñwi, kaufela bona ba ka wela mwa musima.” Yani kona hola ye Ni fitile ku yona! Haiba ba ka tantalika, Hani koni ku itoboha zona. Ni ezize kaufela ze Ni kona. Ni ezize ka swanelo luli.

Ni ezize se ka taelo ya Hao, Mulena. Wena ki wena paki.

Kuzwa ka 1933, kwani kwa nuka, Liseli ha li bonahala fani, hane li benyize, Li bile ona mwa tabernakele mo mi li pakilwe ku mina, yona myaha ye kaufela. Ni lika kaufela ze ne Li bulezi li ti lo ezahala. Mi ka tundamo li zwelapili. “Mutuhele kuli sibofu si etelele sibofu sesiñwi.” Ni ka libelela fela hola yani; Uka punya, leliñwi la mazazi aa.

¹⁵⁹ Mulemuhe, ka kupila mwa mbengenge ya mbundu ya Luther, kupila mwa mbengenge ya mbundu ya Wesley, kupila mwa limbengenge za mbundu kwa mulaho kwani, lani kona libaka ha ba sa boni Liseli la niti. Kambe ne ba yema fa mizuzu nyana, ni ku nanula fela Bibebe ni ku I bala, neba ka bona kuli . . . le kona Liseli le li sepiselizwe hola ye.

¹⁶⁰ Cwale luka nga lika zeñwi zateni fa muzuzu fela. Na sepisize, kuya ka Malaki 4, kuli lika ze lika ezahala. Na sepisize, mwahala Mañolo kaufela, kuli lika ezahala. Mwabona?

¹⁶¹ Mulemuhe Isilaele hape, mufuta wa luna, mwa musipili. Mutalime, neba cile manna, yeneli lona Liseli la bona, Bupilo, lene li ba fa mata, Bupilo. Kana ki niti yeo? [Kopano ili, “Amen.”—Mu.] Isilaele na si ke kuca manna yene wile ku bona maabani. Ne se i shashize. Ne i bolile. Ne isi yende ku bona. Neba ka shwa, ka yona. Manna yene ba pilisa neika ba bulaya kacenu. Bibebe ibulezi kuli neibanga ni likokwani, ze ne ibolisanga. Mi

ni yona manna yani, neba banga ni ku nopa manna yenca zazi ni zazi. Amen.

Mi ki sikamañi? Batu baba pilela fa manna ya Luther, Wesley, ni babañwi kwa mulaho kwani, musweli kuca lico ze shashize ze ka mi bulaya, ka moya. Lisweli za mi bulaya, mushwela mwa lizo za mina.

¹⁶² Maana ya maabani, ya Luther, neisike ku beleka ku ba Methodist. Manna ya ba Methodist neisike ku beleka ku ba Pentekota. Manna ya Pentekota haina ku beleka mwa lizazi la kacenu. Mwabona se Ni talusa? Zazi ni zazi le litaha, ka zazi ni zazi, iba yenca, mi kona mo I bezi mwahala masika a likeleke kaufela.

Manna ya Luther neli liñusa la kutapiswa ka ku beiwa baba lukile. Liñusa la Wesley neli ponahalo ya ku keniswa. Pentekota neli ku kutiswa kwa limpo. Kono a ki makalelo a licwe la kwa Toho, ili lizazi la maungulo, kuba Kota ya Munyaliwa, ili ze shutana ku zona kaufela, kono niteni Ki Liseli le li swana la baba hulile.

Inge lizazi le liswana, le li monyeha kacenu, li ka buzwise peu mwa kutulo ya kweli ya Sikulu. Mwabona se Ni talusa? Kono liseli la kacenu halikoni kuba ni tuso hane li ka kutiswa kwa mulaho mwa kweli ya Sikulu yani. Li tiile la cisa. Buloto bwatani se bu fitile fahule luli; bu libelezi kunga zeo. Amen. Kaniti kucwalo. Halikoni kungiwa nako ya cwale; kono ne li konahala mwa nako yani. Mwaha nosika kwana kale, mwa nako yani; u kwanile ka nako ya cwale.

¹⁶³ Hamukoni ku lwanisa pupo ya Mulimu. Una ni mulao, mi, ku lwanisa mulao wani, ku ka bulaya simela sa mina. Mu lukela kuya ka milao ya bulezi Mulimu, mi milao ya Hae kona Linzwi la Hae. Mulao ufi kaufela ki linzwi le li bulezwi. Mi linzwi ki muhupulo o bonahalile. Mwabona? Cwale lu—lu ziba kuli yeo ki niti.

¹⁶⁴ Pono ki sikamañi? Ki Linzwi la Mulimu, kamba nto yeñwi ye bulezwi kuama za kwapili, kamba mubonelo wa kezahalo ye sa taha. Mi pono ye ne bana ni bapolofita, ni yana nani Jesu, ya nani Paulusi, ni babañwi bani kaufela, ni kubulela ka lizazi le, neli pono ya ze ne ka ezahala. Mi fa lubona pono ya kwapili ha i iponahaza, mi sicaba mane ha si lemuhu cwalo. Mwabona se Ni talusa? Cwale, manna ya maabani . . .

¹⁶⁵ Mutalime kwanu. Kana mukile mwa lemuhu, lizazi, l-i-z-a-z-i, mo li zamaezi, Upa kuya kwa Wiko, sina mo ne li zamaezi ka nako kaufela. Kikuli mu lemuhile seo? Mi, mulemuhe, masika a likeleke a ezize nto yeswana ni ona. Sikamañi? Lizazi, m-w . . . m-w-a-n-a, na kalezi kwa Upa. Mi ni zwelopili i zamaile ni lizazi, ki liseli la bulezi Mulimu kuli ba pile ku lona. Batile cwalo, inge ba latelela lizazi, kubona kone liya.

¹⁶⁶ Bupilo bona kasibili, ha mu pepwa, kuswana sina lizazi. Mu zwelepili, kuya kwa malikelelo a lizazi, kuzwa fa kupepwa kuya kwa malikelelo a lizazi.

¹⁶⁷ Mutu u zamaile kuya kwa malikelelo, kamita. Zwelopili ya kale hahulu ku ze lunani ki China, mwa linaha za kwa upa. Jerusalem . . . Mi, mulemuhe, i zwelapili kuya kwa wiko hainze i zamaya cwalo, mi hainze iya cwalo cwalo, i libile kwa Wiko.

¹⁶⁸ Kona mo i zamaezi kekeke ka mukwa o swana, ka M-w-a-n-a wa Mulimu. Mutalime, Paulusi, yona kekeke ya pili, neikalezi kwa Upa; ya shimbuluka kuzwa kwani, ya shatukela mwabuse bwa—bwa—bwa—bwa liwate, kuyo kena mwa Germany. I bile ni kuhoha kokulalu. Mutalime kwanu. Kuzwa kwa Asia, kukena mwa—mwa Palestine, ya tulela mwabuse bwa liwate kuliba Germany; yani neli Luther. Mi ya tula kuzwa ku Luther, ku silela mwa Muzamao wa Sikuwa, kuyo punya kwa England; ka Wesley. Mi kuzwa ku Wesley, ya tulela kwa Likamba la Wiko, kuya mwa United States. Mi se, haiba muya kwahule nyana, mukutela kwa Upa hape. Ye ki nako ya manzibwana kale kale.

¹⁶⁹ Mutalime masika a likeleke mwa lwanezi. Luther . . . Paulusi, pili, kwa mulaho mwa lusika lwapili; ni ku shetumuka kwa Ireland, ku Irenaeus, ni babañwi cwalo; kuya cwalo mane kukena mwa France; kuzwa kwani, kuyo kena mwa Germany; kukena mwa England; ku swalelela kuya kwa Wiko.

 Mi cwale halukoni kuya kwahule hape. Lo kona lusika lwa maungulo. Mi ki sikamañi se ibulela Biblele ka lusika lo? Mwabona, kuya ka sibaka sa mubu, kuya ka mukoloko wa batu, mi mane ni nzila ifi kaufela yemubata ku linga ka yona. Ka Mañolo, pili; Mañolo, eeni sha, pili. Bupaki, kuya ka litaba za kale, nzila kaufela yemubata ku linga ka yona, lu kwa maungulo, ki lusika lwa kekeke ya maungulo.

¹⁷⁰ Mi, amu talime, hane liya kwapili ne li ya litiya ni kutiya. Mi kona mo ku bezi ni za niti, sishañata nyana sa ba Keleke ne sihula kuzwa mwa kutapiswa, ku keniswa, kolobezo ya Moya o Kenile, mi cwale ni kwa kutaha kwa licwe la Ku kwahela, inge liba ka mo liinezi. Hakusana kuba kopano kasamulaho wa ye. Hakusana kuba ni yeñwi ni kamuta. Mwabona, haku konahali, mwabona, lu kwa Wiko.

¹⁷¹ Ka ku mibonisa fela, mwahala mifuta kaufela ni lika zeñwi. Mi mutalime fa kutula kokulalu kwani, kuhoha kokulalu kwani. Luka kena ku zeo busihu bo, mwabona, mwabona, mo lubezi kwa nako ya maungulo. Fela seli kuba . . .

¹⁷² L-i-z-a-z-i li zamaile inge M-w-a-n-a; M-w-a-n-a inge l-i-z-a-z-i. Keleke itile fa nto yeswana, kuzwa mwa Masika a Likeleke Zesupa, ni zeñwi cwalo. Zwelopili i zamaile ona cwalo kuya kwa Wiko, mi ni Keleke i zamaile ona cwalo kuya kwa Wiko. Mi cwale haiba lu ya kwahule luli kufitelela fo lu inzi cwale, luka kutela kwa Upa. Ha muzwa kwa Likamba la Wiko, muka kutela hape

mwa China, Japan, hape ni kukutela mwateni hape. Limaili ze likiti zesupa ze muna ni kusila, muka kutela kwa Upa hape. Kacwalo, Upa ni Wiko likopani, zeo kona ze liteni ku zona. Lu kwa mafelelezo. Hakusana ze siyezi.

¹⁷³ Mi nto yeswana i ezahalile, kacenu, yene ezahalile kwa mulaho kwani. Nto yeswana i kopanezi kwa Wiko yene kopanezi kwa Upa. Sicaba sipila mwa mbengenge ya mbundu ya liseli lisili lene li lika ku bonisa Liseli lene li sa taha, ni ku Li hana, kakuli neba ngile mbengenge ya mbundu bakeñisa Liseli. Oh! “Mi kwaba Liseli lelituna mwa sibaka sa Bamacaba; Zabuloni, Nefetalimi; wa Galilea, . . . mwa Galilea, sibaka sa Bamacaba.”

¹⁷⁴ Lo ki lusika lwa busupa. Muhupule, mi nako ifi kaufela yeo lizazi hane likalile ku monyeha mwa Upa, ki lona lizazi leli swana ni le li monyeha kwa Wiko. Mi ni Moya o swana o bile mwahala masika kaufela, sina cwalo, ki yena Mwana ya swana kacenu. Fela, ki sikamañi sani? Ku swana fela inge kubuzwa, ki mwaha wateni. Lona lizazi leli liteñi cwale, ikaba lizazi le liswana le li ka buzwisa peu mwa litabula le, mwaha wo, mwabona, kono (ki sikamañi seo?) ki lona lizazi le kubeya fateni ni se si kaba sona. Mi kacenu, mwa lusika lwa maungulo lo, kona sene sili sona, kubeya fateni ni Se.

Kono niteñi ba bata kupila kwa mulaho kwani, kuba sina mbonezikai, kukena mwa muluti wa sitebule, kopano ya kale- . . . buino bwa kale bwa sitebule ni tuto ya tumelo, ni kuhoha zubofu bwa bona fafasi, uli, “Na hana ku Li bona. Kaufela zona ki bukuba.” Mi yona Bibe le luli, ye ba ipapata kuli ba i lumela, iswanisiswa ka Moya o Kenile ka kutisa Liseli mwa mazazi a maungulo!

¹⁷⁵ Kana mulemuhile nji? Mutalimele hande ka tokomelo mwani mwa Malaki, mwa na tomahanyelize sani, “Kuli Tumelo ya Bashemi kwa bana, ni bana kwa bashemi.” Mwabona, ona Moya o swana kone U kalezi kwa mulaho kwani, ili ko U taha kwanu hape, ki nto yeswana. Mwabona, ki ku shutana fela, ona cwalo, kuina sina sapili hape. Kakuli, kiñi? Upa ni Wiko likopani. Ki mwatasa lifateho za luna, kono niteni haba li boni. Kiñi? Ki kabakaleo Jesu naize, “Muba tuhele fela ona cwalo, kanti. Ki libofu, ba etelela libofu zeñwi, ba ka wela mwa musima kaufela bona.”

¹⁷⁶ Liseli la masika amañwi ne li monyeha fela ona Liseli le. Mwabona? Lizazi la kacenu le li monyeha, kona lumonyi lwa lizazi le likaba mwa kweli ya Sikulu ye kamba Muyana, haiba Mulimu . . . kutaha kwa kutulo. Mi ni Mwana, wa Luther, Martin Luther, ni Wesley, ni Sankey, Finney, Knox, Calvin, Moody, ni bani kaufela, ona baana babatuna bani bene bana ni liseli lani; ni John Smith wa ba keleke ya Baptist, ni Alexander Campbell, ba keleke ya Campbellite, ni bona bani bakuli Balutiwa ba Kreste, Keleke ya Sikreste, ni mabizo kaufela oba ipeile. Ona baana

bani kaufela kwa mulaho kwani, mwa masika a bona, neba monyehela fela se ne Si kaba kwanu kwa mafelelezo.

¹⁷⁷ Mi cwale kwanu, bana, kapili kasamulaho wa bakalisi ba tumelo bani, ki sikamañi se baeza? Neba si ka inelela mwa lutaka. Neba comohile kwa Teni mi ba ikezeza sikapi nyana sa bona kwande kafa. Kanti, hakuna ni ze cwalo kipeto muba kwahule ni makalelo a Bupilo, hamuna Bupilo. Ha mu yebula sikapi kwateni, ni ku si cala mwa mubu mo, si ka inelela mwateni ni kubola. Mi kona mo muinezi, mulika kuca manna ye bolile ya kwa mulaho mwa mazazi ani kafoo.

Kutulo i buzwise! Jesu una ni tafule ye lukisizwe, ko baketwa ba Mulimu bacela Sico se si buzwise sa lizazi le, ka Liseli la Evangeli le li bonisa ni ku paka kuli Uteni mo kacenu. Amen. Ba bakenile baca Sinkwa.

¹⁷⁸ Munahane fela. Sikapi sa kale sa maabani, mwabona, musike mwa si cala mwateni. Si bolile. Ha si konahali, hasikoni kuina ni sona. Batili, sha. Hasina kueza bunde ni bo bukana. Hasina kuhula. Si zwile kwa Bupilo; mi Linzwi kona Bupilo. Yeo ki niti. Sikapi sa wa kwateni, mulili wa kale wani kipeto wawa kwateni, ni lika ze cwalo. Za ikongakonga fela ili zona kipeto za wa kwateni. Za hana ku zwelapili ni Bupilo.

Kono Liseli li ka Bu paka. Oh, mawi! Eeni, sha.

¹⁷⁹ Za maabani, oh, mawi, mo lu lukela ku bonela sani! Mwabona, zani, zona lika ze bolile za maabani, musike mwa lica kacenu. Mwabona? Lina ni likokwani mwahala zona. Mwa ziba mawiliwili a welauka mo Ni a bizezanga na? Ha ni zibi. Ha—Ha ni zibi hahulu zeñata za bupilo bwa likokwani, kono Ni ziba kuli kamita lu li bizize kuli ki mawiliwili. Ki lika ze fumanehanga mwa sika kaufela se si kala kubola. Mwabona? Ha ni li lati cwale. Haiba muikutwa kulikana ni zona, muzwelepili cwalo, kono na nyaa. Kono muhupule. . .

Mu li, “Kona kuli kiñi hane lili zende maabani?”

¹⁸⁰ Kambe mwa ziba fela kuli mubili nyana wani ono kwahela buloto kwa makalelo, haiba uina mwa bubeke, uka isa bubeke kwahule. Ki zona fo ipanga lipalisa za buloto, ki sene si liteni maabani; kono haiba sa i kauhanya ili sona kwa bubeke, mi ha si huli, kona kuli si ka wa kwateni. Mwabona? Kono haiba siya ka kukena mwa mukoloko, ili mukoloko wa kutisa bupilo, ha si nze si shwa kwateni cwalo kipeto si kena mwa nto isili fela ni kupanga bubeke. Haiba ha si cwalo, si ka zwelela kai? Amen. Mwa utwisisa nji? [Kopano ili, “Amen.”—Mu.]

¹⁸¹ Inge Mulena wa musali wa kwa England, nako yeñwi, naile kwa kampani yetuna ya mapampili, mi abulela kuli na itakaleza kubona mwa likayo za mapampili. Mi ba mu bonisa likayo za mapampili zani, lilimo zeñata kafoo ba si ka li eza kale mo se li bonahalela cwalo ni lika zeñwi, kacwalo ba fumana kuli. . . kueza mapampili ku zona. Kacwalo bona, kihande, kasamulaho

nyana, ato kena mwa sibaka mo ne kusina lika kwanda libunda la bisila bya masila bya kale, mi ki hali, “Bye bi zwile kai? Ze ki likamañi? Oh,” a bulela.

Mu—mu—mu mutompehi wa sibaka sali, “Ze kona—ze kona fo lu ka panga pampili, ona bisila bya masila bye.”

Ki hali, “Ze, zakona kupangiswa ma pampili?”

“Eeni.” Kacwalo na si ka lumela.

¹⁸² Cwale ha sa mano ya, muuna cwana a shimba ona bisila bye bi swana bya masila, ni ku bibeya mwa mushini omuñwi cwana, mi ha bi yo comoha kwabuse, ki pepa ye kenile ye sweu, mwa ziba, ne bi keni mwa mushini omuñwi ni kupangiwa hande. . . Ni kubeya sifateho sa hae fateni, ni ku mu lumela sona, inza iponahaza fa lika za na biza kuli “masila a masila.”

¹⁸³ Cwale kona mo kuinezi cwalo. Lika ze shwile za maabani, lona liñusa la Luther, lona liñusa la Wesley, lona liñusa la Pentekota, haiba likona fela kufita mwa mushini wa Moya o Kenile wa Mulimu ni Linzwi la ponahazo, li ka tisa sifateho sa Jesu Kreste, yena Mulena. Amen. Haiba mu li tuhela fela kuina, ki masila a masila. Mwabona?

¹⁸⁴ Lina ni ku bupiwa mwa sika sisili. Luther una ni ku bupiwa ku Wesley, ni Wesley ulukela ku bupiwa kutaha ku Pentekota, mi Pentekota una ni ku bupiwa kutaha ku Kreste. Li na ni kufita mwa mukoloko. Kona ni Evangeli mo ifitezi mwa mukoloko o swana. Ki mikoloko ya mishini. Lusika lwa Luther, lwa kutapiswa ka ku beiwa baba lukile, lwa lumela cwalo; lwa Wesley, lwa ku keniswa, lwa lumela cwalo; lwa Mapentekota, lwa ku kutisezwa kwa limpo, kwa Moya o Kenile, lwa lumela cwalo, kaniti. Kono, ku libupa kaufela hamoho, ki sikamañi semuka zwa mwateni ni sona? Jesu, ki niti, yena ya swana maabani, kacenu, ni kuyakuile. Oh! Li ka taha hamoho ni Jesu.

¹⁸⁵ Mi mutu mwa mapangelo a lisipi ha panga mulangu, una ni mulilelo omuñwi wa lukela kubeya mwateni. Ha lukisa mulumo wa ona ni ku sululela sipi ye shengunuzwi ya hae, ubeya hahulu lisipi zeñata, ni sipi ye benya ka buñata, ni sipi ya kopa ka buñata. Kiñi? U ziba hande ze lukela ku beiwa mwateni, fa kupanga, kuli ube ni mulumo o lukile.

Mi sani kona sa ezize Jesu ka Munyaliwa wa Hae. Nana ni kubeya hahulu zeñata za Luther, zeñata hahulu za Methodist, ni zeñata hahulu za Presbyterian, ni zeñata hahulu za Pentekota, mwateni. Kono ki sikamañi Sa tahile ni sona? Ki sifateho sa Hae Luli.

Ki sikamañi sani? Kuswana fela inge Liñusa la piramidi, mwa bona, ki kubundeka ka kupahamisa, se, si taha ku ze nyinyani, hamoho ni licwe la kwa Toho. Bulumiwa bwa Jesu Kreste, fa lifasi, i lukela kuba bo bu swana ni bulumiwa bwa Na nani, kusi cwalo Hakoni kutaha mwateni. Kuswana fela sina

toho, kwa mautu. Toho . . . Mautu ha ki toho, kono toho kona ye lwala mautu, kamba kueza mautu, ku i bulelela kwa kuya. Mwa utwisisa nji? [Kopano ili, “Amen.”—Mu.] Ki bunde, ki Liseli la hola ye.

¹⁸⁶ Wesley nali Liseli lelituna. Sina mwa Na bulelezi ku Joani Mukolobezi, “Nali yena Liseli lelituna la hola ya hae.” Luli, nali cwalo.

¹⁸⁷ Batili. Eeni, sha, masila a kenile . . . Kamba, masila a masila a maabani, haiba mu siyala cwalo, ana ni . . . likana liba masila a masila ona cwalo ka nako kaufela. Na belekile musebezi wa ona, kakuba litino, kono cwale se libile mapampili.

Ku beiwa baba lukile ne ku belekile nako ya kona, mwa ku beiwa baba lukile mwatasa Luther, mi se i toba ku keniswa ka Wesley. Mi ku keniswa ku sebelize nako ya kona, kufitela kutahe kolobezo ya Moya o Kenile. Mi kolobezo ya Moya o Kenile i ezize musebezi mwa nako ya ona; kufitela Moya o Kenile (kanti, mane kuna ni fela Mulimu alimuñwi) ukena mwa Keleke, mi ni Keleke kukena ku Kreste, mi ieza Jesu Kreste ku bonahalela mwa lifasi, sa Na sepisize mwa Bibebe mo. Hakulata hamukoni ku si lumela; Na hanikoni ku mieza kuli mube cwalo. Na ni ikalabela fela kwa Linzwi. Mwabona? Yeo ki niti.

¹⁸⁸ Kacwalo mwa si bona? Kana mwa bona cwalo? Haiba mwa bona, ku kaba sina—sina muuna cwana nako yeñwi ya naile kwa . . . ka nako ya, naile kwa Wales, ka nako ya ancafazo ya mwa Welch. Sikwata sa baana sa zwa mwa United States. Kacwalo ba ya teñi, mi bali neba bata ku ziba kuli ki muyaho ufi mo ne kuna ni ancafazo ye mwa Welch. Buñata bwa mina mwa hupula ancafazo ya mwa Welch, ancafazo yetuna ne i utwahalile mwahala sicaba sa—sa batu ba Welch mwa Wales. Kacwalo he baana ba, bona bakutazi babatuna ba, ni zeñwi cwalo, ba zwa kwa United States, bani neli baituti ba za bumulimu. Neba bata kuya kwa buse ni ku yo bona nto yetuna yene ba ezize, mwa ziba.

Kacwalo ne ba sweli ku zamaya mwa mukwakwa, mi se bali . . . ba katana mupokola yomunyinyani inza yemi fa mangana ndila, inza sweli ku potolosa mulamu wa hae, mwa ziba, inza sweli kuliza muloli wa—wa pina, ona cwalo. Mi bali, “Kihande, na sweli fela kuliza pina mwa muloli. Lwa kona ku mu yela, lu mu bone, lubone sa ka eza. Kifiñ, ba mu buza puzo.”

Kacwalo ba ya ku yena, mi bali, “Muñaka, ancafazo ya mwa Welch i ezahalela kai shaa?”

¹⁸⁹ A puta kuwani ya hae; mi ali, “Muñaka, ancafazo ya mwa Welch i ezahalela mwahali *mo*,” mwa pilu ya hae. Oh, ki cona, nali yena ancafazo ya mwa Welch.

O Mulimu, kambe ne luka kona fela—fela ku utwisisa kuli ki luna ponahazo ya Jesu Kreste, Linzwi la Hae le li bonahalile. Mina mu ponahazo ya Linzwi la Hae. Mwabona?

“Ancafazo ya mwa Welch i ezahalela kai? Ki muyaho ufi mo i ezahalela?”

Mi ali, “Shangwe, ki mwa pilu yaka.” Nali yena ancafazo ya mwa Welch. Yeo ki niti.

¹⁹⁰ Mi kacenu Keleke i lukela kuba Jesu Kreste mwa kezo fa lifasi. “Kakuli Na pila, muka pila ni mina; mi Bupilo bwa Ka buka ba ku mina. Misebezi ye Ni eza, mu ka ieza ni mina.” Mwabona? Keleke ina ni kufita fa sibaka sani, ni yona. Mi Na sepisize kuli ku kaba cwalo, mi kwaba. Si na ni kutaha ka nzila ona yeo. Konakuli, mwa bona, sani kona se si ezahala. Lu, lukela kuba ka nzila yani.

Ki yena Liseli.

¹⁹¹ Kona mwa na bezi ni Nuwe nali Liseli mwa lizazi la hae. Nali yena Liseli. Nuwe nali yena Liseli. Na li Liseli kwa sikamañi? Kuli aeze Linzwi la Mulimu, “Ni ka bulaya mutu mwa lifasi, yo Ni bupile. Yaha areka, mi kaufela ya ka tabela kukena mwatani uka piliswa.”

Nuwe azwela kwani, mi ali, “Kuna ni nzila iliñwi, mi yeo ki areka.”

¹⁹² Ne baize, “Ki mufitelezi wa tumelo wa kale.” Nali yena Linzwi le li bonahalile. Nuwe nali yena Liseli la hola, luli nali yena. Lizazi la hae, lusika lwa hae, na tahile ali Liseli.

¹⁹³ Mushe nali yena Liseli la hola ya hae. “Ni ka mi potela,” Mulimu abulela ku Abrahamama. “Ni ka shetumuka, mi Ni ka lukulula sicaba sa Ka, ka lizoho le li mata, mi Ni ka bonisa mata a Ka mwa Egepita.”

Mi cwale Mushe fahalimu fani hana kopani ni sicacani sene situka kwani, a fumana yena YA LITENI ali mwa sicacani, Mushe naile kwani, mi nali yena Liseli. Amen. Ki kabakaleo hana ngile liluli, ni ku lifuta mwa halimu ni kubulela kuli, “Ha kutahe linda mwa lifasi.” Nana ni Linzwi la Mulimu. Ki sikamañi se ne si ezahalile? Liluli la kala ku pikuluha, mi linda za kala kutaha ku i ponahaza. Haleluya! Kiñi? Nali yena ku bonahala kwa Liseli la Linzwi la Mulimu, “Ni ka nata Egepita ka sikuto.” Nali mupolofita. Sa na bulezi sa taha. Nali yena Liseli la lizazi lateni. Nali yena Liseli la Mulimu.

¹⁹⁴ Faro mwendi nana ni lika kaufela za na bata kuba ni zona, mi babañwi ba bona, baprisita kaufela neba na ni zene ba bata, kono Mushe nali yena Liseli. Kiñi? Na sweli ku bonisa Linzwi la Mulimu, linze li bonahala. Mulimu na sepisize kuli, “Ni ka ba lamulela, ka lizoho le li mata, mi Ni ka ikungela kanya Yaka.” Sani kona sa Na sweli kueza.

Kona libaka leo Mushe hana pakile kuli na sa koni ku bupa. Isiñi kuli na bata ku bupa; kakuli Mulimu na mu bulelezi kueza cwalo. “Mi ni sani, ‘Zamaya kwa kopano, uli, ‘Kamuso. . .’” Mulena Mulimu u bulezi nina kuli, ‘Ni ñwate sishañata sa mubu

ni ku nepela mwa mbyumbyulu, sina cwalo, ni ku libiza.' Hakuna ni yeñwi ya zona, kono likaba teñi." Amen!

Oh, Ni sepa kuli ha mu lobali. Oh! [Muzwale Branham ukambela mazoho a hae hamoho hañwi—Mu.] Kubonahala!

¹⁹⁵ Na bulezi kuli, "Ni lumilwe. Mulimu na bulezi ni bashemi ba luna, kaniti Uka lu potela fa ni ku to lu shimba. Ni tile ku to bonahalisa ku mina kuli hola ifa kaufi. Mutuhele lika ze munani. Ha luyeni!" Eeni.

¹⁹⁶ Babañwi ba bona bali, "Kihande, Na lumela. . ." Datani ali, "Hani sepi kuli kuna ni za kumata mata. Ha lu lukeli ku tabela ka lika ze." Ne ku bonahala inge kuli ku palile, linako zene kamba ze ketalizoho. Kono, ki nto yeswana, yene zamaile ku zwelapili.

¹⁹⁷ Neba hupula cwalo. Ba zwela kwande mi bali, "Luka mu pobaula ka macwe Mushe yo! A zwe mwahala luna! Ha lu mulati kuli abe mwahala sikwata sa—sa luna mo."

Mushe a shenya kwateni fela, ni hakuli cwalo, kakuli nali yena Bupilo, nali yena Liseli la hola. Sa na ezize, neli sikamañi sani? Mulimu na bonahalisa Linzwi la Hae la sepišo ka Mushe, mi Mushe nali yena Liseli.

¹⁹⁸ Elia nali yena Liseli. "Zwela kwande mi u yoina fa lilundu lani! Ni se ni laezi mañwalala kuli aku fepe." Amen! Eeni, sha.

¹⁹⁹ Ayo kuta ataha ni KISONA SA BULELA MULENA. "Mane hakuna nihaiba puka ye ka wa kwa Lihalimu kufitela ha Ni ka ibiza." Amen! "Lizazi la kona kubenya, mwakona kubiza malu kaufela, ni kuezza sika kaufela se mu bata kuezza, kono hakuna kuba mane nihaiba puka ye ka taha konji ha Ni ka ibiza." Nali sikamañi? Nali Liseli! Haleluya! Nali yena Liseli. Nali Liseli! Nali yena Linzwi la Mulimu le li bonahalile.

²⁰⁰ Neba hupula kuli na lyangani, ha na inzi fani. Nana ni ba bababeli fa munyako bene ba mu fepa; kono babañwi inge ba bulaiwa ki tala. Neba bata kupila mwa lizo za bona; muzwelepili cwalo. Isiñi Mushe, kamba isiñi Elia, na pila mwa Liseli lateni luli. Ali kuina kwa kasa kani, ka Keriti, inza nani fela nako yende; inza sweli kuicela lico za hae, mi mutu yomuñwi nana ni ku mu babalela, ni lika zeñwi. Ne ba hupula kuli nali ya lyangani, kono nali yena—yena Liseli.

²⁰¹ Se bali, "Yela, ki sikamañi se si tahezi mupikuluhu ya kenile yani kwanu? Kihande, mwa ziba kuli ki sikamañi? Yomuñwi na sweli kuzuma zazi leliñwi, mi uize umu boni inza inzi kwatuko ni nzila, fa halimwa lilundu lani. Ni sepa kuli mucembele muumbulu yani sa omelezi, ka nako ye." Oh, batili. Nali yena Liseli. Nali yena Liseli. Nali yena Liseli la Mulimu, mwa lizazi la hae.

²⁰² Joani, hana tile mwa lifasi, ni kuya mwa lihalaupa ku yo amuhela tuto ya hae ku Mulimu, isiñi tuto ya za bulapeli. Nana ni

ku zibahalisa Mesia. Cwale hana tile cwalo, Jesu ali, “Nali Liseli leli monyeha leli benya.” Haleluya! Kiñi? Nali yena Linzwi le li bonahalile.

Isaya na bulezi cwalo. Kipeto. Yeo ki niti. “Na lumile linzwi mwa lihalaupa, lene li huweleza, kuli, ‘Amu lukise nzila ya Mulena, mi mu sungamise munyako wa Hae, mu sungamise makululu.’ Na sweli ku huweleza, kuli ki . . . linzwi la ya huweleza mwa lihalaupa.” Ki yo a taha. Nali sikamañi? “Nali linzwi la ya na huweleza mwa lihalaupa.”

Nali sikamañi? Ponahalo ya Linzwi, Liseli. Mulimu ya swana yana bulezi mwa Genese; yana bulezi se, mi kwa taha Liseli. Sina ha Na bulezi kuli, “Hakube liseli, la lizazi,” lizazi la taha la iponahaza; halu buleleni kuli Na ize kuli kukaba “linzwi la ya huweleza mwa lihalaupa,” mi ki le se litaha. Neli Liseli la hola.

²⁰³ Hape na bulezi, mwa mazazi a maungulo! Amen! Ki Liseli la hola, le li huweleza mwa Babilona, “Amuzwe ku yena, Sicaba sa Ka, kuli musike mwa ikabela kwa libi za hae. Mu si swali ze masila za hae! Mube kwahule ni zona! Mu sabe kwa buhali bo butaha!”

²⁰⁴ Joani na bulezi nto yeswana. “Silepe se si yendekilwe kwa mubisi wa kota.” Na sina tuto, mane na sa buleli sina mukutazi. Na bulezi ka linoha, ni tukota, ni likota, ni licapu, ni lika zeñwi, kona za na twaezi, mwa lihalaupa. Na si ka hulela mwa sibaka sesiñwi cwalo, se situna, bana ni lika zende kacenu, inge mone ba bezi ni zona mwa lizazi lani. Na tahile ni mushobo wa hae. Na si ka yema ni kubulela kuli, “Ah-muuna,” ni kueza lika ze kaufela ni lika ze feza mali. Na tile ona cwalo, ku zwelela mwa lihalaupa, ali ya sa umi mi ya buhali. Ali, “Musike mwa kala ku nahana kuli, ‘Ni wa siemba se mi Ni wa siemba *sani*.’ Mulimu wakona kuzusa bana ba Abrahamama kwa macwe aa.”

²⁰⁵ Musike mwa nahana kuli kakuli mu ba Methodist, Baptist, Presbyterian, kuli muna ni se musweli ku Mulimu. Mulimu wa kona kunga bo ndalabangwana ni bo manyaka silupi ba mwa mikwakwa, ku ba eza bana ba Mulimu. Kuna ni ya ka Li utwa, mi yomuñwi uka Li lumela.

²⁰⁶ Na bulezi hape, kuli, “Silepe se si yendekilwe kwa mubisi wa kota kaufela. Mi kota kaufela ye sa lumeli, ika kumulwa ni ku nepelwa mwa mulilo.” Kacwalo lani neli lona liñusa la hae. Nali yena Liseli la lizazi lateni.

²⁰⁷ Jesu naize, “Nali yena Liseli le li monyeha le li benya, mi ni mina fa nako nyana mwa lakaza ku zamaya ku lona.”

²⁰⁸ Mi ki sikamañi sa na bulezi Joani, yena mupolofita? “U yemi mwahala mina onafa cwale. Ha ni swaneli ku tamulula likatulo za Hae. Mi ona fani Ha taha ku to iponahaza, Ni ka kusufala.” Oh, mawi! Kakuli, Nali yena Liseli.

Hakuna Maseli amabeli kamba amalalu, hakuna likopano zene kamba ze ketalizoho ze shutana. Neku na ni Liseli li liliñwi. Hakuna wa Methodist, Baptist, Lutheran, Presbyterian. Kreste ki yena Liseli, mi Liseli kona Bupilo. Mi Linzwi le li bonahalile kona Liseli la hola.

209 “Ha kube liseli, mi kwaba liseli.” Eeni, sha. “Ha kube Liseli,” mi kwaba Liseli! Na bulezi kuli kube Liseli mwa lizazi le, mi kuna ni Liseli. Wa taha. Na lumela cwalo. Mutalimele kwa lisepiso za lusika lo. Oh, mawi!

210 Liseli kaufela le li kile la benya fateni, ona masika a likeleke aa, lwa bona mo ku bezi. . . Ki—ki ponahalo ye utwisa makeke ha mu ibona, ku haniwa. Sinulo 3, Ni na ni ze ñozwi fa, Sinulo 3, mi Na ziba se—se Ni swanisisa ku sona kanti.

211 Mutalime kwa sepiso ya hola ye, ye lupila ku yona; ki Liseli le li hanilwe. Ki sikamañi sene ba ezize? Ba Li hana kwa mulaho kwani. Kiñi? Neba pila mwa mbengenge ya mbundu. Ki sikamañi se ba eza kacenu? Ki nto yeswana.

212 Kihande, kikuli—kikuli u Mukreste nji? “Ni wa Lutheran. Ni wa Baptist. Ni wa Presbyterian.”

Sani ha si talusi nihaiba nto iliñwi. Hane luka bulela fela kuli noli “ngili, kulube,” kamba nto isili fela ye mubata ku ipiza mina bañi. Mwabona? Sani, kona fela mo li taluseza ona cwalo. Cwale haki—haki kashwau ku mina, kono haiba mu linga kuya ka siemba sa milao yateni, yeo ki niti.

Ne ni buzize puzo, “U Mukreste?” Yani ki Kreste ku mina. Mi haiba Kreste u ku mina, konakuli Linzwi kona le liinzi ku mina. Mi haiba Linzwi liinzi ku mina, mi Liseli ha li benya, muka zwa cwani mwahala Lona? Mwabona, yeo kona puzo. Zeo kona ze liteñi ku zona cwale, ki Liseli. Maseli a manzibwana asweli a monyeha. Kota ya Munyaliwa isweli ku shoshela ni kutubula lipalisa.

213 Oh, muhupule, neba kokolezi Kota ya kale yani. “Mi sene si siilwe ki sishenyi, nziye—nziye i si cile; mi se si siilwe ki nziye, si cilwe ki nziye ye fubelu.” Sana siile Methodist, ba Baptist ba si cile; sene ba siile ba Baptist, Mapentekota ba si cile. Na ize, “Kota ye neili cwalo,” Joele mwani, “ne i pumilwe ku siyala fela lisima,” kono na bata ku ziba haiba ne ika pila hape. Oh, eehe! Na bulukile Kota yani. Na bulukile Kota yani, eeni, sha, kakuli neli Munyaliwa wa Hae.

Mi Na ize, “Ni ka kutiseza, ku bulela Mulena.” Ki sikamañi? “Ni ka li tisa, kaufela ze ne ba cile ba Lutheran, ni ze ne ba cile ba Wesleyan, ni bona kaufela. Ki ze Ni ka kutiseza fateni, kakuli kaufela li sali mwa mubisi wa Kota.” Mwabona?

Li inzi mwatasi mwa mubu. Kuswana fela inge mununo wa kota ono keni mwa mubu, sina ha Ni bulezi ka za kezeli, u inelela ona mwani. Mi tolombita ya Mulimu ika lila, zazi leliñwi,

ni baketwa ba Lutheran bani, ba Methodist, ba Baptist, bene basina sa kueza ni zeñwi za likopano . . .

²¹⁴ Luther hakuna sa na ongaongile. Moody hakuna sa na ongaongile. Neli sikwata sani sa ma Ricky, sene sitile mwa mulaho wa hae, kona sene si ongaongile lika, sa amuhela sikapi. John Smith hakuna sa na ongaongile. Hakuna ni yomukana wa bona yana ongaongile sika; neli Liseli la hola. Luther, Wesley, kamba mane hakuna ni yomukana wa bona; neli sikwata sani sa mwa mulaho, sene sitile, kona se ne si ongaongile lika.

²¹⁵ Moya o Kenile hakuna sa na ongaongile mwa Pentekota. Pentekota ki kutwisiso, ha ki kopano. Hakuna sa na ongaongile. Oh, batili. Kono mutu ya ipapata kuba wa pentekota, ki yena ya i ongaongile. Sani kona sikapi sa kwande, se si shwa. Kufita kuli libeiwe mwa pampili, ni kupanga siswaniso se si tezi sa Jesu Kreste kuli si bonahale; batili, ba zwela kwande ka bona bañi, kona kuli habana seba eza ku Ona. Mu ba tuhele fela ona cwalo.

²¹⁶ Kono lu fumana kuli cwale, Liseli le, Kota ye, Kreste, u hanilwe hape ki keleke. Kiñi? Bakeñisa nto yeswana yene ba ezize lwa pili, mbengenge ya mbundu ya kale ya liseli la lizazi lisili. Mi “Yena ki ya swana maabani, kacenu, ni kuyakuile.” Maheberu 13:8 ibulela kuli U cwalo. Yena wa swana kacenu sina mwa Na bezi linako zani, kakuli U ezanga lika ze swana ni za Na ezize fateni. Ki Linzwi le liswana, yena Kreste.

²¹⁷ Muteeleze, Ni bata ku mi inga cwale, mi mueze nto ye kuba ya mina kasibili. Ha ni zibi, Na ni hanyinyani. . . -kamba ba timile sani kamba nee cwale, mwabona, kwa tepu yani. Ni ka tuhela fela sibe ona fani. Mwabona? [Kopano ya nyakalala—Mu.]

²¹⁸ Ni bata ku mi buza nto yeñwi. Mutalime, mulemuhe se. Mwabona, “Yena ki ya swana maabani, ni kuyakuile.” Mutalime. Misebezi ya hae, ya Na ezize, ya iponahaza ili yona. Cwale ha mu teeze ka tokomelo. Mi ha Na yemi fani, mwa Joani 14:12, Na ize kuli, “Misebezi ye Ni eza mu ka ieza mina. Yemituna kufita ye ki ye mu ka eza, kakuli Ni ya ku Ndate Luli.” Cwale, Na bulezi cwalo. “Lihalimu ni lifasi li ka fela, kono Linzwi lani halina ku palelwa.” Cwale haiba lu kwa maungulo a lusika, ikai yona “misebezi yemituna yani” ika zwelela kai? Mwabona? Ki luna ba. Haluna yema. . .

²¹⁹ Muteeleze, haiba kalenda ya Siroma i lukile, luna ni -ze silezi. . . luna ni lilimo ze mashumi amalalu ka ze silezi ze siyezi. Lilimo ze likiti zepeli kaufela, lifasi lifitanga kwa maungulo a lona. Lilimo ze likiti zepeli za pili, ne li sinyizwe ka mezi; lilimo ze likiti zepeli za bubeli, Kreste a taha. Ye ki 1964 yetaha; lilimo ze mashumi amalalu ka ze silezi. Cwale, kalenda ya babali ba linaleli ba mwa Egepita ibulela kuli lu zamaela fa lilimo ze lishumi ka zesupa kwa pata, “ki lilimo ze lishumi ka zesupa kwa pata kufitelela zani,” sani sikona ku siya lilimo ze lishumi ka ze ketalizoho ni zene ze siyezi.

Jesu naize, “Musebezi uka pumeha fahali, bakeñisa libaka la Baketwa, kusi cwalo hakuna nama ye ka piliswa.” Kana luka i kanti?

²²⁰ “Misebezi ye Ni eza muka i eza ni mina. Mufuta o swana, kono yemituna, mane muka i eza.” Cwale mutalimele. Muteezeze ka tokomelo. Mukene mwa. . . Ni lapela kuli Mulimu a kwalule lipilu za mina ni minahano ya mina, kwa kutwisiso, kuli mu utwisiso kusina kubulela hahulu mwahali mo. Mulemuhe. Na bulezi zazi leliñwi. . .

Halu boneñi yeñwi ya misebezi “yemituna” ya Na ezize. Halu yemeñi fela bakeñisa lika ze likani fela. Lu nahaneñi.

Nako yeñwi, Na bulezi kuli, “Mu bafe sa kuca.”

Mi bali, “Hakuna se lu nani.”

Ali, “Muna ni sikamañi? Mu Ni fe ku ze munani.”

Mi se bali, “Luna ni fela linkwa ze ketalizoho za lukesha ni litapi zepeli.”

Ki hali, “Amu Ni tambeke zona.”

²²¹ Mi ki Ha nga linkwa ze ketalizoho za lukesha ni kukala ku komauna linkwa zani. Mi, kuzwa ku zona, A eza sinkwa. Sa fepa baba likiti ze ketalizoho. Kana ki niti yeo? [Kopano ili, “Amen.”—Mu.] Mi ki Hali, mi Sa nga litapi, “Amu Ni fela tapi.” Neli tapi, ka kukala. Mi A loba kwateni, tapi yani, tapi yeñwi ni tapi yeñwi, mi a fepa baba likiti ze ketalizoho. Kana ki niti yeo? [“Amen.”]

Kono mwa mazazi a maungulo Na sina sika. Na bulezi fela, mi ki hali, “Bulela kuli si be teñi,” mi sa ba teñi, kusina sika ku zona. Na sina kamale; nekusina ni ka kakana fateni. Na bulezi fela kuli, “Ha kube sa kuli,” mi kwaba cwalo. Mwabona? Oh, Linzwi la Hae hali palelwi, mi Lina ni ku talelezwa.

²²² Na kona ku mi bulelela lika ze ka mi komokisa. Mwabona? Sa ba teni Ha sa bulela fela kuli sibe teni. Hamu Mu tuhele a si bulele. Mwabona, ona cwalo.

²²³ Mwabona, kwa Upa, kwa Wiko fa kutilo kopana ni kwa Upa. Neli Mushe, mane ya na ngile mushabati, ni kubulela kuli, “Ha kube linda,” ni lika zeñwi cwalo, “fa lifasi.” Kono mwa lizazi la maungulo le hakuna Sa ngile; mwabona, ki Linzwi fela. “Ha ku be,” mi kwaba cwalo. Se si bulezwi, kona mo si bela ona cwalo.

Ni bata ku paka zeñwi za lika zani busihu bo, mwabona, mwabona, ka ze ezahalile, kuli mukone kubona kuli Usali yena Mulimu. Manzwi a Hae hakoni. . .

“Yona misebezi ye Ni eza ye ni mina mu ka ieza, mane yemituna ku ye mu ka ieza. Ne ni ngile tapi fa kuezwa tapi; mina mane hamu lukeli nihaiba kuba ni tapi.” Mwabona? Yena usali Mulimu, usali Mwana ya swana. Ki Mwana Mulimu ya swana ya na zusize tapi kwa tapi, ki yena Mwana Mulimu ya swana

kacenu. “Yona misebezi ye Ni eza ye muka ieza ni mina. Mane yemituna ku ye mu ka ieza.” I ka itibahaza, “Yemituna mane ku ye mu ka ieza.” Mi sicaba sa hana ku ibona. Huh! “Misebezi yemituna!”

²²⁴ Ki liseli la buhata. Mwa ziba, Ne ni sweli fela ku nahana nto yeñwi. Ne ni sweli kubulela hahulu zeñata ka England, kono Ne ni sweli ku nahana za liseli la buhata. Kwanu ha ki kale hahulu, kaufela mwa hupula busholi tuna bwani bo—bo England ikile ya ba ni bona, bone bu ezahalile. Neli kuñwata madollar aeza sebene milioni. Hani sepi kuli kukile kwaba yeñwi ya mwa lifasi yekona ku bapiswa kwateni. Neli kuñwata mutobahamu, swanoñu nyana, ka ma dollar aeza sebene milioni, mane neba ba Scotland Yards ba palezwi ku fumana lipalo zateni hande.

Mwa ziba mo ne ba li ezelize? Ka liseli la buhata. Neba beile liseli mwa nzila ya njanji, temuso, cwalo kufita ha i yoba liseli le lifubelu, ni ku ba yemisa. Mi kwani kona ko ne ku ezahalezi busholi, ona fa sibaka se si lukile. Liseli la buhata ne lifile mu uzwezo omutuna o linaha likile za ziba kwali ku si mwa. Ne ba uzwelize linaha. Ka mali amañata luli kuñwatela fo kutuna, ne li ezizwe ka liseli la buhata.

²²⁵ Mi busholi bo butuna keleke ya Mulimu bo ikile ya ba ni bona ki liseli la buhata, ki mbengenge ya mbundu, kopano ya bona. I ba uzwelize kwa mata a Moya o Kenile. I ngile kuzwa mwa keleke ona Bupilo Sakata luli. Li ba uzwelize Linzwi, hane ba amuhezi tuto ya tumelo mwa sibaka sa Linzwi. Li ba uzwelize.

Oh, ba ipapata kuli bana ni Linzwi. Linzwi li pila ka Lona kutaha mwa lusika lwa teni; La itibahalisa Lona liñi. Ba ipapata kuli bana ni Linzwi, hape, kwa mulaho kwani mwa mazazi a Jesu. Kono Li bulezi kuli, “Neba boni Liseli lelituna,” mi ba Li hana. Neba Li boni, kono ba Li hana.

²²⁶ Oh, liseli la buhata, eeni, si tiselize keleke busholi bo butuna hahulu ku sali ku si mwa. Lituto za litumelo ze bata za likopano, muzwale, halina ku buzwisa Linzwi le li pakilwe, ki peu. Bibebe ibulezi kuli, Jesu naize, “Linzwi la Mulimu ki—ki Peu ya na cezi mucali.” Mwabona? Mi lituto za litumelo halina ku buzwisa Linzwi lani. Batili, batili!

Mazazi a bata ni ku kangela hakoni ku buzwisa buloto bwani. Batili, ki mbamba! Si lwala mufutumala wa liseli la lizazi, kakuli neli Linzwi la Mulimu le li bulezi kuli se si cwalo si ezahale.

Mi si ka lwala Linzwi la Mulimu le li bulezwi, kacenu, fa ku bonisa kuli Jesu Krete wa pila. Ka kuswana fela sina mwa Na bezi maabani, U cwalo ni kacenu. Lituto za litumelo ni likopano halina kupeta lika. Za bata mi halina ku i seza ngana kwateni, mi peu ika bolela mwa mubu. Halikoni kutaha ka kufitela mwa mwatasa sani.

227 Lani kona libaka, kacenu, luna ni ze luna ni kueza. Sina Muzwale wa luna yomunde Billy Graham, mucaindisi wa ancafazo yomutuna. Ni sepa kuli Mulimu usweli wa itusisa yena muuna yani. Kono mutalime sa sweli kueza; u zwela kwande mwahala ba Baptist ni ba Presbyterian. U eza sikamañi? Ungile sikwata sa baba i kopanya kwa keleke.

228 Mwabona ko ku sweli kutaha ma Baptist ba kwa Mboela neku lani kakuli neba nani likopano ze zibahala hahulu, kamba, kopano ya bona neikona kuhula hahulu kufita yeñwi ya Baipanguli? Ba Katolika neba li shimbelezi kaufela, zona mane, mwaha o felile. Mu liboni mwa mutende? Li ezize ona cwalo luli. Musike mwa bilaela, ika li shimba kaufela zona, kakuli ingile ba Baptist ni babañwi kaufela, ku kopanyelesa hamoho. Mi kaufela bona ki nto iliñwi fela, kono ha ba zibi cwalo.

Katengo ka keleke, Katengo ka Likeleke, ka libeile kaufela zona kuba nto yeswana fela. Kopano ibeile. . . Kiñi, kiñi ha mu ka itakaleza kuina *kwanu* kamba kuina *kwanu*? Ibile fela mwa hana Se, ki shutano mañi ye si nani? Kikuli ha muitusisi litulo ze swana za kopano nji, inge fela kuli muinzi fa sibaka silisiñwi? Iliñwi, ki sibatana; mi yeñwi, ki nombolo. Kacwalo, ki fohe cwale, konakuli halina shutano ni yekana.

229 Kona ko abile. Na mamekile liswayo la tumelelo ya hae, mi kipeto mwa ikungela zona. Mi kwani kona kwaile kaufela, ku yo punya ni kwa White House ndu ya mutompehi, ni kwa Washington, DC, ni—ni kwa Katengo ka Likeleke, mi kipeto ki mina bao muizo ya. Baana baba itutile za bumulumu nebaile ni zona mwa mulaho wa bona, ona cwalo Bibebe mo ne i bulelezi kuli ba ka eza. [Muzwale Branham ungongota linako ze silezi fa katala—Mu.]

Mawi, kambe waci yani haisika cibilika kapili cwalo! [Kopano ili, “Zwelapili usana ni nako.”—Mu.]

230 Cwale, mu nahane fela fo lu inzi. Mutalime fa lisepero za lizazi lateni, li hanilwe hape. Ka mo li ezelize likeleke mwa lizazi la maungulo le, mwa mbengenge ya mbundu ya kopano!

231 Kupila mwa mbengenge ya mbundu ya buhata kona libaka la kuli ha Li na kubuzwa. Kona libaka la kuli, Linzwi le, ha mu boni limakazo.

232 Muprisita akile ani buza lipuzo, haki kale hahulu, mi ki hali, “Bo Branham,” ki hali, “u kolobeza cwani?” Mu—mu musizana yomuñwi ya zwile mwa keleke mo; mi na wile mwa tumelo a yo nyalwa ku mushimani wa Katolika, mi aya kwa keleke ya Katolika. Mi mushimani na ka mu kenya mwa keleke.

233 Se nili, “Ne ni mu kolobelize mwa Kolobezo ya Sikreste.”

Ki hali, “Bishopu u bata ku ziba.”

Se nili, “Ku lukile, ki fo he cwale.”

Ali, “Kana wa konka cwalo?”

²³⁴ Se nili, “Hani konkangi ni hanyinyani.” Mi ki hali. . . “Eehe,” ali, “haiba hakoni ku utwa linzwi laka ka zona, kihande, kipeto ku lukile. Kakuli, Hani konkangi. Bibebe ibulezi kuli, ‘Musike mwa konka ka lihalimu; ki lubona lwa Mulimu; lifasi ki fa hatela mautu a sipula sa Hae. Mubone kuli ee ya mina ibe “ee,” mi awa, “awa.”’” Se nili, “Uka nga linzwi la ka zona.”

Ali, “Kihande, u—u bulezi kuli ‘kolobezo ya Sikreste,’ ki sikamañi so talusa, ka—ka ku nwelisa?”

²³⁵ Se nili, “Yani kona nzila fela yeo kolobezo ya Sikreste ikona ku ezahala.” Se nili, “Ne ni mu kolobelize mwa nuka ya Ohio; na mu nwelisa mwatasa mezi, ka Libizo la Jesu Krete, ni ku mu cimbula. Na mu kolobeza ka ‘Libizo la Mulena Jesu Krete,’ ili yona fela kolobezo ya Sikreste ye liteni.”

Ali, “Eeni, sha.” Na libeile ona cwalo. Mi ki hali, “Ki zenca!” Ali, “Wa ziba, keleke ya Katolika ne i kolobezanga ka nzila ona yeo.”

Se nili, “Kilili?”

Mi ki hali. A zwelapili cwalo, mi ni ngambolo ya zwelapili fa nako nyana. Mi ki hali, “Kihande, ki luna Katolika ya makalelo.”

²³⁶ Ka kuziba, kuli neku na ni—ni libuka, mwa ziba, ni litaba za kale ku yona, Se nili, “Yeo ki niti, kono,” Se nili, “kiñi ha u sa ezi cwalo kacenu?”

Mi ali, “Luna ni mata a ku swalela libi.” Ali, “Jesu, kikuli Na si ka bulelela balutiwa ba Hae, ‘Kaufela yo mu ka swalela libi za hae, uka swalelwa luli; mi kaufela ye mu sa swaleli libi za hae, ya cwalo lika siya ku yena?’”

Se nili, “Eeni, sha. Na ezize.”

Mi ali, “Konakuli kana sani ha si fi keleke mata nji? Pitrosi neli yena toho ya keleke.”

²³⁷ Se nili, “Haiba keleke ika swalela libi mwa kile a ezeza Pitrosi.” Se nili, “Cwale, ha ba buza kuli, ‘Ki sikamañi se lu nani kuezwa kuli lu piliswe?’ Na ize, ‘Mubake, mañi ni mañi wa mina, mi mukolobezwe ka Libizo la Jesu Krete kwa swalelo ya libi za mina.’” Se nili, “Mu eze cwalo, mi Ni ka zamaya ni mina.”

“Oh,” ki hali, “ulika ku kupela Bibebe.”

Se nili, “Lani ki Linzwi.”

Mi ali, “Mulimu u mwa keleke ya Hae.”

Se nili, “Mulimu u mwa Linzwi la Hae. ‘Muuna kaufela, manzwi a batu kaufela, ki a buhata; Yena ki yena Niti.’” Mwabona?

²³⁸ Konakuli hakuna mukwa wa kubona ka ona. Kono kifo—kifo ba iloya, banze ba kena mwa lififi. Mi Baipanguli, ka likitikiti, ze wela mwateni. Ki ba fa, banze ba lumeleza lituto za litumelo za bona ni lika zeñwi, inge ba zwelapili ni zona.

Linzwi linze litaha mwateni cwalo, ku li bonahalisa, Jesu Kreste usweli ku iponahaza Iliyena, “ali ya swana maabani, kacenu, ni kuyakuile.” Mwa mbengenge ya mbundu ya lituto za litumelo yani, ba zamaya ona cwalo inge ba kena mwa lififi. Inge fela mo ne ba ezelize mwa nako ya Nuwe, inge fela mo ne ba ezelize mwa linako kaufela, baeza cwalo hape ni kacenu, ki kukena mwa lififi hape! Kiñi? Ba sweli kuhana Liseli kakuli lituto za litumelo li ba foufalize.

²³⁹ Oh, ha ki hola kwa ku unufala ni koo ye lupila ku yona cwale! Uh-huh! Eehe, ba hana Liseli la Kreste la niti la Kuyakuile, mi sani kona se si eza lika.

²⁴⁰ Likopano ze bata halikoni kutisa Bupilo kwa Linzwi la Mulimu, kakuli litisa bupilo kwa kopano ya bona. Luna ni baipapati babañata hahulu ba Bakreste onafa cwale... Mutalime fa, haiba Mukreste. . .

Ne ni buzize muprisita taba ye. “Haiba nji. . . Ni ka ya ni wena, mwa litaba za kuli Keleke neili cwalo, kwa makalelo, kwa Pentekota,” isiñi kwa Nicaea, Rome. Keleke ne i sika kalela kwa Nicaea, Rome. Ne i kalezi kwa Pentekota. Mwabona? Kwa Jerusalem kona kone i kalezi Keleke. Kono se Nili. . .

²⁴¹ Faa, Ni ka lumela kuli sicaba se, ona batanga bani ni lika zeñwi, babana ni Moya o Kenile, malena a bona neba boni mata a bona ni lika zeñwi, sene ba sweli kueza; kuzusa bafu, kubulela ka malimi, ku leleka mioya ye maswe, kubulela ze sa taha. Ni baplofita mwahala bona, ni zeñwi cwalo, ba taha ba apezi matalo a lingu; banze ba ca miloho, inge ba taha kwa Katengo ka ba Nicaea kani, ni zeñwi cwalo, ni ka mo baana babatuna! Mi se ba taha kuzwa mwani, mi ba taha kwani kwa Katengo ka Nicaea, inge ba yemela Linzwi lani.

Kono, ona mazazi a mali a lishumi ka aketalizoho ani, neba amuhela za kuli “Ndate, Mwana, ni Moya o Kenile” kuba sina tuto ya tumelo, mwa sibaka sa kuba tuto ya Bibe, “ka Libizo la Jesu Kreste.” Ku zona zani kwa taha likeleke za Baipanguli, za pepwa mwahala bona, ili lika ze swana, ona lika zeñwi ze kaufela. Munahano wa buhata wa Moya o Kenile; neba amuhezi, kunga mulalelo, kunwa veine, “Sani kona *sinkwa* sa *mulalelo* se si kenile, se si talusa kuli, ‘Moya o Kenile.’” Muprisita wa mifa sona.

²⁴² Cwale, Bibe ha i bali kuli, “Lizazi la Pentekota hane litile, se kutaha muprisita mwa mukwakwa, wa kola ye putilwe mwa matuko, ali, ‘Amu labule lulimi lwa mina mi mu amuhele sinkwa sa mulalelo.’” Batili, Ha isika bulela cwalo, “Mina kaufela amu matele kwanu mi mu ni fe kamuhelo mwa puteho ya mina, mina ba Baptist, ba Methodist, ni ba Baptist, Ni ka beya libizo la mina. Mu tahe ni liñolo lelizwa kokuñwi.”

²⁴³ U li, “Nebali kaufela bona mwa sibaka silisiñwi, mwa buñwi. Mi hañihañi ki ha se kutaha muhuwo o zwelela kwa Lihalimu

sina moya wa liñungwa omutuna, mi wa tala ndu kaufela mone ba inzi. Kaufela bona ba tala Moya o Kenile, mi ba kala kubulela ka malimi asili, mo Moya no ba buleliseza. Mi ki ha . . .” Ba kena mwa mikwakwa ba ikela, ba tantalika inge batu baba kozwi, Maria ni babañwi ba kubona, mwatasa mata a Moya o Kenile.

Kiñi, sicaba sa bulela, mane ku ba seha, mi sali, “Batu ba bakusi veine yenca.” Nebali sikamañi? Neba fofalizwe ka tuto ya tumelo.

²⁴⁴ Mukutazi yomunyinyani yani wa sikitila a yema kwani, ya bizwa Pitrosi, mi ki hali, “Mina baana ba Judea ni mina baba yahile mwa . . .mina baana ba Jerusalema, baba yahile mwa Judea, taba ye ha i zibahale ku mina, mi mu teezeze manzwi aka. Batu ba haba si ka kolwa. Kono mutuhele ni mi bulelele sa bulela Mañolo se si ka ezahala. Le ki Liseli. Le ki Linzwi le li iponahaza.” Amen.

Nto ye swana ya ezahala ni kacenu, mi baeza sina mo be ba ezelize mwa linako zani, ba ikela kusili ni ku sisinya litho za bona. Bali, “Muba tuhele ona cwalo; libofu li etelela libofu zeñwi, kaufela bona ba ka wela mwa musima.”

²⁴⁵ Oh, si lwala Kreste, Bupilo Bobusafeli, fa kutisa Linzwi la Bupilo kwa ku pakiwa, le li ezizwe nama. Oh, mawi, bunde! Kunga Linzwi . . .kunga Moya o Kenile kuli u beleke ka Linzwi la Mulimu.

²⁴⁶ Mi Jesu hana ize, “Muye cwale mwa lifasi kamukana, mukutaze Evangeli kwa sibupiwa kaufela.” Cwale mutalimele, Mareka 16, taezo ya Hae ya mafelelezo. “Lifasi kamukana, lifasi kamukana,” hali si ka fita kale kwatani, mwabona. “Lifasi kamukana, mi mukutaze Evangeli kwa sibupiwa kaufela. Ya lumela,” mwa lifasi kamukana, “mi ya kolobezwa uka piliswa; ya sa lumeli uka fiwa mulatu. Mi lisupo ze li ka ba latelela baba lumela.”

“Baka swalana mwa mazoho ni mukutaz- . . .”? Batili. “Ba kaba ma membala babande ba keleke”? Batili.

“Ka Libizo la Ka ba ka leleka mioya ye maswe; ba ka bulela ka lipuo ze nca; ba ka swala linoha; kamba, kunwa lifanu zekola, halina ku ba tiseza kozi; ha ba ka beya mazoho a bona ku baba kula, bao baka foliswa.” Oh, mawi!

²⁴⁷ Kufita kai? “Sibupiwa kaufela.” Kuya kai? “Lifasi kamukana,” kufitela A taha hape. “Lisupo ze lika . . .” “Ya lumela ku Na, misebezi ye Ni eza uka ieza ni yena. Mane yemituna ku ye mu ka ieza, kakuli Ni ya ku Ndate Luli.”

²⁴⁸ Oh, mo lukona ku zamaela kwahule ni Sani kufitelela mo Ni kona ku bulelela! Luna lu mwa lififi lelituna hahulu cwale kufita bona mo ne ba bezi. Cwale nina ni fela litimana zelikani fa, kasamulaho Ni fite kwa mafelelezo kapili mo ku- . . .Lu mwa lififi lelituna hahulu kufita bona mo ne ba bezi.

Ni ziba kuli Na mi katalisa mo, seli hola cwalo ni licika. [Kopano ili, “Batili!”—Mu.] Kono, mwabona, tepu ye isweli kuya mwahali mwani. Mwabona? Mwabona?

²⁴⁹ Ba mwa lififi hahulu kufita mo lu inezi luna. Ni bulezi taba, yeo. Kiñi? Likeleke, mwa mbengenge ya mbundu ye, isweli ya puma luli, ku bonahala inge kuli ki Niti. Cwale, kikuli Jesu na si ka bulela nji? Halu boneñi Mateu 24, mwabona. Mateu 24, Jesu na bulezi kuli, “Mwa mazazi a maungulo, mioya yemibeli ikaba hahulu bukaufi kufitela i pume mane ni bona ba Baketilwe haiba ki nto ye konahala.” Kukaba sikwata se si ketilwe se si ka zwela kwande kupanga Keleke, mwa mazazi a maungulo. Ni likopano ze, ni ze ba biza kuli kona Niti ya bona, likaba bukaufi hahulu inge Sika sa luli, kuli li ka puma ni bona ba Baketilwe, mane ni bona Mapentekota.

²⁵⁰ Cwale, mwa ziba kuli hamukoni kunga Mupentekota ni ku mu puma ka tuto ya ba Methodist kamba Baptist. Hamukoni ku mu bulelela zeo. Wa ziba hande utalifile. Hamuna ku puma wa Baptist ka tuto ya ba Lutheran, kutokwa. Mwabona?

Mi hape hamukoni ku amuhela Liñusa, kupuma Liñusa cwale mwa Linzwi le, ka tuto yeñwi ya Mapentekota, ya buhata bwa “Ndate, Mwana, Moya o Kenile,” ni lika zeñwi cwalo, ni kwa mulaha kwani mwa lituto za litumelo ze ba ongaongile. Batili, ki mbamba. Hamukoni ku ba puma, kakuli ba Baketilwe habana ku pumiwa.

²⁵¹ Ki sikamañi seo? Ki sikamañi seo? Kupuma. Ona limbengenge za mbundu ze, ki sikamañi se baeza? Ba sweli ku kenya keleke mwa katengo ka lipulao, ka mbengenge ya mbundu ya bona. Yani ikaba pulao ya bona ya mafelelezo, fo yena ni Rome halika tamahana hamoho. Ha ba ka eza siswaniso sa sibatana sani, yani kona pulao ya mafelelezo. Mi ona limbengenge za mbundu ze munani cwale, mutalime se si sweli ku ezahala, sa zamaisa sicaba. Ki puli.

²⁵² Puli kamita kona ye sotezanga kwa pata a ngu. Mu liboni zeo mwa libulaelo za lifolofolo. Puli yani ika matela kwapili mi i zamaise ngu, kona ika tula ni ku tuhelela ngu kuli ikene mwateni. Sani kona se i ezanga. Kamita i ezanga ona cwalo.

Neli lipuli ze ne etelezi Jesu, yena Ngunyana, kwa libulaelo. Zona lipuli za Siroma! Yeo ki niti.

Ki zona—ki zona lipuli za likopano kacenu ze sweli ku etelela lingu ze sina mulatu kwa libulaelo. Ku ipeya zona liñi, mabizo a zona mwa libuka mwabuse, mi kipeto ba icongile. Yani kona nombolo ya sibatana. Ka Libizo la Mulena, Na bulela. Na swalelezi sani fa nako yetelele. Yeo ki niti. Yani ki niti. Sibatana ki sikamañi? Sibatana ki sikamañi? Ki mundandwe wa litulo za Siroma, yona kopano yapili. Nombolo ya sibatana ki sikamañi? Ki nto yeswana, ona cwalo, nto yeswana ona cwalo luli sina mo ne iinezi yani. Ki pulao, kwa mbengenge ya mbundu!

253 Kono fapila lififi le li liteni cwale, lu sa bona Liseli la Mulimu inge limonyehe. Mo lubezi baba itumezi hahulu ka sani!

254 Muteleze ka tokomelo. Lu boni Liseli, Linzwi la Hae la Na sepelize lusika lo, li bonahalizwe mi li pakilwe. Ki yona Niti, Liseli la hola. Oh, mawi! Ni tabile hahulu. Hakuna se si fosahalile. Hakuna nahaiba sika.

255 Kwanu ha ki kale hahulu mukutazi na bulela kuli nali kwa Florida, mi nali mwa—mwa mota, Ni sepa kuli neli Chevrolet, mi sesiñwi sa mu tahela. Na palezwi ku si utwisisa. Mi akena mwa sibaka sa ku lukiseza limota, mi ne kuna ni yana sweli ku lukisa sika mwatasi ni fahalimu, mi a to yemisa; a palelwa ku i lukisa. Mi kiha—kiha lika *se*, kono ya pala ku beleka. Mi alika mukwa usili; wa palelwa ku beleka. A beya kwateni jenireta, abeya kwateni *se*, ni kubeya mapulagi, abeya ni pa pointi; apalelwa ku eza kuli ikone ku beleka. Na palezwi fela ku ikona kuli ibeleke.

Kwa mafelelezo, muuna cwana yana tinile hande ataha. Mi ali, “Ni kufe kelezo nji?”

256 Mulukisi yani nana ni likute mi ali, “Eeni, sha.”

Ki hali, “U nge *se*, mi u si kopanye ni *se* ni *se*, mi,” ki hali, “ulibeye zeo hamoho mi ulike hape.” Mi ashimba *se* hamoho ni *sani*, mi alibeya hamoho, mi ki yani *se* zamaya.

257 Mulukisi yomunyinyani yani a sikuluha, mi ali, “Bulela, ki wena mañi?” Nali yena mulukisi tenyene, wa ba General Motors yene ba sepile. Na konile butata bwani. Ki yena yana ipangile.

258 Mi, kacenu, ha lu bulela ka za Methodist, Baptist, ni Presbyterian. Mulukisi Yomutuna Tenyene uteni; yena Mupangi wa Linzwi la Hae, yena Muuna Yana bupile lihalimu ni lifasi, ni ku bupa Keleke ya Hae! Kana Wa ziba kuya ka buñata bwa ze tokwahala ni ka za Kuungelwa, kamba kikuli ba keleke ya Methodist kamba Baptist ba ziba se si lukela kubatani nji? Yena ki yena Mupangi. Yena wa ziba se si lukela kubatani. Yena u tinile hande mwa Mata a zuho ya Hae. Haleluya! U sweli ku zamaya mwahala luna, kacenu, mwa Mata a zuho ya Hae.

Wa ziba se si tokwahala kubatani fa kubeya Keleke mwa sikuka sa Kuungelwa. Na I pangile kuba ona cwalo, ni kubeya liemba hamoho mwa Biblele mo. Amen! Mutuhele fela kukene Mata ku Zona, cwale mu Li bone li beleke. Mutuhele tumelo, mwa Linzwi la Hae leli sepisizwe kacenu, i bube, muka bona mo I belekela. Kiñi? Ki yena ya na pangile lika zeo. Na ezize Keleke ya Hae ka Linzwi. Sani kona Sa beile hamoho. Isiñi ka Methodist, kamba Baptist, kamba Presbyterian, kamba ka kopano ya Pentekota; kono ka Linzwi la Hae. “Mutu hana kupila ka buhobe feela, kono ka Linzwi kaufela le li zwelela mwa mulomo wa Mulimu.” Eeni, sha.

259 Amuzwe mwa mbengenge ya mbundu yani, mwahala lififi, yona nako ye unsufezi ye lupila ku yona ye cwale. (Luye fela

ka mizuzu ye ketalizoho ye siyezi.) Mwahala lififi, ki mañi ya ka lamulela Munyaliwa yomunyinyani kuli a zwe mwateni? Ki mañi ya ziba hande ka Zona? Ki Mupangi wa zona Tenyene. Oh, eehe. Kuzwa mwa kulyangana kwa mbengenge ya mbundu kwa kaufela!

Kwanu, ba Methodist ki mbengenge ya mbundu mwa neku leliñwi, ba Baptist ki neku leliñwi, ni ba Presbyterian ki neku leliñwi, mi Mapentekota ka neku leliñwi, ni limbengenge zeñwi za mbundu ze kaufela ze liteñi. Ba mata, ba beya libizo la bona *mo*, ona mwa mbengenge ya mbundu *mo*; ba to fumana kuli, kuna ni sesiñwi mwateni. Ni kutaha kwanu; ni sesiñwi kafani. Kutaha *mo* . . .

²⁶⁰ Sina hane Ni bulezi ku muprisita yani kuli, “Haiba mina kaufela ki mina keleke ya makalelo, mi mwa ya ku latelela tuto ya baana babane bali kwa Nicaea, kiñi ha mu sina mata ene bana ni kwa mulaho kwani kwa simuluho kanti? Mwabona? Kiñi hamu sa ezi lika zene ba ezize, za na bulezi Jesu?”

Ali, “Oh, luna lu batu ba sili cwale. Luna, lupila mwa lusika lo lu shutani.”

²⁶¹ Se nili, “Kono Linzwi ha li cinci. Na bulezi kuli, ‘Lisupo ze li ka latelela mwa masika kaufela. Lihalimu ni lifasi li ka fela, kono Linzwi la Ka halina kufela.’ Kona cwalo.”

Mi ali, “Kihande, ubulela ka za Bibe.”

²⁶² Se nili, “Eeni, Linzwi, lelili Kreste.” Yeo ki niti. Mi kacwalo ki fo he cwale. Mwabona?

²⁶³ Mi mwa mbengenge mo, ba Methodist ba bonisa za bona, ba Baptist ba bonisa za bona, ba Presbyterian ba bonisa za bona, yeñwi ni yeñwi iya ihula ni ku hula, ka nako kaufela.

Munyaliwa yomunyinyani ya shebile, U fumaneha kai? U matezi kwanu ku ba Oneness ya Pentekota, fa nako nyana; Ubeya libizo la Hae ku yona, mi U bulela kuli, kihande . . . Hamu fumana hande, mutalime se ba ezize. Ba taha kwanu, mi, “Muna ni kuba kwa neku la luna. Haiba ha mu fumanehi kwa keleke ya luna, konakuli hamuyo mane ni ku Munyaliwa. Mane ha mu sesiñwi.” Ha mutaha kwanu ku ba Assemblies, mi mutalime se ba nani; ki fo cwale hape. Mu ye ku ba Baptist, mu talime se ba nani. Mu talime ku ba Presb- . . .

²⁶⁴ Ki sikamañi se si ka ezahala kwa Nto yenyinyani yani? Mwabona? Kono Una ni kutaha. Musike mwa bilaela. U kaba teni mwani.

²⁶⁵ Mutu yomuñwi na bulela, kwanu seli lilimo zepeli cwalo. Nali kwani mwa New Mexico. Ne ni na ni mukopano kwani bukaufi ni Carlsbad Caverns. Mu ba utwile kwa neku lani, babatuna . . . Mi banga muuna ni musala hae, ni sikwata sa banana, baya ku pahama sikwepe se, ku shetumuka mane kuyo fita kwatasi kwa mafelelezo a musima. Mi ha ba yo fita kwatasi

kwani, ba tima malaiti kaufela. Mi hane ba timile malaiti kaufela, neli lififi inge mwahala busihu.

Ne ni ba kupile kuli baeze cwalo mwa libaka ze kwanu, mi ka nako yeñwi kwani mwa Colorado kwani, musala ka ni Na, kwa mulaho kwani, neluli kwani. Mi se ba tukisa ona malaiti ani. Mawi, amu beya lizoho la mina sina *cwana*, hakuna se ne mu ka bona.

Mi nekuna na ni musizana yomunyinyani kwani, a kala kuhuwa, “Oh!” Kuhuwa. Yena, na sabile hahulu mane kubata kushwa, ne ku unsufezi hahulu. Mwanana wa sesiñwi na sweli ku bubutela ni kuswala kai ni kai, ni kulika kubiza ni kuhuwa bo ndate, boma, kai ni kai. Na sa koni fela ku yemela ze cwalo, ne ku unsufezi maswe maswe. Ali kuba abone fateni lififi le li cwalo.

²⁶⁶ Mi cwalo kona mo kuinezi cwale. Yeo ki niti. Ku unsufezi hahulu ha muzibi ko muya. Hamuya ku ba Methodist, mu ye kuba Baptist, mu ye ku ba Presbyterian, kaufela ki nto ye swana, mwabona, baca manna ya kale yani, ye bolile ni mawiliwili inge mauyi mwateni. Mwabona, ki nto ye swana, lituto za litumelo, “Amutahe kwanu mu to i kopanya ku se, ni sesiñwi, *sani*,” tuto ya tumelo ya kale ni lika zeñwi. Hamuboni Kreste ku zona. Mwabona? Oh, mu bona batu baba lukile, Ni bulele cwalo. Buñata bwa bona ki batu babande mwahali mwani cwale, ona mwa likopano zani. Ni bulela ka mubelekelo wa mulao, isiñi batu baba fumaneha mwahali mwani. Kono, mwa bona, zani kona ze ba sweli kuca. Mu ba bulelele ka zona!

Kono Fa ki se Sico sesinca!

²⁶⁷ Mi musizana yomunyinyani ali kuyema fani, na sweli kuhuwa, fahalimwa linzwi la hae, mane kubata kutelwa ki kanono; inge mwa inezi Munyaliwa yomunyinyani cwalo. Kono mwa ziba kana? Kezela hae munyana hae ahuwa, ali, “Kezeli yomunyinyani, usike wa saba.” Kakuli, na yemi bukafu ni mulukisi. Ali, “Kuna ni muuna fa yakona ku monyeha liseli.”

Usike wa saba, Kezeli yomunyinyani, kuna ni Muuna fa Yakona ku monyeha Liseli. Wa kona kueza Linzwi le kuba le lipila. Ha lu zibi mo A ka tela. Ha lu zibi, nako Ya taha. Na hakuna se ni ziba ka zona. Kono Uteni mo, mi Wa kona kutukisa a monyeha Liseli. Kana lu ka zwa cwani mwateni? Ha ni zibi. Kono uteni mo, mi ki Yena Ya kona ku monyeha Liseli. Eeni, sha. Ki Yena luli. Yena ki yena Liseli. U ikeza fela Iliyena kuba ya zibahala, cwalo kona Mwa tukiseza Liseli. Ona cwalo luli.

Si lwala Kreste, kuli mu monyeha fa Liseli la Hae, mi kipeto lififi kaufela la hasana. Wa kauhanya. U sweli kuhoha Munyaliwa wa Hae yomunyinyani kuzwa mwateni. “Ni ka lamulela sicaba sizwe ku Bamacaba, bakeñisa Libizo la Ka, se si kaba ni Libizo la Ka.” Libizo la Hae ki sikamañi? Ku lukile. Ha ki Methodist, Baptist, Presbyterian, Lutheran. Ki Jesu Kreste. Yeo ki niti.

268 Yena ki yena Liseli, ki Niti; ki Liseli, mi hakuna lififi ku Yena. Mi U hasanya kukasha lififi Ha taha mwa sibaka, kakuli ki Yena Linzwi. Linzwi li Liseli. Yeo ki niti. Kakuli, Na ize ni ku bulela kuli, “Ha kube liseli,” lani neli Linzwi lene libile liseli. Ha Na bulezi *Se*, ki Liseli la lusika lwa teni, ka nako kaufela.

Cwale Uteni mo, mwa—mwa isiñi mwa mbengenge ya mbundu; kono sicaba sipila mwa mbengenge ya mbundu. Kono Yena ki yena Linzwi le li pakilwe. Yena luli ki—ki Liseli la mwa nako ya lififi. Eeni, sha. Ona limbengenge za mbundu za buhata ze kaufela li ka fela. Eeni, sha. Uteni mwahali mo. Musike mwa saba. Mu tukise Maseli, Linzwi la Hae le li sepisizwe. La pila. La eza . . .

“Ya lumela ku Na, misebezi ye Ni eza, uka ieza ni yena.” Konakuli, ki Linzwi. “Sina Ndate ha Ni lumile, ni Na ni mi luma cwalo.” Ndate ya Ni lumile, natile ku Yena. Yena Jesu ya mi luma, utaha ku mina. Mi misebezi ya Na eza ka nako yani, U sa eza ze swana, kakuli (kiñi?) Linzwi lona kasibili li ezizwe nama, mwa mubili wa butu, li I ponahaza ili lona mwa Liseli la lizazi le. Ki fo he cwale. Ki sani fani. Ki ku bonisa fela nzila ye ya kwa Liseli, mwa Liseli. Baana baba butali, baba si ka foufazwa ka lituto za litumelo ni kopano, ba ka zamaya mwa Liseli lani. Oh, mawi!

269 Kuna ni Muuna fa yakona ku monyeha Liseli, ku lukile. Ki sikamañi Sa eza? Ka ku paka Linzwi la Hae la lizazi le. Jesu, yena Mwana Mulimu, Yana sepisize Linzwi la lizazi le, uteni mo ni luna.

Musike mwa saba. Musike mwa iseza ngana ku ze musweli kueza; mu sweli, ku zamaya mwa lififi.

Mu talife. “Ba baeza ka butali,” Daniele naize, “mwa mazazi a maungulo aa, ba ka ezeza Mulimu misebezi ya bona.” Mwabona? Mwabona? Baka zamaya mwa Liseli, sina Yena hali mwa Liseli.

270 Musike mwa bilaela. Kwa kona ku unsufala, ku bonahala inge kuli ba ka lu hapeleza, mañi ni mañi. Kaufela ba, mwa bona pulelo ya bona ha i utwahala kuli, “Ona tu keleke keleke to tunyinyani to kaufela ni lika zeñwi li lukela kukena mwateni cwale. Mu lukela kukena mwateni,” kusi cwalo ba ka mi kwalela. Ba ka eza ona cwalo.

271 Cwale lu bata kufita ku seo ka tata luli, busihu boo, ha Ni fita fa nako ye, mwabona.

272 Cwale, bona, “Lu ka kwala.” Muna ni kuba alimuñwi wa bona, kamba nee. Muka—muka ba mwahali mwani, kamba hakuna se mukona kueza, hamukoni nihaiba kuleka kamba kulekisa. Yani ki niti. Ha mu lukeli ku lapelela bakuli. Haiba u fumanwa inge u tusa mukuli kamba mutu ufi kaufela ka butata bwa moya mwahali mwani, mu ikalabela kwa mulao wa naha, kuli li ezahale. Yeo luli ki niti. Mwabona? Mwa ziba cwalo. Yani ki niti. Zeo li mwa mitende ya bona. Eeni, sha. Kacwalo,

hamukoni kueza cwalo, muna ni ku fumaneha kwa sikwata sa tumelo yeñwi.

Muwale, mutuhele ni mi bulelele nto yeñwi. Ku hande muikungele Krete luli mwa pilu ya mina ona fa cwale, kakuli kuna ni nako yetaha ko mu ka Mu tokwa luli. Mu kwande cwale. Muhupule, mi liswayo la mafelelezo ha li beilwe fateni, u bile teñi fa nako yetelele. Mwabona? Kacwalo, musike mwa eza cwalo. Musike mwa lumela lika zani. Mu kene ku Krete ona fa cwale, yena Linzwi. Eeni, sha.

²⁷³ Ku paka Linzwi, ni ku bonisa kuli Ki Liseli la hola. Kona mo lu zibela kuli ki Yena Liseli, kakuli Yena ki Liseli le li i ponahalize mwa nama.

Kana lu ziba cwani? Nali Linzwi la Mulimu le li ezizwe nama. Mwabona, Linzwi la Mulimu ne li iponahaza Lona liñi, inze a iponahaza Iliyena, mi Mesia ha taha, ki sa Ka eza.

²⁷⁴ Musali naize, fa lisima, “Kakuli Mesia ha ka taha, Uka eza lika ze swana. U lukela kuba Mupolofita, ili lona Linzwi, le li ka lu bulelela lika ze sa taha se.”

²⁷⁵ Na ize, “Kina Yena.” Mwabona? Sani neli sona. Liseli la monyeha fa Linzwi le li sepisizwe. Kuna ni Liseli.

²⁷⁶ Ka kuliba mwa munzi aya cwalo, ali, “Amutahe, mutobona Muuna Ya ni bulelezi lika ze Ni ezize. Kana yo ha ki yena Mesia nji?” Sani neli sona. Mwabona? Hakuna taba kamba ne ba bulezi sikamañi babañwi, na zibile kuli yani neli yena Mesia.

²⁷⁷ Muhupule, mwa lusika kaufela, mwa nako ya lififi, Mulimu ubile aba ni Linzwi la Hae kuli li kauhanye Liseli kwa lififi.

Nana ni Lona mwa mazazi a Luther, fani keleke ya Katolika hane ina ni lika kaufela; A luma Luther kuba inge Liseli le li monyeha, mi Luther a kauhanya Niti kwa lififi.

Mi cwale ma Lutheran hane ba se ba lyangani, A eza John Wesley, mi a kauhanya Liseli kwa lififi.

Mi mwa mazazi a pentekota, fani ma Wesleyan hane ba keni ku zona kaufela . . . mi ba Methodist ba lyanganeha mukwazo, ni ba Baptist, ni ba Presbyterian, A luma liñusa la pentekota ku to kauhanya Liseli kwa lififi.

Ba Pentekota ba yo kena mane kupulyana mwa lififi hape, ona cwalo, mwa kopano ya bona, ba lwala lituto za litumelo za bona ni lika zeñwi.

Cwale hola itile kuli Linzwi le li pakiwe. U luma Liseli, ili Linzwi le li bonahalile, sina mwa Na ezelize kwa simuluho; uluma Linzwi, mi La ipaka ili Lona. Ki lani Liseli, mi Yena kamita wa kauhanyanga. Ze swana liteni ni cwale, sina Maseli a kuyakuile amanyinyani mwa na monyehezi kwa simuluho.

²⁷⁸ Mutalimele bana, ha Ni bulele, Ni fitelezi nako ka mizuzu i ketalizoho cwale. Kono mutuhele ni bulelele nto iliñwi ye.

Kuna ni Muuna ya liteni! Musike mwa saba, hakuna taba ka se ba bulela. Ni li boni ha litaha fa sibaka sa kuli ha Ni zibangi kwa kushenyela hape, kono Yena kamita wa banga teñi. Yona Pata ye sa palelwi ni hanyinyani, Yena kamita wa banga teñi. Wa kona ku tukisa Liseli. Eeni, sha. U sweli fela ku libelela, kubona se muka eza. Wakona ku sina fa kutukiseza nako kaufela Ha bata kuezwa cwalo. Eeni, sha.

²⁷⁹ Kuna ni Muuna fa yakona ku monyeha Maseli. “Babane bali mwa musindi wa muluti wa lifu,” babañwi mwatasa kansa, babañwi ba bona mwatasa lifu la kopano, babañwi ba bona mwatasa lifu la lituto za litumelo, babañwi ba bona mwatasa lifu la kopano, ni mifuta ya lifu yani kaufela, “mi baboni Liseli lelituna.” Muuna ya na tukisize Maseli ka nako yani, ki Yena ya swana Yana bulezi, kwa simuluho kuli, “Ha kube liseli.” Yena Mulimu ya swana yani, “maabani, kacenu, ni kuyakuile,” U teni ni kacenu, ona mwahali mo nako ya cwale. Musike mwa saba. Wakona ku monyeha Maseli.

Mi haku taha nyandiso, musike mwa saba. Kuna ni Liseli, na bulezi kuli Uka ngela sicaba sa Hae ku yena. Hasina kukena mwa nyandiso ya balumeli. Hasina kufita ku zeo. Na bulezi kuli Hana kufita ku zeo. Uka ngelwa ku yena. “Baka eza cwani seo, Muzwale Branham? Kubonahala ku unsufala luli!” Hakuna taba kamba ku unsufezi cwani, hamukoni kubona lizoho la mina fa pila mina, muhupule fela, kuna ni Muuna fa yakona ku monyeha Liseli. Uka lwala Keleke.

Mu li, “Kihande, Ni lukile . . .”

²⁸⁰ Eehe, Shadreki, Misheki, ni Abednego, nebali bukaufi ni ondo ya mulilo o sabisa, kono kuna ni Muuna ya Na konile ku fukisa moya. Eeni, sha. Ona Moya o fuka ka mata wani ono shetumukile ka Lizazi la Pentekota, A U tukisa hape ni ku ba fukiseza ona kwahule ni bona, mulilo kaufela. Nekuna ni Muuna mwateni; U bizwa kuli “Muuna wa bune.”

²⁸¹ Kuna ni Alimuñwi mo kacenu. Ki yena Anosi fela! Haleluya! Una ni sa ku laitisa Liseli mwa lizoho la Hae. “Babane bali mwa musindi wa muluti wa lifu, Liseli lelituna la ba monyehela.” Musike mwa Li hana. Mu Li amuhele, ka Libizo la Mulena. Halunze lu inamisa litoho za luna fa nako nyana.

Luka zamaya mwa Liseli, ki Liseli lelinde,
Li taha ko ku nela maloteli a mande a sishemo;
Limonyehe mwahala luna musihali ni busihu,
Jesu, Liseli la lifasi.

Luka zamaya mwa Liseli, le ki Liseli lelinde,
Li taha ko ku nela maloteli a mande a sishemo;
Limonyehe mwahala luna musihali ni busihu,
Jesus, Liseli la lifasi.

Mutahe, mina ba bakenile ba Liseli, mubulele
 muli,
 Jesu, ki Liseli la lifasi;
 Mi kiha milangu ya Lihalimu italila,
 Jesu, ki Liseli . . .

Ki sikamañi? Linzwi le li pakilwe ki Jesu kacenu. Ki yena Linzwi.

Luka zamaya mwa Liseli le, ki Liseli le linde,
 Li taha ko ku nela maloteli a mande a sishemo;
 Oh, limonyehe mwahala luna musihali ni
 busihu,
 Jesu, ki Liseli la . . .

²⁸² Litoho za mina inze li inami. Hani zibi kuli ki babakai mo babaabela ku zamaya mwa Liseli le, mwatasa tamaiso ya Moya o Kenile, ili Linzwi le li pakilwe la kacenu? Mwabona? Lona Linzwi la na sepisize Mulimu kacenu, mulibone ha Li iponahaza!

Kana sani ne si sona sa Nali sona kwa simuluhu? Nali yena Linzwi. Mwana na pepilwe; Nali yena Linzwi. Nali yena Mesia; Nali yena Linzwi le li pakilwe. Konakuli kanti Linzwi, Mulimu na bulezi za- . . . maungulo kuzwa kwa simuluhu.

²⁸³ Cwale kuna ni Linzwi la lizazi le, mi Uteni mo unza paka Linzwi lani.

Mwahala kulyangana cwana, lififi ni mbengenge ya mbundu, i bonahala mane inge ki Yona, kono ha ki Yona. Ha ipaki kuli i kona kuba Yona; ki tuto ya bulapeli.

²⁸⁴ Jesu naize, “Haiba Ni leleka mioya ka munwana wa Mulimu, mina mu i leka ka sikamañi?” Neba si ka i leleka. Mwabona? “Kono, kutokwa, haiba Ni leleka mioya ka munwana wa Mulimu, kona kuli Mubuso wa Mulimu utile mwahala mina.”

Oh, halu nahaneñi fateni, hanze lu nanula mazoho a luna. Ka bunolo cwale, mi munahane, mukuze luli.

Luka zamaya mwa Liseli, le ki Liseli lelinde
 hakalo,
 Mi litaha ko ku nela maloteli a . . .

Mube ni buipuleli bwa mina. Mulumele Mulimu cwale.

Limonyehe mwahala luna musihali ni busihu,
 Jesu, Liseli la lifasi.

Luka zamaya mwa Liseli le, ki Liseli kwa
 bunde,
 Li taha ko ku nela maloteli a mande a sishemo;
 Limonyehe mwahala luna musihali ni busihu,
 Jesu, Liseli la lifasi.

²⁸⁵ Haba nze ba zwelapili kuliza, Ni bata ku buza. Lusika lufi ni lufi kaufela lubile lo lu swana. Mwa mazazi a Nuwe, Bani

bene ba hanile Liseli, ki sikamañi sene ba ezize? Neba keni mwa katulo ya Mulimu. Ki sikamañi sene si ezahalile ku Faro mwa mazazi a Liseli la sicacani sene situka mulilo, sene sili ku Mushe? Neba keni mwa nuka ya lifu. Ki sikamañi sene si ezahalile ku Datani yana kalile mi kasamulaho a hana Liseli? Na keni mwa mwandala wa lifasi; ne li mu mizize. Ki sikamañi sene si ezahalile mwa masika kaufela, ku bene ba palezwi ku zamaya mwa Liseli, lona Liseli la lizazi lani?

Ki Jesu linako kaufela. Neli Jesu mwa mazazi a baana bani. Ki Jesu kacenu, kakuli ki Yena Linzwi, mi Linzwi kona le li eza Liseli. Ki lona Liseli la musihali.

Mu nahane fateni cwale, ka kukuza luli, ha lu sana ni busepahali, muipuze, kana mu zamaya mwa Liseli nji? Halunze lu kutela kuñuñuna pina ye hape. [Muzwale Branham ni kopano ba kalisa kuñuñuna, *Jesu, Liseli La Lifasi*—Mu.]

. . . Liseli lelinde,
Litaha ko ku nela maloteli a mande a sishemo;
Limonyehe mwahala luna musihali ni busihu,
O Jesu, Liseli la lifasi.

Ki fo cwale, ha lu yemeñi.

²⁸⁶ Ni lapela Ndate wa Lihalimu kuli Liñusa le linwele ka kutunga mwa lipilu za sicaba se si liteni cwale, ni baba ka Li utwa fa tepu. Mi cwale Liseli hali tahe fa Linzwi, yona Peu, mi a litise cwalo Peu kaufela ye lelilwe yene cezwi mwahala mbengenge yeshutana ye ni likopano. Ha ba bone sina Nikodema, niha bana ni ku “taha ka nako ya busihu,” ba tahe kwa Liseli. Lumeleza cwalo, Ndate.

²⁸⁷ Mi haku tahe yona taba tuna ye, ya Licwe le li sehilwe kwa lilundu, kusina mazoho. Li ka luba yona mibuso ya Bamacaba ye ku wiseza fafasi, yona mibuso ye kaufela, mibuso ya moya ni mibuso ya nama. Mi Licwe lika apesa lifasi kaufela; ikaba silikani se si kenisizwe. Baba ka pyatiwa ki Licwe leo baka lubiwa kuba fela musili; baba ka wela fa Licwe leo baka ba ni mutomo o tiile.

²⁸⁸ O Kreste, ni lumeleze, kakuba mutanga Hao, kuli ni shwele fa Licwe le, lona Licwe la Linzwi la Hao. Mulena Mulimu, tuhela kuli ni yeme, kakuba sina Davida, hamoho ni bona balwani ba kale bani bene ba yemezi Davida, tuhela kuli ni yemele Linzwi le kacenu ha Ni bona kuli Li hanilwe ki likopano. Li beilwe kwanu mwa ancafazo yeñwi yenyinyani. O Mulimu, Ni . . . Lumeleza kuli lube ni mata ani ni bundume, mi Moya o Kenile, lu yeme, kakuli liholo li ba bunsu ni bunsu.

Kono tuhela kuli kamita lu hupule kuli Uteni kuli u monyehe Liseli. Ka hola ifi kaufela Yo tabela kueza cwalo, Wakona ku monyeha Liseli, Ndate. Kacwalo lwa lapela . . .

289 Sina ha No ize, “Mina mu Liseli la lifasi.” Lumeleza, Mulena, kuli Maseli a luna, ali a sebelezo ya Hao, aka benya hahulu ku babañwi, kuli ba bone Liseli la Evangeli haiba lu pila ka lona, Mulena, zazi ni zazi, ku bonisa ku bona Bupilo bwa Jesu Kreste kuya ka mwa Na inezi fa lifasi fa; ya tezi buishuwi ni bunde, ibo ni Linzwi lene li pila ku Yena. Lumeleza cwalo, Mulena.

Kakuli, lu talimezi ku Wena, yena Yomutuna ni cinceho mwa lizoho. U sweli lifasi mwa lizoho la Hao. Wena usweli lika kaufela mwa lizoho la Hao, mi u swala lifasi ka Linzwi la Hao.

O Ndate, ha lu amuhele Linzwi; kana Uka eza cwalo, shangwe, Mulena? Yani haibe bupaki bwa pilu kaufela mo.

290 Ndate, hanze lu opela lipina ze. . . Sina Davida hana opezi lipina za teni, li ba sipolofita. Neli sipolofita, mi No si lemuhile, sipolofita. Sina halu opelanga, Mulena, haibe mwa lipilu za luna, hape, hanze lu opela, “Luka zamaya mwa Liseli.” Hakube cwalo, Mwabona.

Le ki Liseli lelinde. Ki Linzwi. Ki Kreste yapila mwahala luna. Isiñi sa Na li sona; ki Sali sona, mi, lwa ziba sa Nali sona kuli si bonahalisa seo Ali sona. Mi lwa lapela, Ndate, kuli sicaba si utwisise ni ku zamaya mwa Liseli lelinde le. Lwa kupa ka Libizo la Jesu.

291 Hanze lu yemi ona cwalo fa nako nyana, Ni bata kuli kaufela luna lu opele.

292 Cwale mwahali mo kuna ni ba Presbyterian, Methodist, Katolika. Se ki sicaba se si kopani kopani, ha li taha ku za likopano.

293 Cwale muhupule, haku zibahale, kuli Na ha ni buleli ka ku lwanisa sicaba mwa mbengenge ye. Kono Ni li pakile, kuya ka Biblela, kuli ki mbengenge. Kambe ne kusi cwalo, Kreste na ka eza sina mwa Na sepiselize ku ezeza, ni bona. Mwabona? Kono ba hana Sani. Mwabona? Mi ha mu ka fita fateni, ki sikamañi se mufumana? Ki “kuikopanya kwa keleke, kupeta tuto ya tumelo.” Mi cwale si zwa mwa sikamañi? Amu taha kwa mafelelezo a nzila, mu fumana kuli neli mbengenge fela, ya buhata.

Kresteri ki Linzwi. Ki Yena Liseli. Mupile cwale, ona hamukona kupila. Mu pilele nto yeñwi.

294 Ki sikamañi se mu pilela? Ki kuli mukone kushwa. Mañi ni mañi wa mina, ki sikamañi se mu belekela? Kuli muce. Ki sikamañi se mu celanga? Kuli mupile. Ki sikamañi se mu pilela? Kuli mushwe.

Cwale kiñi ha mu sa pileli kuli mupile? Kiñi ha mu sa pileli kuli mupile? Cwale, nzila fela yemukona kupila ka yona ki ku amuhela Linzwi. Kakuli, “Mutu hana kupila ka buhobe fela,” se lu ipumanela fa kuzwa mwa mifufuzo ya fa linsi za luna, “kono ka Linzwi kaufela le li zwelela mwa mulomo wa Mulimu.” Cwale

Linzwi la mwa mulomo wa Mulimu lisweli ku iponahaza ona fa cwale fapila luna, ka Moya o Kenile. Mupile ka Lona, nji cwani?

²⁹⁵ Cwale Ni bata, hanze lu i opela hape, ki fo cwale mañi ni mañi a lu yemeñi mwa libaka za luna, mu otolohe mi muswale mutu fa lizoho, mi muli, “Muzwale, halu zamayeñi mwa Liseli le,” hanze lu opela kuli *Mu Zamaye Mwa Liseli*. Kikuli muka eza? Mu lapelelane hamunze mu beile mazoho a mina hamoho, hanze lu i opela hamoho; ka kukwala meeto a luna, kuya ka mo ku konahalela.

Luka zamaya mwa Liseli, ha ki Liseli kwa bunde,
Li taha ko kuna ni maloteli a benya ka sishemo;
Leli monyeha mwahala luna musihali ni busihu, (Ki Nto mañi yeo?)
Jesu, ki Liseli la lifasi.

Cwale halu nanuleñi mazoho a luna.

Luka zamaya mwa Liseli, ha ki Liseli kwa bunde,
Li taha ko kuna ni maloteli a benya ka sishemo;
Leli monyeha mwahala luna musihali ni busihu,
O Jesu, ki Liseli la lifasi.

Amutahe, kaufela mina baba kenile ba Liseli, mubulele, (Kuli sikamañi?)
Jesu, ki Liseli la lifasi;
Mi kipeto milangu ya Lihalimu ika lila,
Jesu, ki Liseli la lifasi.

Kaufela, halu i opeleñi cwale.


Lu ka zamaya mwa Liseli, mi ki Liseli lelinde,
Li taha ko kuna ni maloteli a benya ka sishemo;
Leli monyeha mwahala luna musihali ni busihu,
Jesu, ki Liseli la lifasi.

²⁹⁶ Ni litoho za luna ze inami cwale. Muhupule fani ma Isilaele hane bali mwa musipili wa bona, neba ca manna yenca zazi ni zazi, neba zamaile mwa Liseli la Siita sa Mulilo. Siita sa Mulilo sani neli Jesu Krete. Bibeke ibulezi kuli Neli yena. Mi kacenu Uinzi ni luna; luna ni Sona. Lwa ziba kuli Una ni luna, yena Siita sa Mulilo sesi swana, inge asweli kueza lika ze swana za Na ezize ha Nali fa lifasi fa, kuli ataleleze Linzwi la Hae.

²⁹⁷ Hanze lu zwa mo, halu hupuleñi, lu beye pina yeo mwa lipilu za luna hanze lu ya kwa mandu, minembo hai sweli ku opela pina. Mu si ka ca kale mulalelo wa mina, muinamise litoho za mina ni ku itumela ku Mulimu ka kuluma liseli le litisa lico mwa lifasi, za mubili wa mina wa nama. Mi hape muitumele ku Mulimu ka kuluma Liseli la moya, Linzwi la Hae, kuli Akone

kufa Sico sa moyo. “Kakuli mutu hana kupila ka buhobe fela, kono ka Linzwi kaufela le li zwelela mwa mulomo wa Mulimu.”

²⁹⁸ Mu zwelepili fela ku opela pina ye mwahali ku mina, mwa mandu a mina, mwahala sicaba sa henu, mi mu to kopana ni luna kwanu ka sikisi seti, busihu boo, kwa makadi a litapelo ni zeñwi cwalo. Lu ka mi bona ka nako yeo. Kufitela nako yeo, amu inamise litho za mina.

²⁹⁹ Ni ka kupa Muzwale Neville haiba akona kutaha kwanu cwale, yena mulisana, mi a lu lukulule ka linzwi la tapelo. 

KUNA NI MUUNA FA YAKONA KUTUKISA LISELI LOZ63-1229M

(There Is A Man Here That Can Turn On The Light)

Liñusa le ka Muzwale William Marrion Branham ne li kotalizwe lwa pili mwa Sikuwa la Sunda kakusasana, Nulule 29, 1963, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatizizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org